

ÆSOPHRYGIS
FABULÆ.

Jam recenter ex collatione
optimorum exemplarium
emendatiùs excusæ.

Unà cum nonnullis variorum Authorum
Fabulis adjectis.

Et Indice correctioni præfixo.



OXONIÆ,
Excudebat A. LICHFIELD,
& H. HALL, Acad. Typog.
1658.

XA-

.64

.658

Rich Jorvoise
His Book

ÆSOPI VITA Bræuissime ex
Maximo Planude selecta.

Rerum humanarum naturam persecuti sunt & alii, & posteris tradiderunt: Æsopus vero videtur non absq; divino afflatu, cum moralem disciplinam attigisset, magno intervallo multos eorum superasse. Genus quidem traxit ex Ammorio oppido Phrygia, cognomento Magnæ, sed fortuna fuit servus: verum servitus non potuit animum ejus liberum corrumpere. Fuit autem non solum servus, sed & deformissimus omnium suæ ætatis hominum: nam acuto fuit capite, pressis naribus, depresso collo, prominentibus labris, niger, unde & nomen adeptus est, ventrosus, valgus, & incurvus, & quod erat omnium pessimum, tardiloquentia, & voce obscura simul & inarticulata, quæ omnia servitutem ei parasse videre possunt. Sed cum tali esset, tamque deformi corpore, animo tamen fuit natura solertissimo, & ad omne commentum felicissimo. Homo igitur tam deformis ad fodiendum agrum ab hero suo immittitur: quo digressus alacriter operi incumberebat. Cumq; ejus domino ficius agricola quidam dono dedisset, ejus dominus servus euidam Agathopo domum ferendas commisit. Qui Agathopus consilium iniit cum servo, ut ipsas ficius illicite devorarent, causarenturq; postea Æsopum furto ablatas edisse, ut hero domum redeunte accusaretur. Æsopum parantur flagra, Procumbit ad heri pedes miser, dilationem petit: qua impetrata aquam calidam effert, cujus partem exhibit, reliquam propinat conservis. Æsopus præter aquam nihil evomit: servi una cum humore ficius in terram ejiciunt. Nudi nebulones flagro misere conciduntur, laudato mirifice ingenio Æsopi. Cum Sacerdotes Dianæ convenissent Æsopum rogassentque ut viam illis monstraret quæ in urbem ducebat: Is prius frugali cana refocillatos in viam dux ipse ducit. Ob quam hospitalitatem Sacerdotis precibus orant Dianā, ut ipsa gratiam referat homini tam bene de ipsis merito. Quo facto reversus Æsopus, in somniumque lapsus, visus est videre Fortunam astare sibi, solventem ejus linguam, atque fabularum largientem doctrinam. Quare mirifice letatus Æsopus, expergiscitur, beneficiumq; in hospitalitatis observationem rejicit. Non enim amplius loquendo tardus erat, sed lingua soluta expedite loquebatur. Quod cum

Zenas quidam agri praefectus intellexisset, timens ne quando iniquitatis apud dominum ab Aesopo accusaretur, hominem praevenit, atque gravissima accusatione in odium domini induxit, adeo ut eidem praefecto ab hero Aesopus traderetur. Cumque in potestate Zena foret Aesopus, convenit Zenam mercator quispiam, rogans, num jumentum aliquod velit divendere. Respondit Zenas, Jumentorum se potestatem non habere, verum Aesopum monstrat, si hunc velit, adesse quidem. Quem cum vidisset mercator: Vnde hac tibi olla? inquit. Anne truncus est, vel homo? Ni vocem emitteret utrem inflatum arbitraretur: atque indignatus abiit. Aesopus ipsum sequens, Mane, inquit. Ille vero conversus, Abi, inquit, sordidissime canis. At Aesopus inquit, Eme me, mercator: non inutile tibi sum futurus mancipium. Nam tibi domi sunt mali pueri, & in otio stantes: his me praefice pedagogum, omni no eis ero pro lava. Ridens igitur mercator, ad Zenam dicit, Quanti vas hoc malum vendis? Ille, Tribus, ait, obolis. Mercator tres obolos exponens. Nihil emi, inquit, nihil exposui. Mercator ille cum Ephesi reliqua vendidisset mancipia, tres remanserant illi: Grammaticus, Cantor, & Aesopus. Quos cum ille nequireret divendere, Samum petiit, atque ibi expositis his tribus, Grammatico & Cantore egregie ornatis, Aesopo vero in medio sordidissimo stante, venit Philosophus Xanthus; atque hos tres probe contuans, mercatoris commentum miratus est, curnam inter duos bellissimos juvenes tam sordidum statuisset homuncionem Xanthus igitur percontatur Cantorem cuius esset, Respondit, Cappadox sum: Quid sciret, Respondit, omnia: Quo dieo? risit Aesopus. Quaerit & a Grammatico Xanthus cuius esset, Dixit se Lydium esse: Quid facere sciret rogante Xantho: Omnia, inquit Grammaticus; atque iterum risit Aesopus. Discedente Xantho, rogant discipuli, ut Aesopum emat, nam reliquos nimis magno pretio assimarat mercator. Veniens ad Aesopum Xanthus, rogat, Vnde sis: Nigrum se esse respondit. Ille vero, Non hoc volebam, ait, sed, Vnde natus sis: ait Aesopus, Ex ventre matris meae. Non hoc dico, inquit Xanthus, sed, In quo loco natus sis: Aesopus respondit, Matrem non renuntiasse sibi, an in sublimi vel humili loco eum genuerit. Xanthus, Quid facere sciret, percontatur: & ille, Nihil. Quomodo? dixit Xanthus. Quoniam hi duo se omnia professi sunt nosse: mihi vero nihil reliquerunt.

Laudatus

Laudatus est multis modis *Æsopus* à Scholasticis ob hoc responsum, quoniam nullus sit uspiam inter mortales, cui cognita explorataque sunt omnia. *Xanthus* empturus *Æsopum* dixit, Si emerò te, anne es fugiturus? Cui *Æsopus*, respondebat, Hoc si facere voluero, haudquaquā te uteror consultore. Quæ cum maxime placuissent *Xantho*, subintulit, Sed deformis es. Atqui ille respondit, O Philosophè, non faciem, sed mentem oportet inspicere. *Xanthus*, solutus à Scholasticis prærio, *Æsopum* accipit. Inter deambulandum igitur, cum sol esset ardentissimus, *Xanthus* meiebat, nihilominus iter peragens. Id animadvertens *Æsopus*, dixit se confestim fugiturum *Xantho*. Curnam id facere vellet, exquirente, Quoniam, inquit, si tu, cum berus sis, natura non potes morem gerere: quid servo mihi faciendum? nam si ad ministerium aliquod mitterer, num inter volandum catare deberem? Post hæc accidit. *Xanthum* die quodam amicos ad convivium invitasse, quibus rem gratam facturus. *Æsopo* mandat, ut lentem coquat. Commode paratā & costā, *Xanthus* eam jubet afferri. *Æsopus* iussa exsequitur. *Xanthus* lente accepta probaturus anne cocta foret satis, digitis eam attrivit: & multas adhuc superesse putans, iussit *Æsopum* afferre. Præterquam is nihil adportavit, *Xantho* graviter indignante, quod lentes non apponeret mensæ, respondit, Se veluti iussisset, non lentes, sed lentem coxisse. Referuntur sententiæ aliquot *Æsopi* elegantissimæ, hæ videlicet:

Deum ante omnia cole.

Mulierì numquā credas secreta.

Regem honora.

Ne pudeat te sæper dicere melio-

Bene agentibus ne invidè.

Fac quæ te nō mœstificent. (ra.

Lingua continens esto.

Bonum esse non te pœniteat.

Æsopus cum apud Samios ageret, libertate donatus est: missusq; Cræso regi bellum cum Samiis agenti, is sua cū prudentia tum urbanitate, effecit, ut Samiis placatus rex conciliaretur. Samii multis honoribus redeuntem *Æsopum* exceperunt: qui, discedens ex insula orbem peragravit: cui maximā familiaritatem fuisse memorant cū Lycero rege, à quo statua aurea *Æsopi* iussa est erigi. Deinde, peragrata *Garcia*, Delphos pergenit, à quibus nullo affectus est honore. sed ab ipsis post salutaria præcepta, rupe præceps devolutus, mortuus est: cuius mors gravi pestilentia ulta, injuste occisi *Æsopi* indicium Delphis exhibuit.

*Martinus Dorpius, Joanni Leupi, Jacobo Papa, &
Joanni Ninivita, eruditissimis in Flandria
Ludimagistris. S.*

EQuidem in ea et sum et fui semper sententia, viri or-
natissimi, quam mutare nullus queat, sed nec velim, ut
impendio plus nutantibus literis consultū putem ab
eruditis aliquot nostra memoriā viris, qui classicos auto-
res castigare ediderunt, quā à quibusdā gloriæ aucupibus
(nam alios taceo) qui cōmentariorum latifundiis omnia
occuparunt. Ecquis enim non eo nomine Alanū Romanū
suspicit, amat, prædicat? Hæc mecum idem idem reputans,
ausus sum & ipse quiddā minus, pene dixerim. minimū,
nempe fabulas Æsopicas rursus emittere, nō carmine qui-
dem illas sub rustico conscriptas, sed prosa oratione mirū
quam lepidō cōcinnatus; utpote à *Guliel. Gaudano* tanto
viro ut ab *Erasmo* meo, literatorum quasi Phænice, serio
fit laudarus. Eam opellam vobis ingeniosæ Flandrorum
juventuris præceptoribus nuncupatā dedico, eo utiq; spe-
ctans, ut scholastici vestri hoc levigatorio omnem renel-
larum linguarum sribiliginē prius abradant, quā *Lilianū*
nostrū vetus, atq; adeo primū apud *lovanientes* politioris
literaturæ domicilium profecti, Philosophiæ initientur.
Adjeci paucula ex *Gellio*, *Politano*, *Petro Crinito*: sed
selecta. Quod si genio quopiam aspirante levis hæc alea
feliciter ceciderit, plusculum aliquando et quædam meæ
futuræ, quæ interim parturio, pariam: dialogos, carmina,
prologos in actiones *Plautinas*, complementū *Aulularæ*,
atq; id genus alia. Cur enim quæso, non ausim? Quoniam
absterreor. Auxilio videlicet fretus *Theseo* quondam ve-
stri nunc et mei *Nicolai Ruscoducensis*, viri (quem tacente
me, ipsi probe nostis) exquisitè docti, sive philosophicas
fabulas requiritatis, sive venustioris dictionis lauritas, &
amici, candidi, sinceri, humani, qui curam huius editiun-
culæ in se omnē derivavit, in reliquis idem (quæ est ho-
minis vigilantia) lubens obiturus. Rideri interim ab istis
amufis, sinistrā *Minerva* natis, hoc vero mihi palmarium;
quando sui similes, et omnes et solus in cœlum ferre de-
stinaverunt. Valere, *Lovanii*, ex nominatissimo *Lilianorū*
mnatio, ad 10 Kal. Dec.



EX

PHILOSTRATI IMAGINIBUS.

FABULÆ se ad Æsopum, sua in eum benevolentia conferunt, quod satagit sui: Fabula quippe & Homero, & Hesiodo, nec non & Archilocho in Lycambem curæ fuit: sed ab Æsopo humana omnia ad fabulas redacta sunt, sermone brutis non temere impertito. Nam & cupiditatem tollit, & libidinem insectatur & fraudem. Atque hæc ei leo quispiam agit, & vulpes; & per Jovem nec equus, nec testudo muta; ex quibus pueri discant, quæ in vita gerantur. Habentur igitur in pretio fabulæ propter Æsopum; accedunt ad januam docti hujus, vittis eum devincturæ, coronæque oleaginæ coronaturæ. Hic (ut puto) fabulam aliquam texit: risus enim faciei, & oculi in terram defixi, id præ se ferunt: Pictorem, fabularum curas remissione animo indigere non latuit. Philosophatur autem pictura, & fabularum corpora: Bruta enim cum hominibus conferens, cœtum circa Æsopum statuit ex illius scenæ confictum. Chori dux vulpes depicta est. Utitur enim ea Æsopus ministra argumentum plurimorum, ceu Davo Comædia.

omnia, quæ in hoc Libro continentur, ordine Alphabetico.

A Biere & dumis pag 37	Amicis duobus & urfa 34,99
Accipitre columbam	Amicis duobus & urfa 76,119
insequente 58	Amne suum fontem convi-
Accipitribus inter se inimi-	riis lacescente 76
cis 91	Anguilla conquerente 62
Adolescentibus duobus 18	A fere 40
Adolescente & caro 19	Anfere & grue 146
Adolescente ex coitu infir-	Anseribus 30
mo & lupo 188	Anu & Ancillis 28
Adolescente in funere ma-	Anu dæmonem accusante 67
tris canente 78	Ape & Jove 131
Adolescente & coquo 100,	Apiario 152
119	Apologo ex Petro Crinito
Adolescente & hirundine	40
132	Apologo Æsopi Phrygis 46
Ægroto & medico 27,102,	Apologo ex Mantuano 26
132	Apro & asino 3
Ægypto ad finem hort. 170	Apro & rustico 40
Æthiope 150	Aquila 164
Agno & lupo 19,122	Aquila & cornicula 4
Agricola 151	Aquila & corvo 25
Agricola & filiis 10,108	Aquila & pica 65
Agricola & canibus 23,98,	Aquila filios cuniculi rapi-
117	ente 85
Agricola & ciconia 24	Aquila & vulpe 106
Agricola mercaturam & mi-	Aquila & corvo 107
liriam affectante 85	Aquila & homine 113
Agricola & poeta 83	Aranea & hirundine 58
Agricola filios suos docente	Aranea & podagra 52
98	Arboribus pulchris & defor-
Agricola & pelargo 122	mi 61
Alcedine 153	Ariete cū tauro pugnāte 84
Alite & pullis 37	A rione

Ariou
Arrul
Arun
Asine
Asine
Asine
Asine
Asine
Asine
fit
Asine
in
Asine
vi
Asine
ral
Asine
Asine
Asine
Asine
Asine
Asine
Asine
Ava
Ava
Auc
Auc
Auc
Auc
Auc
Avi
Avi
Avi
v
Auc

I N D E X.

Arione & Delphino	50	dente	86
Artubus humanis et vërre	57	B	
Arundine & olea	100		
Asino	28, 33, 44	B Ove & juvenco	41
Asino & equo	29, 135	Bubulco	164
Asino & viatoribus	44	Buccinatore	21
Asino & vitulo	59	Butali	150
Asino, simia, & talpa	62	C	
Asino & scurra	76		
Asino ægrotante & lupis vi-		C Alamo, five canna, & oli-	
sitantibus	79	va	120
Asino laborum finem non		7anielo	33, 162
inveniente	79	Calvo crines externos ge-	
Asino qui hero ingrato ser-		rente pro nativis	105
viebat	80	Cancro et vulpe	156
Asino rubicine, & lepore		Cancris matre et filio	32
tabellario	90	Cane et umbra	2
Asino & lupo	102, 135	Cane et asino	3
Asino & Jove	133	Cane venarico	9
Asino & leone	147	Cane et lanio	18, 102
Asino silvestri	160	Cane invido et bove	25
Asinis	161	Cane mordaci	33
Asino & vulpe	161, 162	Cane et leone	42
Asino & ranis	161	Cane et hero	69
Asino & corvo	162	Cane oves domini occid.	48
Avaro	145	Cane ad cœnam vocato	112
Avaro & invido	38	Cane et lupo	126
Aucupe	124	Cane carnes portante	127
Aucupe et palumbo	21	Cane et gallo	143
Aucupe et frigilla	70	Canibus	155
Aucupe et vipera	102	Canibus urbanis villaticum	
Aucupe & merula	103	insequentibus	67
Avibus & quadrupedibus	13	Cantilena Tabellario placita	
Avibus scarabeos timentibus	6		171
Avibus plures reges eligere		Caponibus pinguibus et ma-	
volentibus	77	cro	60
Auriga & rota currus stri-		Carbonario & fullone	21, 95
		Carbonario et lotore	113
		Carduelle et puero	71
		Castor	

I N D E X.

Castore virilia sibi ampu- tante	101	Culice & leone	165
Cassita	145	Cyigno	150
Caro & Gallo	109	Cyigno in morte canente reprehenso à ciconia	61
Cata in sceminā mutata	116	D	
Cera duritiē appetente	75	D erisione homines por- cū occidere volentis	169
Cerva	146	Divite	163
Cerva & Leone	146	Divite & servo	66
Cerva & vite	147	E	
Cervo	14	E pistolis laurentii tribus	54, 55, 56
Cervo & ove	10	Equite calvo	34
Cervo & bobus	16	Equo & Leone	12
Cervo & leone	121	Equo & asino	13, 96
Cicada & formica	41	Equo & cervo	17
Citharcedo	156	Equo inculto sed veloci, & cæteris eū deridentibus	87
Cochleis	151	Eremita ægrotante	60
Cochlea petente à Jove ut suam domum secum ferre posset	81	Eremita & milite	74
Columbe	163	F	
Columba & pica	59	F abula ex Lamia Polit.	48
Columba & corvice	163	Fabula Mancini	173
Columbis & milvo	8	Fabro & cane	123
Coriario emente pellē urfi à venatore nondum capti	73	Facetum de erudiendo asini no dictum	170
Cornice & ove	25	Facetum Minatii consilium	173
Cornice & urna	38	Feli in sceminam mutata	97
Cornice & Corvo	157	Filio senis & leone	104
Cornice & Cane	157	Florentino qui equum e- merat	170
Corvo & vulpecula	4	Formica	27, 159
Corvo & lupis	50	Formica & columba	131
Corvo & vulpe	125	Formicis & cicada	142
Corvo ægrotato	126	Furibus	156
Corvo & serpente	157	Fure & cane	81
Cuculo & accipitre	59	Galli	
Culice cibum ab ape peten- te	90		

INDEX.

165	G	Leone sene	5,127
150	G	Leone rustici filiam amante	128
ente	Allina & vulpe	136	
61	Gallina & hirundine	162	
	Gallina auripera	165	Leone & aliis 2,21
oor-	Gallo gallinaceo	1	Leone & vulpecula 16
169	Gallo & cato	24	Leone & rana 27,127
163	Gallo & vulpe	166	Leone et capra 29
66	Gallis & perdice	111	Leone & tauro 21,128
	Gallis duobus inter se cer-		Leone & capella 38
bus	tantibus	130	Leone & venatore 38
56	Gliribus quercum eruere		Leone & mure 75
34	volentibus	68	Leone porcum sibi socium
12	Graculo	11	eligente 90
96	H	Leone, asino, & vulpe	128
17	H	Leone & homine	137
&	Erinaceo viperam hospi-	Leone et urso	14
87	tem ejiciente	82	Leone et lupo 149
60	Hirundine & aliis aviculis	7	Leporibus 159
74	Hirundine & cornice	150	Leporibus et ranis, 9,134
	Hinnulo	145	Lepore sese vulpi præfere-
48	Hoedo & lupo	9,28,156	te 82
73	Homine, quem canis mo-		Lepore caliditatē et vulpe
23	morderat	99,156	celeritatem à Jove peten-
fi-	Homine & ligno deo	112	tibus 87
70	Homine, qui in somnis au-		Lepore et testudine 138
om	rum reperiēbat	169	Lignatore 133
73	I	Lupo suadente histrici ut	
97	Impossibilia promittēte	143	tela deponeret 81
04	Inimicis duobus	119	Lupo ovis pelle induto 82
e-	Jove	141,158,159	Lupo pisce fluvii, maris reg-
70	Jove & simia	30	num affectante 15
59	Jove & corvo	122	Lupo et agno 1,129
31	Juvenes senis curvitatem ir-		Lupo et grue 2,129
42	rident	64	Lupo et fucula 8
54	L	Lupo et capite picto 11	
81	L	Lupo et vulpe 13	
lli	Lexna & vulpe	129	Lupo et agnis 15
	Legato avaro tubicines		Lupo
	decipiente	63	

I N D E X.

Lupo & cane	22	Muliere venefica	151
Lupo & ove	195	Muliere maritum pediculo-	
Lupo & vetula	165	sum vocante	167
Luscinia cantum accipitri		Mulo et equo	72
pro vita pollicente	179	Mure et rana	1
M		Mure urbano & rustico	3
M Arto & uxore	155	Mure in cista nato	57
Medico & mortuo		Mure amicitiam cum fele	
	124	ineunte	80
Medico, qui insanos curabat		Mure liberante milvum	81
	172	Muribus et cato	121
Membris & ventre	15, 50	Musca	132
Mercurio	158	Musca, quæ, quadrigis in-	
Mercurio & statuario	154	fidens, pulverem se exci-	
Mercurio & Tiresia	154	tasse dicebat	62
Milite & duobus equis	70	Musca et formica	11
Milite qui uxorem habuit		Muscis	154
litigiosam	168	Mustela senicula et muribus	
Milvo ægroto	6		26
Minacii lusoris responsione		N	
	173	N autis sanctorum auxi-	
Monedula	158	lium implorantibus	62
Monedula & columba	157	Nuce, afino et muliere	
Mula	124	quibus singulis profert	
Muliere	149	verbera	79
Muliere virum morientem		Nutrice et lupo	32
flente	61	O	
Muliere amatoris discessum		O Litore et cane	147
flente	62	Ollis duabus	34
Muliere, quæ pro viro se		Opilione et agricolis	
mori velle dicebat	77		24
Muliere ignem in domum		Ove pastori conviciante	86
mariti ferente	91	P	
Muliere & gallina	99, 118,	P ardo et vulpecula	42
	135	Partu montium	8
Muliere & medico	117	Partu terræ	50
Muliere & ancillis	151	Pastore	163
			Pa.

I N D E X.

151	Pastore artem nauticam ex-	Quercu & arundine	30,36
culo-	ercente.	R	
167	Pastore & mari	R Anis	143, 152
72	Pastore & lupo	R Ranis & earum rege	7
1	Patre & filiis	Rana & bove	12
3	Patre filium ad virtutes	Rana & vulpe	32, 135
57	frustra hortante	Ranis regem petentibus	116
fele	Pavone & lusciniæ	Rege & simiis	43
80	Pavone & pica	Ridenda de paucitate ami-	
81	Pavone & grue	corum Dei responsio	172
121	Pavone & monedula	Rustico & colubro	3
132	Paupere monoculo	Rustico & angui	10
in-	Philomela & accipitre	Rustico & equo	20
sci-	Pigritia adolescentis	Rustico & fortuna	35
62	Piscatore	Rustico & Juvenco	39
11	Piscatoribus	Rustico & Hercule	40
54	Piscatore & pisciculo	Rustico impetrante ut tri-	
ous	Piscatore & cinaride	ticum absque aristis nas-	
26	Piscatore & smaride pisce	ceretur	58
		Rustico annē transituro	58
ti-	Piscibus	Rustico & mure	65
62	Piscibus è sartagine in pru-	Rustico per vocem cedi ad	
re	nas defilientibus	jurisconsultum admissio	88
at	Porco & equo	S	
9	Prætorē reperundarū dam-	Sacerdote & pyris	72
2	nato	Sacerdote, qui caniculum	
	Puero & fure	sepelivit	167
7	Puero & matre	Sacerdote. Epiphania an vir	
4	Puero & fortuna	esset vel scemina, ignor.	171
3	Puero oves pascente	Salice & securi	138
4	Puero & scorpione	Sancti Antonii fratre, & lai-	
5	Pulice	co & lupo	171
	Pulice & homine	Satyro & viatore	39
	Punica, & homine	Satyro & rustico	45
	Punica, & malo, arboribus	Scarabeo & aquila	45
	Q	Scurra & episcopo	71
	Qallidipedibus societate	Sene	
	adversus aves, &c.		63

INDEX.

Sene puellam in uxorem accipiente	64	crepante.	61
Sene, obimpotentiam carnis libidinem relinquire	82	Tubicine	100, 123
Sene juvenem poma sibi surripientem, laxis deiciente	89	Turdo amicitiam cum hirundine ineunte	65
Sene mortem differre volente.	92	Thynno & delphino	101, 124
Sene mortem vocante	117	V	
Sene qui asinum portavit	167	Vate	130
Serpente	163	Vaticinatore	93
Serpente & Agricola	136	Venatore & perdice	138
Serpente & cancro	148	Verme & vulpe	164
Simia	141	Vespis, perdicibus & agricola	
Simia & vulpecula	16	la	140
Simia & ejus prole	33	Vespertilione, rubo & mergo	144
Simia & duobus ejus natis	41	Vespertilione & mustela	160
Simia & vulpe	121	Viatore	136
Simia & Delphino	153	Viatore & pera inventa	103
Singulari animali & vulpe	145	Viatoribus	152, 160
Sole & Aquilone	32	Vidua virum perente	67
Sue & Cane	70, 148	Vidua & asino viridi	84
Silva & Rustico	15	Vipera & lima	14
T		Viro Cardinali nuper creato gratulato	64
TAlpa & matre	140	Viro & uxore bigamis	74
Tauro & capro	35	Viro maligno & dæmone	77
Tauro & mure	4	Viro zelotypo	78
Tauris & leone	36	Viro clysteres recusante	79
Testudine & aquila	32, 146	Viro amicos experiri volente	86
Testudine & ranis	61	Viro aratrum portante	174
Tigride & vulpe	36	Viro avaro sacculum nummorum alloquente	92
Trabe & bobus eam trahentibus	60	Viro jactabundo	95
Trabe bonum pigritiam increpante.		Viro Apollinem tentante	95
		Viro & Satyro	96
		Viro Agricola	113
		Viro & infirmo	115
		Viro	

INDEX.

Viro inope & infirmo	115	Vulpe carnem leporis cani	
Viro & uxoribus	142	laudante	85
Vitula & bove	120	Vulpe et Capro	93
Vitulo & cerva	131	Vulpe et capite reperto	95
Ulmo & filere	75	Vulpe et trago	108
Upupa indigné honorata		Vulpe sine cauda	110
	72	Vulpe et rubo	110
Urso & apibus	69	Vulpe et crocodilo	111
Vulpecula & ciconia	10	Vulpe et venatoribus	111
Vulpecula & mustela	17	Vulpe et larva	112
Vulpecula & pardale	43	Vulpe esuriante	114
Vulpe	87	Vulpe et pardo	115
Vulpe et leone	23, 94, 109	Vulpe à rustico in palea ab-	
Vulpe et aquila	23	scandita	170
Vulpe et feli	43	Vulture aliisque avibus	29
Vulpe et mulieribus galli-		Uxore in flumine perempta	
nas edentibus	60		167

INTERPRETES.

Adrianus Barlandus.

Angelus Politianus.

Amanus.

Aulus Gellius.

Erasmus Roterodamus.

Gulielmus Gaudanus.

Gulielmus Harmanus.

Joannes Antonius Campanus.

Laurentius Abstemius.

Laurentius Valla.

Nicolaus Gerbellius Phorcensis.

Petrus Crinitus.

Plinius secundus Novocomensis.

Rimicius.

PETRI



PETRI ÆGIDI
ANTVERPIANI
HENDECASYLLABON.

Quisquis noscere fabulas jocosas
Æsopi cupis, hunc novum libellum
Limatum, nitidum, eruditulumque,
Exili tibi compara monetâ ;
Quo nec tersior est, venustiorque,
Nec jucundior est, facetiôrve ;
Seu purum inspicias stylum Latinum,
Seu tu bestiolas legas loquentes.
Quin & sensiculis scatent amœnis ;
Ut vita instituenda cuique, monstrant.
Hunc nec barbarus ore Zoileo
Pinset, deprimet, atque lancinabit ;
Hunc vel Religiosi probabunt,
Qui testi piceo caput cu cullo,
Ipsis sunt Cynicis severiores.
Nullos quippe docet feros amores,
Vel, quæ lādere testulam juventæ
Possent, illecebras licentiores.
Sed quid plura moror ? Libellus iste
Prorsus nobilis, elegans, Latinus ;
Horarum est simul omnium libellus.

ÆSOPÌ FABULÆ.

De Gallo Gallinaceo.



Allus gallinaceus, dum vertit stercorarium, offendit gemmam; Quid, inquit, rem sic nitidam reperio? Si gemmarius reperisset, nihil esset eo lætius, ut qui pretium sciret. Mihi quidem nulli est usui, nec magni æstimo: imo equidem omnibus gemmis granum hordei malim.

MOR. Per gemmam, artem sapientiamque intellige: per gallum, hominem stolidum & voluptuarium. Nec stolidi artes liberales amant; cum usum earum nesciunt; nec voluptuarius, quippe cui una placeat voluptas.

De Lupo & Agno.

Lupus, ad caput fontis bibens, videt agnum procul infra bibentem: accurrit: agnum increpat, quod turbavit fontem. Trepidare agnus, supplicare ut parcat innocenti; se, quando longè infrà biberit, potum lupi nè potuisse quidem turbare, nedum voluisse. Lupus contra intonat, Nihil agis sacrilege: semper obes: pater, mater, omne rorum invisum genus sedulo mihi adversatur. Tu mihi dabis hodiè pœnas.

MOR. Vetus dictum est, Ut canem cædas, facile inveniri baculum. Potens, si libet nocere, facile capit nocendi causam. Satis peccavit, qui resistere non potuit.

De Mure & Rana.

Bellum gerebat mus cum rana. De paludis cerrabatur imperio. Pugna erat vehemens & anceps. Mus callidus sub herbis latitans ex infidiis ranam adoritur. Rana, viribus melior, pectore & insultu valens, aperto Marte hostem laceffit, Hasta utrique erat juncea. Quo certamine procul viso, milvus adproperat: dumque præ studio pugnae neuter sibi cavet, utrumque bellatorem milvus rapit ac laniat.

MOR. *Itidem evenire solet factiosis civibus, qui accensi libidine dominandi, dum inter se certant fieri magistratus, opes, plerumque etiam & vitam, in periculo ponunt.*

De Cane & Umbra.

CANIS tranans fluvium rictu vehebat carnem. Splendente sole, ita ut sit, umbra carnis lucebat in aquis: quam ille visam avide captans, quod in faucibus erat perdidit. Itaque tum rei, tum spei jactura perculsus, primum stupuit; deinde animum recipiens; sic elatravit, Miser! deerat cupiditati tuæ modus. Satis superque erat, ni desipuisses: jam per tuam stultitiam minus nihilo tibi est.

MOR. *Monemur hac fabula modestiæ, monemur prudentiæ, ut cupiditati sit modus, ne certa pro incertis amittamus. Astute certe Terentianus ille Sannio, Ego, inquit, spem pretio non emam.*

De Leone & quibusdam aliis.

CUM ove quibusdámque aliis pepigerat leo, venationem fore communem. Itur venatum: capitur cervus: partiuntur. Singulis singulas partes tollere, ut convenerat, incipientibus, leo irrugit. Una, inquiēs, pars mea est, quia sum dignissimus. Altera Itidem mea est, quia viribus præstantissimus. Porro, quia in capiendo cervo plus sudaverim, vendico terriam. Quartam denique partem ni concesseritis, actam est de amicitia Socii, hoc audito, discedunt vacui & raciti, non ausi mutire contra leonem.

MOR. *Rara semper fuit fides; apud hoc seculum rarior est; apud potentes & est & fuit semper rarissima. Quocirca satius est, ut vivas cum pari. Qui enim cum potentiore vivit, necesse habet saepe suo jure concedere. Cum æquali æquale tibi jus erit.*

De Lupo & Grue.

LUPO voranti ovem forte ossa hædere in gula: ambit, orat opem. Opitulatur nemo. Omnes dictitant, rulisse eum pretium voracitatis. Tandem blanditiis, multis, pluribusque promissis gruem inducit, ut, collo longissimo in gulam inserto, os infixum eximeret: petenti autem prælium

præmium illufit : Inepta, inquit, abi : non fat habes quòd vivis ? vitam debes mihi : fi libuiffet , licuit præmordere collum tuum.

M O R. *Tritum eſt*, Perire quod facis ingrato.

De Ruſtico & Colubro.

Ruſticus, repertum in nive colubrum frigore propè enectum, domum tulit, adiecit ad focum. Coluber, ab igne vim viſusque recipiens, deinde flammam nō ferens, omne tugurium ſibilando infeſcit. Accurrit ruſticus, correptā ſude verbis verberibūſque cum eo injuriam expoſtulat; num hanc referat gratiam; num vitam erepturus ſit illi, qui vitam ipſi dederit?

M O R. *Fit interdum ut obſint tibi, quibus tu profueris; & male de te mereantur ii, de quibus tu bene ſis meritis.*

De Apro & Afino.

Dum iners afinus irrideret aprum, ille indignans frendeſcit : Malum quidem, ignaviſſime, fueras meritis : ſed etiam ſi tu pœnā fueras dignus, tamen ego indignus qui à te pœnas ſumam. Irride tutus, impunè tibi licet : tutus enim es ob inertiam.

M O R. *Demus operam, ut, cum indigna nobis audiamus aut patiamur, ne indigna nobis dicamus aut faciamus. Mali enim & periti plerunque gaudent, ſi quiſpiam bonorum eis reſiſtat : magni pendunt, haberi ſe dignos ultione. Imitemur equos & magnas beſtias, qui oblatrantes caniculos cum contemptu prætereunt.*

De Mure urbano, & mure ruſtico.

Libitum eſt urbano muri deambulare ruſ. Videt hunc muſ ruſticus; invitat; apparatur; itur cœnatum. Depromit ruſticus quicquid repoſuerat in hyemem, & exhaurit omne penu, ut tanti hoſpitis expleat lautitiam. Urbanus tamen, frontem corrugans, ruſis damnat inopiam; urbis ſubinde laudat copiam, Remeans, ducit ſecum in urbem ruſticum, ut, quæ verbis jaſtitârat, re compro-

baret. Ineunt convivium, quod urbanus splendide comparârat. Inter epulandum auditur in serâ murmur clavis. Trepidare illi, & fugitare fugitando. Rusticus, & insuetus & loci ignarus, ægrè se rueri. Discedente famulo, redit urbanus ad mensam; vocat rusticum. Ille vix tandem metu deposito prorepat. Invitantem ad pocula urbanum, percontatur, num hoc periculum crebrum sit. Respondet ille, quotidianum esse; contemni oportere. Tum rusticus, Quotidianum? inquit. Meherculè, tuæ dapes plus fellis quàm mellis sapiunt. Equidem malo cum securitate meam inopiam, quàm cum tali anxietate illam copiam.

MOR, Divitiæ præ se ferunt quidem voluptatem: sed si introspicias, habent pericula & amaritudinem. Eutrapelus quidam fuit, qui, cum inimicis suis quam maxime nocere vellet, divites eos faciebat; diffidens, ita se eos ulcisci, quippe accepturos cum divitiis ingentem sarcinam curarum.

De Aquila & Cornicula.

Aquila nacta cochleam, non vi aut arte quivit eruere piscem. Accedens cornicula dat consilium: suadet subvolare, & è sublimi cochleam in saxa præcipitare; sic enim fore ut concha frangatur. Humi manet cornicula ut præstoleretur casum. Præcipitat aquila, frangitur testa, subripitur piscis à corniculâ, dolet elusa aquila.

MOR. Noli quibusvis habere fidem; & consilium, quod ab aliis acceperis, fac inspicias. Multi enim consulti, non suis consultoribus, sed sibi consulunt.

De Corvo & Vulpecula.

Prædam nactus strepitat in ramis corvus. Videt vulpecula gestientem: accurrit. Corvum, inquit, plurimâ salute impertit vulpes. Sæpenumero audieram famam esse mendacem, jam re ipsâ experior. Nam ut hæc fortè jam prætereo, suspiciens te in arbore, ad volo culpans famam. Fama enim est, te nigriorem pice esse, & video candidiorem nive. Meo sanè iudicio cygnos vincis, & hedera formosior albâ es. Quod si ut plumis, ita & voce excellas,

excellas, omnium avium equidem te dixerim reginam. Hâc assentationculâ illectus corvus, ad canendum apparat. Apparanti verò è rostro excidit cascus: quo correpto, vulpecula cachinnum tollit. Tum demùm miserum corvum pudet, pigetq; sui, & jacturâ rei misto pudore dolet.

MOR. Nonnulli sic avidi laudis sunt, ut cum suo probro & damno ament assentatorem: ejusmodi homunciones prædæ sunt parasitis. Quod si vitaveris jactantiam, facile assentatorum pestiferum genus vitaveris. Si tu voles esse Thraso, nusquam deerit tibi Gnatho. Terent.

De Leone senectute confecto.

Leo, qui in juventute complures suâ ferocitate fecerat inimicos, in senectute exsolvit pœnas. Reddunt talionem bestix: dente aper, cornu petit taurus. Inprimis assellus, verus ignaviæ nomen cupiens abolere, verbis & calcibus strenuè insultat. Tum gemebundus leo, Hi quibus olim nocui, jam vicissim nocent, & meritò: sed hi quibus aliquando profui, jam vicissim non prosunt, imò etiam immeritò obsunt. Stultus fui, qui multos fecerim inimicos; stultior, qui falsis amicis confisus fuerim.

MOR. In secundis rebus non efferaris, non sis ferox. Nam si vultum mutarit fortuna, ulciscuntur quos laesisti. Et inter amicos fac habeas discrimen. Sunt enim quidam amici, non tui, sed mensæ tuæ, sed fortunæ tuæ, quæ quidem fortuna simulac mutata fuerit, & illi mutabuntur: bene tecum actum erit, si non inimici fuerint. Merito queritur Ovidius,

En! ego non paucis quondam munitus amicis,

Dum flavit velis aura secunda meis:

Ut fera nimbo so tumuerunt æquora vento,

In mediis lacera puppe relinquo aquis.

De Cane & Asino.

Dum blandiretur canis hero & familiæ, herus & familia canem demulcent. Asellus id videns altiùs gemit: coepit eum pigere sortis: iniquè putat comparatum, canem gratum esse cunctis, pascique de mensâ herili,

idque otio ludoque consequi: sese contra portare clitel-
las, cædi flagello, nunquam otiosum esse, & conctis tamen
odiosum. Si hæc fiant blanditiis, eam artem, quæ tam utilis
sit, statuit sectari. Igitur quodam tempore redeunti do-
mum hero, rem tentaturus, procurrit obviàm, subsilit,
pullat ungulis. Exclamante hero, accurrere servi; & in-
eptus asellus, qui se urbanum credidit, fuste vapulat.

M O R. Non omnia possumus omnes, ut ait *Virgilius* in
Bucol. Nec omnes omnia decent. Id quisque velit, id ten-
ter, quod possit. Nam scimus id quod Græce significantiùs di-
citur, ὄν & λύρας, id est, Asinus lyrarū vel lyræ, Sic autem
Boetius, Asinus ad lyram positus. Repugnante naturâ irritus
est labor.

Tu nihil invitâ dices facièsve Minervâ, teste *Horatio*.

De Leone & Mure.

LEO, æstu cursūque defessus, sub umbrâ, fronde super
viridi quiescebat. Murum autem grege tergum ejus
percurrente, experrectus, unum è multis comprehen-
dit. Supplicat captivus; indignum se esse cui leo irasca-
tur, clamitat. Reputans ille in nece tantillæ bestiolæ ni-
hil esse laudis, captivum dimittit. Nec verò ità multò
pòst, leo fortè, dum per saltum currit, incidit in plagas:
rugire licet, exire non licet. Rugientem miserabiliter leo-
nem mus audit, vocem agnoscit, repit in cuniculos, la-
queorum quærit nodos, quæsitos invenit, inventos corro-
dit; leo è plagis evadit.

M O R. Hæc fabula suadet potentibus clementiam. Etenim,
ut sunt res humanæ instabiles, egent interdum ipsi potentes ope
humillimorum. Quare vir prudens, etsi potest, timebit vel vili
homini nocere: qui autem non timet nocere alteri, valde desipit.
Quid ita? Quia, etsi jam potentia fretus, neminem metuit,
forsan olim erit ut metuat. Constat enim evenisse claris mag-
nisq; regibus, ut vilium homuncionum vel gratia indignerint,
vel iram metuerint.

De Miluo agroto.

LESTO decumbebat milvus, jam ferme moriens: Matrem orat precatum ire deos. Mater respondet, Nihil opis illi sperandum à diis, quorum sacra & aras suis rapinis toties violasset.

MOR. Decet venerari superos: illi enim pios juvant, impiis adversantur. Infelicitate neglecti, in miseria non exaudient. Quare in secundis rebus sis eorum memor, ut in adversis rebus præsentés sint vocati.

De Hirundine & aliis aviculis.

CUM primum coëptum est seri linam, hirundo suadet aviculis impedire sementem; dictitans, sibi fieri insidias. Irrident illæ, stultam vatem hirundinem vocant. Surgente jam lino, & virescente, rursum monet evellere fata. Iterum irrident. Maturescit linum, hortatur populari segetem. Cum ne tunc quidem consulentem audirent, hirundo, avium cœtu relicto, hominis sibi conciliat amicitiam: init cum eo sædus, cohabitat, cantu demulcet. Cæteris è lino avibus fiunt retia & laquei.

MOR. Multi nec ipsi consulere sibi norunt, nec recte consulentem audiunt. Sed cum in periculis sunt & damnis, tunc demum sapere incipiunt, & suam damnare socordiam. Tum sat superque consilii est: Hoc, inquam, & illud factum oportuit. Sed præstat esse Prometheum, quam Epimetheum. Fuere hi fratres, Nomina sunt Græca. Alteri consilium ante rem fuit, alteri post rem: quod declarat interpretatio nominum.

De Ranis, & earum Rege.

GENS ranarum, cum esset libera, Jovi supplicabat dari sibi regem. Ridere Jupiter vota ranarum. Illæ tamen iterum atque iterum instare, donec ipsi in perperellerent. Dejecit ille trabem, Ea moles ingenti fragore quasi fluxum. Territæ silent ranæ, regem venerantur. Accedunt pederentim proprius: tandem obiecto metu, insultant & desultant. Iners rex lusui est, & contemptui.

Laceſſunt rurſum Jovem : orant regem dari qui ſtrenuus ſit. Dat Jupiter ciconiam. Is perſtrenuè perambulans paulum, quicquid ranarum obviam ſit, vorat. De hujus igitur ſævitia ranæ fruſtra queſtæ ſunt. Jupiter non audit: nam & hodie adhuc queruntur. Veſperî enim ciconia cubitum eunte, ex antris egreſſæ rauco ululatu murmurant, ſed ſurdo canunt. Vult enim Jupiter, ut quæ regem clementem ſint deprecata, jam ferant inclementem.

M O R. *Perinde atque ranis, evenire ſolet plebi : quæ ſi regem paulo manſuetiorem habet, ignavum & inertem eſſe cauſatur : optat aliquando contingere ſibi virum. Contra, ſi quando naſta eſt regem ſirenuum, hujus ſævitiam damnat, prioris laudat clementiam : ſive quod ſemper præſentium nos pœnitet, ſive quod verum eſt verbum, Nova veteribus eſſe potiora,*

De Columbîs & Milvo.

Columbæ olim bellum geſſere cum milvo : quem ut expugnarent, delegerunt regem ſibi accipitrem. Ille rex factus, hoſtem agit, non regem. Non ſegnius ac milvus rapit ac laniat. Pœnitet columbas incepti, ſatius fuiſſe putantes, pati bella milvi quam tyrannidem accipitris.

M O R. *Neminem ſuæ ſortis nimium pigeat. Nihil eſt (teſte Flacco) ab omni parte beatum. Equidem meam ſortem, modo tolerabilis ſit, mutare non optem. Multi, nova ſorte quaſita, veterem rurſus optarunt. Ita plerique ingenio vario ſumus omnes, ut noſmet noſtri pœniteat.*

De Fure & Cane.

Furi aliquando panem (ut fileat) porrigenti reſpondit canis, Inſidias tuas novi : panem das quo deſinam latrare, ſed ego tuum munus odi ; quippe ſi ego tulerō panem, tu ex his teſtis cuncta exportabis.

M O R. *Cave parvi commodi cauſa amittas magnum. Cave cuius homini fidem habeas. Sunt enim qui dolo non tantum benigne dicunt, ſed & benigne faciunt.*

De Lupo & Sucula.

Parturiebat sucula. Pollicetur lupo se custodem fore
foetus. Respondet puerpera, Lupi obsequio se non
egere: si velit pius haberi, si cupiat gratum facere,
longius abeat: Lupi enim officium constare, non præsen-
tia, sed absentia.

MOR. *Non sunt cuncta credenda cunctis. Multi suam o-
peram pollicentur, non tui amore, sed sui: suum quærentes
commodum, non tuum.*

De partu montium.

Olim rumor erat parturire montes: homines accu-
runt, circumstant, monstri quippiam non sine
pavore expectantes. Parturiunt tandem montes,
exit mus. Tum omnes risu emori.

MOR. *Hanc fabellam tangit Horatius,*

Parturiunt montes, nascetur ridiculus mus.

*Notat etiam jactantiam. Jactabundi enim, cum magna pro-
fidentur & ostentant, vix parva faciunt. Quapropter Thrasones
illi jure sunt materia joci & scommatum. Vetat item hac fa-
bula inanes timores. Plerumque enim gravior periculo est peri-
culi metus, imo ridiculum est quod metuimus.*

De Cane venatico qui ab hero contemnitur.

Canem venaticum, qui jam senuerat, instigat herus;
frustra hortatur, tardi sunt pedes, non properat.
Prehenderat feram, fera edentulo elabitur. Increpat
herus verberare & verbo. Canis respondet, debere sibi jure
ignosci; jam senuisse, at juvenem fuisse strenuum. Sed, ut
video, inquit, nil placet sine fructu; juvenem amasti, se-
nem odisti. Amasti prædabundum, odisti tardum, edentu-
lum. Sed si gratus esses, quem olim juvenem frugis causa
dilexisti, senem fructuosæ juventutis gratia diligeres.

MOR. *Rectè canis. Nam, teste Nasone,*

Nil, nisi quod prodest, charum est: En! detrahe menti
Spem fructus avidæ, nemo pretendus erit.

Præteriti

Præteriti commodi nulla est memoria, futuri autem gratia non magna, præsentis commodi summa.

*Turpe quidem dictum; sed, si modo vera fatemur,
Vulgus amicitias utilitate probat.*

De Leporibus & Ranis.

Sylva insolito mugiente turbine, trepidi lepores rapide occipiunt fugere. Fugientibus cum obfisteret palus, stetere anxii, utrinque comprehensi periculis. Quodque majoris esset incitamentum timoris, vident in palude mergi ranas. Tunc ex leporibus unus prudentior cæteris, ac disertior; Quid, inquit, inaniter timeamus? Animo opus est: Corporum quidem agilitas nobis est, sed animus deest. Hoc periculum turbinis non fugiendum, sed est contemnendum.

M O R. Omni in re opus est animo. Facet virtus sine confidentia. Confidentia enim dux & regina virtutis est.

De Hædo & Lupo.

CApra, cum esset pastum itura, hædum domi concludit, monens aperire nemini dum redeat ipsa. Lupus, qui id procul audierat, post matris discessum pulsar fores: voce caprissat, jubens recludi. Hædus dolum præsentiens, Non aperio, inquit: nam etsi vox caprissat, tamen equidem per rimulas lupum video.

M O R. Obedire parenti filios, ipsis est utile, & juvenem seni decet auscultare.

De Cervo & Ove.

Cervus coram lupo ovem ream facit, modium tritici debere clamitans. Ovis debiti quidem erat inscia; tamen ob lupi præsentiam spondet se daturam. Dicitur solutioni dies, adest: monet cervus ovem. Illa it inficias. Quod enim promiserat, excusat, factum id metu, & præsentia lupi; Votum extorrum non esse servandum.

*M O R. Sententia juris est, Vim vi repellere licet.
Ex hac fabella, nova quædam nascitur, Fraudem fraude repellere licet.*

De

De Rustico & Angui.

Rusticus quidam nutrierat anguem. Iratus aliquando, bestiam petit securi. Evadit ille non sine vulnere. Postea rusticus deveniens ad paupertatem, ratus est id infortunii propter anguis injuriam sibi accidere. Igitur supplicat angui ut redeat. Ille ait, Ignoscere, sed redire nolle; neq; fore securū cum rustico, cui tanta sit domi securis; livorem vulneris defuisse, superesse tamen memoriam.

M O R. *Ei, qui semel fidem solvit, iterum habere fidem vix est tutum. Injuriam quidem condonare, id sane misericordia est: cavere autem sibi, & decet, & prudentia est.*

De Vulpecula & Ciconia.

Vulpecula vocavit ciconiam ad cœnam: Opsonium in mensam effundit: quod, cū liquidum esset, ciconia frustra rostro tentante, vulpecula lingit. Abiit elusa avis, pudetq; pigetq; injuriæ. Post plussculum dierum redit, invitat vulpeculam. Vitreum vas situm erat plenum opsonii, quod quidem vas, cū esset arcti gutturis, vulpeculæ opsonium licuit videre, & esurire, gustare non licuit: Ciconia rostro facile exhausta.

M O R. *Risus risum, jocus jocum, dolus dolum, fraus metetur fraudem.*

De Lupo & Capite picto.

Lupus in officina sculptoris caput humanum repertū versat; miratur, sentiens, id quod erat, nihil habere sensus. O pulchrum, inquit, caput! Est in te artis multum, sed sensus nihil.

M O R. *Externa pulchritudo, si adsit interna, grata est. Sin alterutra carendum est, præstat externa, quàm interna careas. Illa enim sine hac interdum incurrit odium, ut stolidus eò sit odiosior, quò formosior,*

De Graculo.

Graculus amavit se plumis pavonis. Deinde pulchellus sibi visus, fastidito genere suo, contulit se ad pavonum genus. Illi tandem, intellectâ fraude, stolidam avem coloribus nudârunt, & plagis affecerunt. Horatius hanc fabellam primo Epistolarum libro narrat, de corniculâ. Ait eam olim adornatam collectis, quæ avibus exciderant, plumis: postea aut, cum unaquæque avium suam plumam decerpisset, ridiculam fuisse.

*Nè, si forte sum repetitum, venerit olim
Grex avium plumas moveat cornicula risum,
Furtivis nudata coloribus.*

MOR. Notat hæc fabula eos qui se gerunt æquo sublimius; qui cum his vivunt, qui & ditiores sunt & magis nobiles; quare sæpe inopes fiunt, & sunt ludibrio. Probe Juvenalis monet — è cælo descendit γυνῶν δὲ σκαυτὼν, hoc est. No-
sce te ipsum.

De Musca & Formica.

Musca altercabatur cum Formicâ: se nobilem, illam ignobilem; se volitare, illam repere; se versari in tectis regum, illam in cavernis latere, segerem rodere, aquam bibere; se splendide epulari jactabat, & hæc tamen otio nancisci. E regione, formica se non ignobilem esse, sed suis natalibus contentam: muscam vagam esse, se stabilem; sapere formicæ grana & fluentia, quod muscæ pastilli & vina; atque hæc se non segni otio, at strenuâ operâ nancisci: porro formicam lætam esse & tutam, charam omnibus, exemplar denique laboris; muscam anxiam, cum periculo esse cunctis infestam, cunctis invisam, exemplar denique segnitiei, formicam hyemis memorem alimenta reponere; muscam in diem vivere, hyeme aut esurituram, aut certè morituram.

MOR. Qui pergit quæ vult dicere, ea quæ non vult audiet. Musca si benè dixisset, bene audisset. Assentior autem formicæ. Videtur enim optabilior vita obscura cum securitate, quàm cum periculo splendida,

De Rana & Bove.

Rana cupida æquandi bovem, se distendebat. Filius hortabatur matrem cœpro desistere: nihil enim esse ranam ad bovem. Illa secundum intumuit. Clamitatus. Crepes licet mater, bovem nunquam vinces. Tertium autem cum intumuisset, crepuit.

MOR. Cuique sua dō est. Hic forma, ille viribus; hic opibus, ille pollet amicis unumquemque; suo decet esse contentum. Valet ille corpore, tu ingenio. Quocirca quisque semet consulat: nec invideat superiori, quod miserum est; nec, quod stultitia est, certare optet.

De Equo & Leone.

Venit ad equum comedendum leo: Carens autem præ senectâ viribus, meditari cœpit artem; medicum se proficitur, verborum ambage equum moratur. Hic dolo dolum, artem opponit arti. Fingit se nuper in loco spinoso pupugisse pedem, orat ut inspiciens sentem medicus educat. Paret leo. At equus, quantâ potuit vi, calcem leoni impingit, & se continuo coniecit in pedes. Leo vix tandem ad se rediens, (ictu enim propè exanimatus fuerat) Pretium, inquit, ob stultiam fero; & is Jure effugit: dolum enim dolo ultus est.

MOR. Odio digna est simulatio, & simulatione capienda. Non est timendus hostis, qui hostem præ se fert: sed qui, cum hostis sit, benevolentiam simulat, is demum timendus est, & odio dignissimus.

De Equo & Asino.

Equus, phaleris sellâque exornatus, cum ingenti hinnitu per viam currebat. Currenti autem onustus assellus fortè obstabat. Equus irâ freverebundus, & frena ferox spumantia mandens: Quid, inquit, tarde, ignave, obsistis equo? Cede, inquam, aut proculcabo te pedibus. Asellus, contrâ rudere non ausus, cedit tacitus. Equo autem provolanti & cursum intendenti crepat inguen.

inguen. Tum cursui & ostentui inutilis, ornamentis spoliatur, deinde carrario venditur. Postea cum carro venientem videt asellus, & affatur, Heus bone vir, quid istuc ornati est? ubi aurata sella, bullata cingula? ubi nitidum frænum? Sic, amice, necesse fuit evenire superbienti

MOR. *Plerique in secundis rebus elati sunt, nec sui memores, nec modestiæ: Sed quia prosperitate insolescunt, adversitatem incurrunt. Eos, qui videntur felices, monuerim esse cautos: etenim si rota fortunæ circumacta fuerit, sentient miserrimum genus infortunii esse, fuisse felices. Accedit ad cumulum infelicitatis id quoque mali, Contemnentur ab iis quos ipsi contempsere: & illudent eis ii, quos ipsi risere.*

De Avibus & Quadrupedibus.

Avibus pugna erat cum quadrupedibus. Utrunque spes, utrinque metus, utrinque erat periculum. Vespertilio autem, relictis sociis, deficit ad hostes: vincunt aves, duce & auspice aquila. Transfugam vero vespertilionem damnant, uti nè ad aves unquam illi sit reditio, uti nè luci unquam sit volatus. Hæc causa vespertilioni est, ut non nisi noctu volet:

MOR. *Qui cum sociis adversitatis & periculi particeps esse renuit, prosperitatis & salutis expertus erit.*

De Lupo & Vulpe.

Lupus, cum prædæ satis esset, in otio degebat. Accedit vulpecula: Scisciratur otii causam. Sensit lupus insidias fieri suis epulis; simulat morbum esse causam: orat vulpeculam deprecaturum ire deos, Illa, dolens dolum non succedere, adit pastorem, monet patere latebras lupi: hostem enim securum posse inopinato opprimi. Adoritur pastor lupum, mactat, Illa potitur antro & præda: Sed fuit illi breve sceleris sui gaudium: nam, non ita multo post, idem pastor & ipsam capit.

MOR. *Fœda res invidia est, et ipsi interdum auctori quoque perniciofa: Flaccus Epistolarum lib: 1:*

Invidus alterius rebus macrescit opimis.

Invidia

Invidia Siculi non invenere tyranni
Majus tormentum.

De Cervo.

Cervus, in perspicuo fonte se conspicatus, probat pro-
cera frontis & ramosa cornua; sed tibiærum exili-
tatem damnat. Forte, dum contemplatur, dum ju-
dicat, intervenit venator: fugit cervus *Ocyor pilis, & agente*
nimbos ocyor Euro. Insestantur fugientem canes. Sed cum
intrasset condensam sylvam, implicata sunt ramis cornua.
Tum demum tibiæ laudabat, & cornua damnabat, quæ
fecere ut præda esset canibus.

MOR. Fugienda petimus; petenda fugimus. Placent quæ
officiunt; quæ conferunt, displicent. Beatitudinem cupimus,
priusquam ubi sit intelligamus. Opum excellentiam & honorum
celsitudinem quærimus: in his beatitudinem sitam opinamur,
in quibus tamen multum laboris est & doloris. Pulchrè id si-
gnificat *Lyricus ille noster*,

Sæpius ventis agitur ingens
Pinus, & celsæ graviore casu
Decidunt turres, feriuntque summos
Fulmina montes.

De Vipera & Lima.

In fabrica offendens limam vipera, cœpit rodere. Sub-
risit lima, Quid, inquires, inepta? quid agis? Tu tibi
ante contriveris dentes, quam me atteras, quæ duritiem
æris præmordere soleo.

MOR. Etiam atque etiam vide quicum tibi res sit. Si in
fortiorem dentes acuas, non illè, sed tibi nocueris.

De Lupis & agnis.

Lupis & agnis, quibus natura est discordia, foedus ali-
quando fuit, daris utrinque obsidibus. Lupi suos ca-
tulos, oves canum cohortem dedere. Quietis ovibus
ac pascentibus, lupuli matrum desiderio ululatus edunt.
Tum lupi irruentes, fidem foedusq; solutū clamitant, ovesq;
canum præsidio destitutas laniant.

MOR.

MOR. *Inscitia est, si in fœdere tua præsidia hosti tradas. Nam qui hostis fuit, hostis forsan nōdum esse desiit; fortassis & causam ceperit, cur te nudatum præsidio aāoriatur.*

De Sylva & Rustico.

Quo tempore etiam arboribus suus sermo erat, venit rusticus in sylvam; rogar ut ad securim suam tollere liceat capulum. Annuit sylva, Rusticus, aprata securi, cœpit arbores succidere. Tum, & quidem serò, pœnituit sylvam suæ facilitatis: doloit seipsam esse causam sui exitii.

MOR. *De quo benè merearis, vide. Multi fuere, qui accepto beneficio in auctoris abusi sunt perniciem.*

De Membris & Ventre.

Pes & manus ventrem olim incusarunt, quòd ab otioso eo lucra ipsorum vorarentur. Jubent aut laboret, aut ali nē perat. Supplicat ille semel atque iterum. Negant ramen manus alimentum. Exhausto inedia ventre, ubi cœpere omnes artus deficere, tum manus voluit tandem officiosa esse: verum id serò. Nam venter, desuetudine debilis, cibum repulit. Ità cuncti artus, dum ventri inident, cum ventre pereunte pereunt.

MOR. *Perinde atque in membrorum societate est, ita se habet societas humana. Membrum eget membro: amicus eget amico. Quare mutuis officiis, mutuis operibus utendum est: neque divitiæ, neque dignitatum apices hominem satis tuentur. Unicum & summum præsidium, complurium amicitia est.*

De Simia & Vulpecula.

Simia vulpeculam orat, ut partem caudæ sibi donet ad stegendas nates; illi enim esse oneri, quod sibi foret usui & honori. Respondet illa, nihil nimis esse; & se malle humum cauda sua verri, quam simiæ nates regi.

MOR. *Sunt qui egent; sunt quibus superest: nulli tamen divitum id moris est, ut re superflua beet egenos.*

De Gerbo & Bobus.

CERVUS, venatorem fugiens, coniecit se in stabulum: boves orat, ut in præsepi latitare liceat. Boves tutum esse negant; mox enim & dominum & famulum affuturos. Ille securum se esse ait, modò nè ipsi prodant. Intrat famulus, occultum fœno non videt; exit. Gestire cervus, & nihil jam timere. Tum unus è bobus, & ævo, & consilio gravis, Facile, inquit, erat hunc (qui talpa est) fallere: sed ut herum (qui Argus est) lateas, *Hic labor, hoc opus est.* Mox deinde introgreditur herus; qui, ut servi negligentiam corrigat, cuncta lustrans oculis, & præsepe manu tentans, cervi deprehendit sub fœno cornua: in-clamat famulos, accurrunt, feram concludunt, capiunt.

MOR. *In adversis rebus & periculis, latebrae difficiles sunt inventu: aut quia miseros, ut cœpit, fortuna exagitat; aut quia ipsi, metu impediti, & inopes consilii semet imprudentia produnt.*

De Leone & Vulpecula.

LEo ægrotabat, visebant animalia, unâ officium dis-
crepante vulpecula. Ad hanc legatum mittit leo cum
epistolâ, quæ venire admoneat; gratissimam rem æ-
groto fore ejus unius præsentiam; nec quicquâ periculi
fore cur vulpecula metuat: leonem enim primum quidē
amicissimum esse vulpeculæ, ideoq; percupere ejus col-
loquium. Deinde ægrotum esse, & decumbere, ut etiamsi
(id quod non erat) velit, nocere tamen non queat. Re-
scribit vulpecula, Optare se ut leo convalescat, idque ora-
turam superos; cæterum minime visuram; terreri enim
se vestigiis. Quæ quidem vestigia cum omnia sint antro
leonis adversa, & nulla aversa, eam rem indicium esse,
multum quidem animalium introisse, sed exisse nullum.

Horat.

*Olim quod vulpes, ægroto cauta leoni
Respondit, referam: Quia me vestigia terrent,
Omnia te adversum spectantia, nulla retorsum.*

MOR. *Cave fidem habeas verbis. Ni caveris, saepe tibi
dabuntur verba. Capienda est conjectura tum ex verbis, tum
ex factis; & ex his illa sunt judicanda.*

De Vulpeculâ & Mustela.

Vulpecula, longâ inediâ tenuis, forte per angustior-
rem rimam ad cumeram frumenti repsit: in qua cum
probe pasta fuit, deinde rursus tentantem egredi
distentus impedit venter. Mustela luctantem procul con-
templata, tandem monet, si exire cupiat, ad cavum macra
redeat, quod macra intraverat.

M O R. Videas complures in mediocritate latos esse atque
alacres, vacuos curis, expertes animi molestiis. Sin hi divites
facti fuerint, videbis eos maestos incedere, nunquam frontem
porrigere, plenos curis, animi molestiis obrutos. Hanc fabellam
sic Horatius canit, lib. i. Epist. 7.

Forte per angustam tenuis vulpecula rimam
Repserat in cumeram frumenti; pastaque rursus
Ire foras pleno tendebat corpore frustra.
Cui mustela procul, Si vis, ait, effugere istine,
Macra cavum repetas arctum, quem macra subisti.

De Equo & Cervo.

Equus gerebat bellum cum cervo. Pulsus tandem è
pascuis, implorabat opem humanam, Redit cum ho-
mine descendit in campum: victus antea jam fit vi-
ctor Sed tamen hoste victo, & sub jugū misso, ipse victor,
necesse est serviat homini Equitē fert dorso, frænū ore.
M O R. Dimicant multi contra paupertatem: quâ per fortu-
nam & industriam victa, sæpe victoris interit libertas: Do-
mini quippe & victores paupertatis servire incipiunt divitiis,
anguntur avaritiæ flagris, parsimonie cohibentur frenis, nec
querendi tenent modum, nec (iusto quidem avaritiæ supplicio)
partis rebus audent uti. De hac re Horatius, lib. i. Epistolarum.
10 Epist.

Cervus equum pugnâ melior communibus herbis
Pellebat, donec minor in cerramine longo
Imploravit opes hominis, frænūque recepit.
Sed, postquam victor violens discessit ab hoste,
Non equitem dorso, non frænū depulit ore.
Sic qui pauperiem veritus, potiore metallis
Libertate caret, dominum vehet improbus, atque
Serviet æternū, quia parvo nesciat uti,

ÆSOPI FABULÆ, ADRIANO BARLANDO INTERPRETE.

De duobus Adolescentibus.

Adolescentes duo obsonium apud coquum sese empturos simulant. Coquo alias res agente, carnem alter è canistro surripit: dat socio ut sub veste occultat. Coquus subreptam sibi carnis partem ut vidit, furti utrumque cœpit insimulare. Qui abstulerat, per Iovem nihil habere; is vero qui habuit, nil se abstulisse identidem pejerat. Ad quos, Me quidem, inquit coquus, fur nunc latet; sed is inspexit, is scit per quem iurastis.

MOR. Si quid peccavimus, id statim non sciunt homines; at Deus omnia videt, qui sedet super cœlos, & intuetur abyssos. Quod si cogitent homines, suppressius prudentiusque peccabitur.

De Cane & Lanio.

CAnis in macello cum lanio carnem abstulisset, in pedes sese continuo quantum potuit coniecit. Lanio, jactura rei perculsus, primum tacuit: deinde animum recipiens, sic procul acclamavit; O furacissime, curre tutus, impune tibi licet: tutus enim es nunc ob celeritatem; post hac autem cautius observaberis.

MOR. Hæc fabula significat, plerosque omnes tum demum fieri cautiore, ubi damnum acceperint.

De Cane & Ove.

CAnis ovem in jus vocat, panem ex mutuo debere clamirans. Illa it inficias. Milvus, lupo, vulturi, accersuntur: rem affirmant. Damnatur ovis: damnatam canis rapit ac deglubit.

MOR. Falsis testimoniis opprimi quamplurimos, tum nemo nescit, cum hæc quam optime docet fabellula.

De Agno & Lupo.

AGno comitanti caprum lupo fit obviam:rogitat cur relicta matre olidum potius sequatur hircum, suadetque ut ad distenta lacte matris ubera redeat; sperans ita fore, abductum ut laniet. Ille vero, Mater me, ò lupe, inquit, hic commisit: huic summa cura servandi data est, parenti potius quàm tibi obsequendum, qui me seducere istis dictis postulas, subductum mox discerpere.

MOR. Noti omnibus fidem habere. Multi enim, dum aliis videntur velle prodesse, sibi interim consulunt.

De Adolescente & Cato.

Cum adolescens quidam in deliciis amoribusque usurpasset catum, Venerem precibus fatigavit, ut catum in foeminam transfigureret. Commiserescit, & audit orantem Venus: fit metamorphosis, quæ adolescenti misere amanti perplacuit; nempe tota succi plenula, tota candidula, tota elegantula. Itur deinde in cubiculum, ridetur, luditur. Nec vero ita multo post, percipiens experiri Dea nunquid catus cum corpore mutasset & mores, per impluvium immittit musculum. Ibi risu prorsus atque ludo res digna accidit. Conspectam illicò bestiolam insequitur muliercula. Venus indignans foeminæ vultus in catum mutavit.

Cum pedibusque manus, cum parvis brachia mutat

Cruribus: & cauda est mutatis addita membris.

MOR. Coelum, non animum mutant, qui trans mare currunt. Nimisque difficile est, assueta relinquere.

Horat. Naturam expellas furca licet, usque recurret.

De Agrícola & Filiis,

Complures habebat agricola adolescentulos, iique inter se discordes fuere: quos pater elaborans trahere ad mutuū amorem, appposito fasciculo, jubet singulos brevi circumdatum funiculo effringere. Imbecilla nequicquam conatur ætatula. Solvit pater, redditque singulis virgulam: quam cum pro suis quisque viriculis facile frangeret; O, inquit, filioli, sic concordēs vos vincere poterit nemo, Sed si mutuis volueritis sœvire vulneribus,

neribus, atque intestinum agitare bellum, critis tandem prædæ hostibus.

MOR. *Docet hic Apologus, Concordiâ parvas res crescere, discordiâ magnas dilabi.*

De Rustico & Equo.

Rusticus equum vacuum, asinumq; sarcinulis egregie onustum producit ad viam. Defessus asellus equum, sibi onera ut adjuvet, orat, si saluum velit. Negat facturum equus. Asellus tandem sarcinæ pondere gravatus procumbit: moritur. Herus omne onus, mortui quoque aselli corium, in equi dorsum reclinat. Quibus cum ille deprimeretur, Me miserum! inquit, merito meo sic nunc excrucior, qui dudum laboranti asino opitulari nolui.

MOR. *Monemur hac fabula, ut oppressis subveniamus amicis. Ortus nostri (inquit Plato) partem sibi patria vendicat, partem amici.*

De Carbonario & Fullone.

Fullonem invitabat carbonarius, ut secum in tunicis ædibus habitaret. Fullo, non est, inquit, mi homo, istud mihi vel cordi, vel utile: vereor enim magnopere, ne, quæ ego eluam, tu reddas tam atra quàm carbo est.

MOR. *Monemur hoc Apologo, cum inculpatis ambulare: monemur, sceleratorum hominum consortium, velut pestem quandam, devitare. Trahunt (inquit Campanus) hominem sodalitia: commercia etiam in mores penetrant; & perinde quisque evadit, ut ii quibuscum versatur.*

De Aucape & Palumbo.

It venatum auceps: videt nidulantem procul in altissima arbore palumbum: adproperat: denique infidias molitur: premit forte calcibus anguem. Hic mordere. Ille improviseo exanimatus malo. Me miserum! inquit dum alteri insidior, ipse dispereo.

MOR. *Significat hac fabula, nonnunquam eos suis artibus circumveniri, qui res novas moliantur.*

De Buccinatore.

Buccinator quidam ab hostibus capitur; adducitur. Trepidare ille, supplicare ut parcant innoxio; se, quando nihil armorum unquam præter unam buccinam gestaverit, hominem nè potuisse quidem occidere, nedum voluisse. Illi contra marmure tum sævo, tum verberibus insonant. Nihil agis, scelus, maxime noces, atque nunc hic trucidabere; quod, cum ipse (ut fateris) sis rei militaris imperitus, cornu isto tuo aliorum excitas evibrasque animos.

MOR. Gravissime peccant nonnulli, qui ad mala alioqui satis propius principibus, ut inique agant, consulunt, atque huiusmodi quedam ad illorum aures occinunt: Quid etiam dubitasti? An te Principem esse oblitus es? Annon tibi quod lubeat, licet? Tu legibus major: in te Legirupa nomen cadere haud potest, qui ipsis etiam dominaris legibus. Tui nihil possident, quod tuum non sis. Tu potes & servare & perdere. Tibi fas est, opibus dignitateque augere quem visum sit. Fas est ubi libuerit adimere. Alios alia vel damnant, vel commendant: tibi nihil non honestissimum futurum.

De Lupo & Cane.

Lupus cani ante lucem in sylva forte fortuna fit obviam; salutat, adventum gratulatur: denique rogat quo pacto tam sit nitidus. Cui ille, Herilis cura hoc efficit, herus me blandientem sibi demulcet, de mensa pascor, herili nitidissima, nunquam sub dio dormito, tum universæ familiæ non dici potest quā sim gratus. Næ tu, inquit lupus, multo es felicissimus, ô canis, cui tam benignus et comis contigit herus; quo cum ô utinam commorari et mihi liceat nullum me animantium esset uspiam fortunatius. Canis, novi statûs cupidissimum videns lupum, effecturum se pollicetur, ut hæreat in parte aliqua apud herum, modo de pristina ferocia aliquid remittere, & servitutem servire velit. Stat sententia: Lupo libitum est deambulare ad villā: sermones edunt in itinere prorsus jucundissimos. Postea vero cum illuxit, contritum canis collum videns lupus, Quid tibi vult, inquit, ô canis, tua isthæc prorsus depilata cervix? Solebam, inquit ille, feroculus

feroculus notis pariter & ignotis allatrare, obmorderetq;
nonnunquam: Id ægre ferens herus, crebris me tunde-
bat, verberibus, prohibens etiam, ne quem præter furem la-
pumque adorirer: ego sic vapulando victus sum, & miti-
or factus; hocque genialis sævitæ servavi signum. Lupus
hoc audito, Ego, inquit, heri tui amicitiam tanti non e-
mo. Vale igitur, ô canis, cum tuâ isthac servitute: mihi
mea potior est libertas.

MOR. Optabilius est humili casa dominum esse, & panem
atrum vorare, quam in amplissima regia opiparis mensis frui
& obnoxium trepidumque degere: nam libertas sublimi exulat
aula, ubi accipienda venit, & mussitanda injuria est.

De Agricola & Canibus.

Agricola, cum ruri plusculos hyemâisset dies, cœpit tan-
dē necessariarū rerū penuria laborare: interficis oves,
mox & capellas, postremò hoves quoq; mactat, ut habeat
quo inediâ pene exhaustum corpusculum sustentet. Id
videntes canes, salutem fugâ quæ ere constituunt; sese e-
nim non victuros diutius, quâdo ne bobus quidē, quorum
in opère rustico faciendo utebatur opera pepercit herus.

MOR. In quam domum mercedis gratia te tradas, vide.
Nonnulli inhumanissimi sunt heri. Multi enim hodie eo de-
mentia prolabuntur, ut vel servos infortunio, malo, & damno
libenter mactent.

De Vulpe & Leone.

Vulpecula, quæ leonis immanitatem insuetam ha-
bebat, semel atq; iterum id forte animal contēpla-
ta, trepidare & fugitare. Cùm jam tertio obtulisset
sese obviam leo, tantum absuit ut metuerit quicquam vul-
pes, ut confidenter illum adierit salutaveritque.

MOR. Omnes non consuetudo audaciores facit, vel apud
eos quos antea aspicere viri ausi fuimus.

De Vulpe & Aquila.

Vulpeculæ proles foras excurtebat: ab aquilâ com-
prehensa, matris fidem implorat. Accurrit illa, ut
captivam prolem dimittat, aquilam rogat. Aquila
nacta prædam, ad pullos subvolat. Vulpes, correptâ face,

quasi illius munitiones incendio absumptura esset, insequitur. Cum jam arborem conscendisset, Et ipsa nunc te, inquit, tuosque; si potes, tuere. Trepidans aquila incendium dum metuit, Parce, inquit, mihi parvisque liberis: tuum, quicquid habeo, reddidero.

MOR. Per aquilam, potentis atque audacis animi homines intellige; per vulpem, pauperculos, quos calumniis premere, contumeliisque afficere, divitibus aequè studium est. Verum, quando est sua & formicis ita, impotentes ii acceptam interdum probe ulciscuntur injuriam.

De Agricola & Ciconia.

GRuibus anseribusque lata depascentibus, laqueum prærendit rusticus: capiuntur grues, capiuntur anseres, capitur & ciconia. Supplicat illa, innocentem sese clamitans; & nec gruem nec anserem esse, sed avium omnium optimam, quippe quæ parenti sedulo semper inservire, eundemque senio confectum alere consueverit. Agricola, Horum, inquit, nil me fugit: verum cum nocentibus postquam te cepimus, cum eis quoque morieris.

MOR. Qui flagitium committit, & is qui impurus se adjungit socium, pari poena plectuntur.

De Gallo & Cato.

VENit ad gallum comedendum catus: non satis autem habens ad nocendum causæ, gallum criminari occipit, obstreperam esse avem dictitans, utpote quæ voce tam acutâ noctu dormientes homines expergefacerit. Ille se innocentem ait, cum sic exciter ad opera mortales. Catus interea intonat, Nihil agis, scelestè: cum matre rem habes, nec à sorore abstines. Id gallus quoque cum expurgare niteretur; Nec hoc, inquit, perseverantius sæviens catus, quicquam faciet: tu mihi hodie discerperis.

MOR. Vetus dictum esse ait Galiel. Gaudamus, Ut canem cædas, facile invenire baculum. Malus, si libitum fuerit, quo jure, quaque injuria, te præcipitem dabit,

De Opilione & Agricolis.

Puer editiore pratulo oves pascebat, atque per jocum
térque quaterque lupum adesse clamitans, agricolas
undique exciebat. Illi sapiùs illusi seriò auxilium
imploranti dum non subveniunt, fiunt oves prædæ lupo.

M O R. Si mentiri consueverit quispiam, huic, si quando
veram narrare ceperit, haud facile habebitur fides. Superiori
Apologo finitimus est ille apud Horat. lib. 2. Epist. 17. de Pla-
no scurra jocus.

Nec semel irrisus, triviis attollere curat
Fracto crure Planum; licet illi plurima manet
Lacryma; per sanctam juratus dicat Osirim,
Credite, non ludo; crudeles, tollite claudum.
Quære peregrinum, vicinia rauca reclamat.

De Aquila & Corvo.

Rupe editissimâ in agni tergum devolat aquila : vi-
dens id corvus, imitari, velut simia, gessit aquilam:
in arieris vellus se dimittit, dimissus impeditur, im-
peditus comprehenditur, comprehensus projicitur pue-
ris.

M O R. Non aliorum, sed sua se quisque virtute aestimet.
Tuo te pede metire, inquit Horatius. Id velis, id tentes
quod possis.

De Cane invido & Bove.

Praeseptio fœni pleno decumbebat canis. Venit bos ut
comedat. Ille sese surrigens, prohibere. Bos, Dii te
cum tua isthac invidia perdant, inquit, qui nec fœno
vesceris, nec me vesci finis.

M O R. Eo sunt ingenio plerique, ut aliis inuideant, quod
ipsi mentis inopia assequi nequeant.

De Cornice & Ove.

Strepitat in oviculæ dorso cornicula. Ovis, Cani, in-
quit, si sic obstreperes, ferres infortunium. At cornix,
Scio, inquit, quibus insultem; placidis molesta, sæ-
vis amica.

M O R. Impotenti & sincero perpetuo est cum malis parata
certatio. Illiditur solo innocentissimus. quisque: nocentis verò,
ac præferocis hominis ausibus obstrepit nemo.

De

De Pavone & Luscinia.

PAVO, apud summi Jovis sororem & conjugem Junonem, quæritur, lusciniam suave cantillare; se ob raucam ravim ab omnibus irrideri. Cui Juno, Dos sua à diis cuique: luscinia cantu, tu plumis longe superas: unumquemq; sua sorte decet esset contentum.

MOR. *Quæ dii largiuntur, grato sumamus animo, neque majora quæramus, Superi temere agunt nihil.*

De Mustela senicula & Muribus.

MUSTELA, præ senio viribus carens, mures jam, ita ut solet, insequi non valebat; meditari coepit dolam, in farinulæ colliculum se illatebrat, sic sperans fore, ut citra laborem venetur. Accurrunt mures, & farinam esitare dum cupiunt, ad unum omnes à mustelâ verantur.

MOR. *Ubi viribus quispiam destitutus fuerit, ingenio opus est. Lyfander Lacedæmonius subinde dicere solebat, Quonam perveniret leonina pellis, vulpinam assumendam esse. Quod sic lucidiùs dixeris, Ubi virtus non satis potest, adhibenda est astutia.*

Apologus ex Mantuano traductus.

RUSTICUS quidam ex malo, quam in proximo habebat agello, lapidissima quorannis legebat poma: herolecta donabit urbano: qui, illectus incredibili pomorum dulcedine, malum tandem ad sese transtulit. Ea veterrima repente exaruit, atque ibi poma pariter & malus periëre. Quod cum patrifamilias nuntiaretur. Heu! difficile est, inquit, annosam transplantare arborem: satis superque fuerat (si frænos meæ novissem imponere cupiditati) fructus ramo decerpere. Hanc fabellam sic Mantuanus cecinit:

Rusticus ex malo dulcissima poma legebat,

Unde dare urbani dona solebat hero.

Ast herus, illectus frugum dulcedine, malum

Transtulit in laribus proxima rura suis.

At quia malus erat senior, translata repente

Aruit, & proles cum genitrice perit.

Heu! male transfertur, senio cum induruit arbor,

Inquit

ÆSOPI FABULÆ.

27

Inquit herus, fuerat carpere poma satis.

MOR. Qui nimium sapiunt, atque inconcessa sequuntur
Desipiunt: cohibet qui sua vota, sapit.

BARLANDI FABULÆ.

De Leone & Rana.

Audire vocem visus leo, profiliit: substitit non sine
trepidatione, magni quippiam expectans. Egred-
ditur tandem aquis ranula. Leo, deposito metu
ad properans, bestiolam proculcat pedibus.

MOR. *Vetat hic Apologus inanes timores, ut illa à Guilel.
Gaudano versa Fabula de partu montium.*

De Formica.

Strius venit ad fontem ut hiberet formica, incidit for-
te in puteum: opitulatur eminus, ex arbore dejecto
ramo, columba. Ramum conscendens, formica serva-
tur. Adest, columbam ut capiat, aucups: non finit for-
mica: aucupis pedem arripit mordicus: avolat columba.

MOR. *Docet hæc fabula præclare, meritis referendam
esse gratiam.*

De Pavone & Pica.

Gens avium, cum libere vagaretur, optabat sibi dari
regem. Pavo se imprimis dignum qui eligeretur pu-
tabat, quia esset formosissimus. Hoc in regem acce-
pto; pica, O rex, inquit, si, te imperante, aquila nos
perstrenue, ut solet, insequi cœperit, quo illam modo abi-
ges? quo nos pacto servabis?

MOR. *In principe non tam forma, quam corporis fortitudo
spectanda: opus est prudentia.*

De Aegrotō & Medico.

Medicus curabat ægrotum: ille tandem moritur.
Tum ad cognatos medicus, Hic, inquit, intempe-
rantia periit.

MOR. *Bibacitatem & libidinem, nisi quis mature reli-
querit, aut nunquam perveniet ad senectutem, aut per brevem
est habiturus senectutem.*

De

De Leone & aliis.

Leo, asinus, vulpes eunt venatum : capitur ampla venatio : capta partiri iussa. Asino singulis singulas partes ponente, irrugiit leo : asinum rapit ac laniat. Postea, vulpeculæ id dar negotii : quæ astutior, cum leoni longe optima proposita parte, sibi vix minimam particulam reservasset, rogat leo, à quo sic docta sit. Cui illa, Hujus me, inquit, calamitas docuit, mortuum asinum ostendens.

MOR. *Felix quem faciunt aliena pericula cautum.*

De Hædo & Lupo.

E Fenestra prospectans hædus, prætereuntem lupum, convitiis inceslere audebat. Cui lupo, Non tu, ait, sceleste, mihi convitiaris, sed locus.

MOR. *Et tempus & locus semper audaciam addunt homini.*

De Asino.

Asinus, de hortulani sævitia querens, Jovi supplicat alium dari herum. Exaudire Jupiter vota asini : dat tegularium : apud quem cum tegulas gravioraque tergo vectaret onera, accessit rursus ad Jovem : orat dari qui mitior sit. Ridere Jupiter. Ille tamen non destitit instare, & orare, usque adeo donec perpelleret. Dat illi coriarium : quem ubi pernovit asellus, Me miserum, inquit, qui, dum nullo sum contentus domino, in eum inciderim, qui nec corio quidem meo (quantum auguror) parceret !

MOR. *Semper damnatus quæ præsentia sunt, & nova appetimus, quæ (ut dici solet) veteribus non sunt potiora.*

De Anu & Ancillis.

Anus quædam domi habebat ancillas complures, quas quotidie antequam lucesceret, ad galli gallinacei, quem domi alebat, cantum, excitabat ad opus. Ancillæ, quotidiani tandem negotii commota tædio, gallum obtruncant, sperantes, jam necato illo, in medios sese dies dormituras : sed hæc spes miseras frustrata est : Hera enim, ut interemptum gallum rescivit, intempesta deinceps nocte fargere jubet.

MOR,

MOR. *Non pauci, gravius malum dum student evitare, in alterum diversum incidunt. Per vulgatum est.*

Incidit in Scyllam, qui vult vitare Charybidim.

De Asino & Equo.

Asinus beatum putabat equum, quod pinguis esset, & in otio degeret: se vero infelicem dicebat, quod macilentus esset, ac strigosus, quotidieque ferendis oneribus ab immiti hero exerceretur. Haud multo post ad arma conclamatum est. Tū equus, *Non equitem dorso, non frænum reppulit ore, nec telum corpore.* Hoc viso, asinus magnâ diis gratias agebat, quod non equum se, sed asinum fecissent.

MOR. *Miseri sunt, quos vulgus beatos judicat; & non pauci beati, qui se miserrimos putant. Sutor crepidarius regem dicit felicem, quem rerum omnium compotem videt; non considerans, in quantas res & sollicitudines distrahatur, dum interrim ipse cum optima paupertate cantillat.*

De Leone & Capra.

Editâ rupe ambulanti capram forte conspiciat leo, monet, ut potius in viride pratum descendat.

Capra, *Facerem fortassis, inquit, si tu abesses; qui mihi non istud suades, ut ego inde ullam capiam voluptatem, sed ut tu habeas quod vores famelicus.*

MOR. *Omnibus ne habeas fidem. Quidam enim non tibi, sed sibi consulunt.*

De Vulture aliisque Avibus.

Annum se natalem celebrare adsimulat vultur: aviculas ad cœnam invitat. Veniunt pleræque omnes; venientes magno plausu favoribusque accipit; deceptas laniat vultur.

MOR. *Non sunt amici omnes qui blande dicunt, aut benignè se facere velle simulant. Hinc Ovidius, Melle sub Hyblæo sæpe venena latent.*

De Anseribus.

Anseres una cum gruibus agrum vastabant; quibus auditis, rustici protinùs in illos feruntur. Rusticos conspiciatæ avolant grues; capiuntur anseres, qui impediti corporis onere, subvolare non poterant.

MOR. Expugnata ab hostibus urbe, facile se subducit inops : at dives servit captus. In bello divitiæ magis oneri sunt quam usui.

De Jove & Simia.

Jupiter scire percipiens, quisnam mortalium scitissimos Jeceret liberos, convocare jubet quicquid uspiam est animantium. Concurrunt ad Jovem undique : aderat jam alitum pecudumque genus, inter quas & simia, deformes catulos brachio gestans, cum advenisset, à risu nemo temperare potuit : quinetiam Jupiter ipse profuse admodum risit. Ibi continuo simia ipsa, Imo, inquit, novit et Jupiter judex noster, catulos meos magnopere omnes, quotquot adsunt, præcellere.

MOR. Suum cuique pulchrum, ut est adagium. Et alibi apud Theocritum in Eidyl.

Quæ minime sunt pulchra, ea pulchra videntur amanti.

ANIANI FABULÆ,
ADRIANO BARLANDO
INTERPRETE.

De Quercu & Arundine.

Fastus olim atque adeo insolentiæ plena quercus, Arundinem aggressa est ; Si nunc, inquiens, pectus animosum est tibi, procede agendum ad pugnam, ut noster duarum eventus ostendat utra viribus præster. Arundo quercus tantam exultationem, fortitudinisque jactationem vanam nihil mirata, sic respondit: Certamen nunc abnuo, nec meæ sortis me piger : nam etsi in omnem partem mobilis, tempestates tamen pervinco sonoras : tu, si semel vasto rex Æolus antro luctantes emisserit ventos, concides, et mihi tum rideberis.

MOR. Declarat hæc fabula, non semper eos fortissimos esse, qui (nulla etiam laceßiti injuria) aliis insultant.

De Piscatore & Pisciculo.

Piscator, jacto in aquam hamo cibus illito, pisciculum eduxit. Orat obsecrātque captivus, se minutulum abire sinat, & adolescere, ut postea majore potiatur. Piscator, *Ego*, inquit. *spem pretio non emam*: quippe qui eo fuerim ingenio semper, ut, quicquid possem, mallem auferre potius in præsentia.

MOR. *Hac nos monet fabula, ne certa incertorum spem unquam amittamus. Quid enim stultius, ut est apud Cicero- nem, quam incerta pro certis habere.*

De Formicâ & Cicadâ.

Appetente hyeme, frumentum in aream ad solem trahebat formica. Videt id cicada, accurrit, rogitat granum. Formica, Cur non, inquit, & tu meo exemplo æstate trahis quodcunque potes, atque addis acervo? Respondet illa, sibi id temporis cantando transigi. Ridens formica, Si, ait, æstate cantare soles, meritò nunc esuris.

MOR. *Memor hanc fabella, dum adhuc robur corporis adest, quarere ea quibus imbecilla sustentetur senectus. Per hyemem, senectutem intellige; per æstatem, adolescentiam, & florem illum ætatis.*

De Leone & Tauro.

Leonem fugiebat taurus; in hircum incidit: is cornu & caperata minitabatur fronte. Ad quem plenus irâ taurus; Non tua, inquit, in rugas contracta frons me terriat, sed immanem meruo leonem, qui nisi tergo hæret meo, jam scires, non ita parvam rem esse pugnare cum tauro, & nostro sequi de vulnere sanguinem.

MOR. *Calamitosus non est addenda calamitas. Sat miser est, qui semel est miser.*

ANIANI FABULÆ,
 A GULIELMO HARMANNO,
 D. AUGUSTINI Ordinis Canonico, interprete
 mutatz.

De Nutrice & Lupo.

Nutrix minatur puerum plorantem, ni taceat, datum iri lupo. Lupus id forte audit, spe cibi manet ad fores. Puer tandem fiescit, obrepente somno. Regreditur lupo in sylvam, jejunos & inanis. Vulpes ubi sit præda sciscitatur. Gemebundus ille, Verba, inquit, mihi data sunt: puerum plorantem abjicere minabatur nutrix, at fefellit.

MOR. *Fœmina non est adhibenda fides.*

De Testudine & Aquila.

Ceperat testudinem rædium reptandi. Si quis eam in coelum tolleret, polliceretur baccas mari rubri. Sustulit eam aquila. Poscit præmium. Non habentem fudit unguibus. Irâ testudo, quæ concupiit videre astra, in astris vitam reliquit.

MOR. *Tua sorte sis contentus. Fuere nonnulli, qui, si mansissent humiles, poterant esse tuti; facti sublimes, inciderunt in pericula.*

De Cancris, Matre & Filio.

Cancrum retrogradum monet mater, antroisum ut eat. Filius responder, Mater, I præ, sequar.

MOR. *Nullum reprehenderis vitii, cujus ipse queas reprehendi.*

De Sole & Aquilone.

Sol & Aquilo certant uter sit sortior. Conventum est Sexperiri vires in viatorem, ut palmam ferat, qui excusserit manticam. Boreas horrisono nimbo viatorē aggreditur. At ille non desistit, amictū gradiendo duplicans.

cans. Assumit vires sol, qui, nimbo paulatim evicto, emolitur radios. Incipit viator æstuarē, sudare, anhelare. Tandem progredi nequiens, capiat frigus opacum, atque sub frondoso nemore, abjectā manticā, reledit: itā soli contigit victoria.

MOR. *Quicum certes, etiam atque etiam vide. Nam etsi tu fortis es, est forsitan alius te fortior: aut si non fortior, certē callidior, ut consilio suo tuum vincat robur.*

De Asino.

Asinus venit in sylvam, offendit exuvias leonis, quibus indutus redit in pascua, greges armentaue ter-ritat & fugat. Venit qui perdiderat, quæritat suum, asinum. Asinus viso hero, occurrit: imo cum rugitu suo incurrit. At herus prehensis, quæ extabant, auriculis. Alios licet, inquit, fallas; ego te, aselle mi, probe novi.

MOR. *Quod non es, nec te esse similes: non doctum, cum sis indoctus; non divitem, non nobilem, cum sis pauper & ignobilis, te jactes. Vero enim comperto, rideberis.*

De Rana & Vulpe.

Rana egressa paludem, in sylvis apud feras medicinam proficitur. Ait, se nec Hippocrati, nec Galeno cedere. Cæteris habentibus fidem, illudit vulpes. An hæc, inquit, medicinæ habebitur perita, cui sic pallet os? Quin curet seipsam. Sic illudit vulpes: est enim ranæ os cæruleo colore.

MOR. *Stultitia est profiteri quod nescias, et ridiculum.*

De Cane mordaci.

Cani subinde homines mordenti, ut sibi quisque caveret, alligavit dominus nola. Canis, ratus virtuti suæ tributum decus, suos populares despicit. Accedit ab hunc canem aliquis jam ætate & auctoritate gravis, monens, eum ne erret: nam ista, inquit, nola data est tibi in dedecus, non in decus.

MOR. *Gloriosus interdum sibi ducit laudi, quod ipsi est vituperio.*

De Camelo.

Camelus, sui pœnitens, querebatur tauros insignes ire geminis cornibus, se inermem objectum cæteris animalibus. Orat Jovem donare sibi cornua. Rider Jupiter stultitiam cameli: nec modò votum negat, verùm & auriculas bestię decurtat.

MOR. *Sit quisque fortunâ contentus suâ. Etenim multi fortunam secuti meliorem, incurrere pejorem.*

De duobus Amicis & Urso.

Duo amici faciunt iter: occurrit in itinere ursus. Unus, arbore consensa, periculum evitat: Alter, cùm spes fugæ non esset, collidit se humi. Accedit bellua, contrectat jacentem, os explorat & aures. Homine spiritum continente ac motum, ursus, qui mortuis parcit, ratus cadaver esse, innocuus discedit. Percunctante postea socio quidnam bestia dixisset jacenti in aurē: hoc monuisse, ait, Nè unquam cum illiusmodi amicis iter facerem.

MOR Rara avis in terris, nigróque simillima cygno, fides est. Verum amicum res adversæ & pericula designant.

De equite calvo.

Eques calvus illigârat pileo comam fictitiam. Venit in campum acri spirante Boreâ: ac dum malè observat capillatum galerum, subito apparet calvities. Tollit cachinnum corona, nec non & ipse rider. Quid novi est, inquit, avolare capillos alienos, cum olim defluerint qui fuerint mei?

MOR. *Bellè fecit eques, qui non est indignatus, sed cum ridentibus risit. Socrates verò, cum accepisset in foro alapam, hoc modò respondit.*

Molestum esse nescire homines, quando debeant prodire cum galeâ.

De duabus Ollis.

Duæ ollæ steterè in ripâ: altera erat lutea, altera ærea; utramque tulit vis fluvii. Luteæ collisionem metuenti responder ærea, nè quid timeat: Sese enim ne collidantur satis curaturam. Tum altera, Seu me, inquit, tecum; seu te mecum flumen colliserit, cum meo utrumq; fiet periculo, Quare certum est à te separari. **MOR,**

MOR. *Salus est vivere cum socio pari, quam cum potentiori. A potentiori enim potest esse periculum tibi, non illi à te.*

De Rustico & Fortunâ.

Rusticus, cum araret offendebar in sulcis thesaurum: Gratias agit telluri, quæ hunc edidisset. Fortuna videns nihil honoris haberi sibi, ita est secum locuta. Thesauro reperto stolidus mihi non est gratus; ac eo ipso thesauro postea amisso, me primam omnium votis & clamore sollicitabar.

MOR. *Beneficio accepto, grati sumus bene merenti. Ingratitudo enim digna est etiam beneficiis, quod jam accepit, privari.*

De Tauro & Capro.

Fugit leonem taurus; venit ad speluncam, quærens latibulum. Intraui occurrit cornibus qui intus erat, caper. Tum his verbis bos emugit, Tu quidem cornibus tuis meam excipis fugam; verum si abierat, quem fugio, quantum à viribus tauri distet caper, tum senties.

MOR. *Qui nescit miseris esse succurrendum, aut certe non nocendum, caper est. Quisquis enim à miserorum injuriis non temperaverit, si (ut est fortuna mutabilis) miseris redierit felicitas, nimirum nocuisse miseris eum poenitebit.*

De Simia & ejus prole.

Omnes animantes suo conspectui Jupiter adesse iusserat, cujusnam soboles esset pulcherrima, judicaturus. Properant feræ, advolant aves, nec non ad id certamen adnascuntur pisces. Omnium postrema festinat simia, trahens secum suam prolem. Cujus quidem prolis foedas nates cunctis ridentibus, sic inquit, Maneat, cui fa-verit Jupiter, victoria: meo tamen judicio, hic meus natus est bellus, & omnium natis jure præferendus. Hoc dicto subrisit & Jupiter.

MOR. *Et nos & nostra nobis placent. Sed de nobis & de nostris factis aliorum sit judicium, ne, si i, si judicemus, cum simiâ rideamur.*

De Pavone & Grus.

PAvo & grus unâ cœnant. Pavo se jactat, caudâ ostentat, gruem contemnit. Grus faterur pavonem formosius esse pennis : se tamen, dum vix tectis supervolat Pavo, animoso volatu penetrare nubes.

MOR. *Nemo alterum contempserit. Sua cuique dos, sua cuique est virtus. Qui tua virtute caret, forsan habet quareas tuas.*

De Quercu & Arundine.

Validiore Noto effracta quercus in flumen præcipitatur: dumque fluitat, hæret forte ramis suis in arundine. Miratur arundinem in tanto turbine stare incolumem. Hæc respondet, cedendo & declinando se esse tutam, inclinare ad Notum, ad Boream, ad omnem flatum: Nec mirum esse quod quercus exciderit, quæ non cedere, sed resistere concupivit.

MOR. *Potentiori ne resistas, sed hunc cedendo & ferendo vincas. Quod pulchre docet facundissimus poëtarum Virgilius, Nata Deâ, quò fata trahunt retrahuntque sequamur.*

Quicquid erit, superanda omnis fortuna ferendo est.

De Tigride & Vulpe.

Venator jaculis agitabat feras. Tigris jubet omnes feras abstinere; sese unam ait bellum confecturam.

Pergit venator jaculari. Tigris oppidò sauciatur. Fugientem è prælio, telumque extrahentem percontatur vulpes, quisnam valentem belluam tam valdè vulnerasset? Respondet, se authorem vulneris haud nosse: verum ex vulneris magnitudine capere se conjecturam, aliquem fuisse virum.

MOR. *Fortes plerunque sunt temerarii; & ars vim, ingenium fortitudinem superat.*

De Tauris & Leone.

Quatuor fuere tauri, quibus placuit communem ipsorum esse salutem, & commune periculum. Vidit leo simul pascentes; etsi esuriit, tamen conjunctos aggredi metuit. Primum dat operam verbis fallacibus segregare, tum segregatos laniat.

MOR.

MOR. *Concordia nihil est firminus : discordia etiam fortes reddit imbecilles.*

De Abiete & Dumis.

Fertur olim abies despicere dumos: jactat se proceram esse, locari in ædibus, cum velo stare in navibus; dumos autem humiles, viles, nulli usui idoneos. Quorum quidem tale fuit responsum, Tu sane, abies, tuis gloriare bonis, & nostris insultas malis. Verum nec tua refers mala, & nostra præteris bona. Cū tu sonanti detruncare securi, quàm velles tunc nobis, qui securi sumus, esse te similem!

MOR. *Et summæ fortunæ suæ insunt mala, & humili fortunæ suæ bona. Ut nil aliud nunc dicam, hæc secura est ac tuta; illa nec extra metum est, nec caret periculo. Horat. canit in Lyricis,*

— celsæ graviore casu

Decidunt turres, feriuntque summos

Fulmina montes.

De Piscatore & Pisciculo.

Subductus hamo pisciculus, orat piscatorem se dimit-
tat. Ait modo se à matre fenum; atque mensam, cum
adhuc minutus sit, non multum juvare: Si dimittat,
postea grandem ultro ad hamum ejus rediturum. Piscator
negat se dimissurum prædam certam, licet exiguam. Quid
habeam, inquit, scio; quid sim habiturus, nescio: Ego
spem pretio non emam.

MOR. *Certum præstat incerto, præsens futuro, etsi non-
nunquam exile commodum omissum attulit magnum.*

De Aie & pullis ejus.

Alès positos in segere pullos monet, ut, dum ipsa a-
best, diligenter attendant, si fiat sermo de occatione.

Redeunt à pastu matri, pulli anxii narrant domi-
num agri operam illam mandasse vicinis. Respondet nihil
esse periculi. Item alio die trepidi aiunt, rogaros ad me-
tendum amicos. Iterum jubet illa, ut sint securi. Tertio,
ut audivit ipsum dominū cum filio statuisse postero ma-
ne cum falce messem intrare, Jam, inquit, tempus est ut
fugiamus, Vicinos & amicos non timui, quia non ventu-
ros scivi. Timeo dominum: illi enim res cordi est.

MOR. Socordes alienis in rebus plerique sumus : quod si quid recte curatum velis, alteri ne mandes, sed cures ipse.

De Avato & Invido.

Duo homines orabant Jovem, cupidus & invidus. Mittitur à Jove Apollo, per hunc ut eorum votis satisfiat : dat hic utrique optandi liberam facultatem hâc conditione, ut, quodcunq; petiisset alter, id ipsū alter acciperet duplicatum. Hæret diū cupidus, cum nihil putat fore satis. Perit tandem non pauca, & duplum accipit socius. Porro invidus hoc petit, ut ipse uno priveretur oculorum, lætus socium multandum esse utroque.

MOR. Avaritiam quid potest satiare? Invidia vero dementius est nihil; quæ damnosa noceat alteri, sibi meti imprecatur malum.

De Leone & Capella.

Videt leo pendere dumosâ de rupe capellam. Suadet descendere, ut in campo thymum salicēque carpat.

Recusat capella descendere; verba quidem ejus haud sanè mala, sed mentem esse plenam doli reclamans.

MOR. Cogita, quis quid suadeat. Multi suadent utilia, non tibi sed sibi.

De Cornice & Urna.

Stribunda cornix reperit urnam aquæ: sed erat urna profundior, quàm ut posset à cornice aqua contingi.

Conatur effundere urnam, nec valet. Tum lectos ex arenâ scrupulos injectat: hoc modo aqua levatur, & cornix bibit.

MOR. Interdum id, quod non potes efficere vi, efficies prudentia, & consilio.

De Leone & Venatore.

Litigat leo cum venatore. Suam præfert fortitudinem hominis fortitudini. Post longa jurgia venator ducit leonem ad Mausoleum, in quo sculptus erat leo caput deponens in gremium viri. Negat fera id satis esse indicii. Homines enim sculpere quod vellent, ait: quòd si & leones forent artifices, jam virum sculptum iri sub pedibus leonis.

MOR.

MOR. *Quisque, quoad potest, & dicit & facit quod sue parti & causa putat prodesse.*

De Puero & Fure.

SEdebat puer flens apud puteum. Fur rogat causam flendi. Puer dicit, rupto fune incidisse in aquas urnā auri. Homo exiit se, infilit in puteum, quærit. Vase non invento, conscendit, atque ibi nec puerum, nec suam invenit tunicam. Puer quippe sublatā tunicā fugerat.

MOR. *Falluntur interdum, qui fallere solent.*

De Rustico & Juvenco.

ERat rustico juvenco vinculi omnisque jugi impatiens. Homo astutus bestię refecat cornua (cornibus enim petebat) rum jungit non currui sed aratro, nè, ut solet, herum pulsaret calcibus. Stivam ipse tenet gaudens industriā effecisse, ut jam foret tutus, & à cornibus & ab ungulis. Sed quid evenit? Taurus subindè resistens spargendo pedibus, os caputque rustici opplet arenā.

MOR. *Sunt nonnulli sic intractabiles, ut nullā queant arte, nullo consilio tractari.*

De Satyro & Viatore.

SAtyrus, qui deus nemorum olim est habitus, viatorem nive obrutum atque algore enectum, miseratus, ducit in antrum suum, fovet igne. Spirantem autem in manus percontatur causam: qui respondens, Ut calefiant, inquit: Postea cum accumberent, sufflat viator in polentam: quod cur faceret interrogatus, Ut frigescat, inquit. Tunc continuò Satyrus viatorem ejiciens, Nolo, inquit, in meo fit antro, cui tam diversum est os.

MOR. *Cave fit in tuo convivio homo duplici ore, quique in sermone est Proteus.*

De Apro & Rustico.

APro vastanti segetes rusticus præcidit auriculam. Iterum deprehenso præcidit alteram. Et tunc quoque redeuntem capit, captum portat in urbem de-

stinatum lautitiæ sui patroni. Sectâ jam in convivio bel-
luâ nusquam apparet cor. Excandescente hero, & flagi-
tante coquos. Villicus respondet, Patrone, non est mirum
non apparere cor: credo stultum aprum nunquam cor
habuisse. Nam si cor habuisset, nunquam in pœnam suam
ad meas segetes roties redisset. Sic rusticus. At omnes
convivæ emori risu, cachinnari de stultitiâ rustici.

MOR. *Multorum hominum est adeo excors vita, ut an
cor habeat possis ambigere.*

De Tauro & Mure.

Mus tauri pedem momorderat fugiens in antrum
suum. Taurus vibrat cornua, quærit hostem, nul-
quam videt: irridet eum mus, Quia, inquit, robu-
stus es, ac vastus, non idcirco quemvis contempseris:
Nunc te, & quidem gratis, læsit exiguus mus.

MOR. *Tritum est illud verbum, quod significantius no-
strate lingua dixerim. Let no men be too heedlesse of his
Enemy. Latine sic, Non suum hostem flocci pendat.*

De Rustico & Hercule.

Rustici currus hæret in profundo luto. Mox supinus
Deum Herculem implorat. Intonat vox è cœlo;
Ineptè, inquit, flagella equos, & ipse annitere ro-
tis, atque tum Herculem vocato. Tum enim aderit Her-
cules vocatus,

MOR. *Nil prosunt otiosa vota, quæ sanè Deus non au-
dit. Juva temet, inquiunt, ipse tum juvabit te Deus.*

De Anser.

Fuit anser qui ponebat ova aurea, singulis diebus sin-
gulas Dominus, ut subito fiat dives, anserem jugulat.
Sperans intus latère gazam. Sed anserem invento va-
cuo, stupet miser, anxieque dehinc suspirat, ac plangit,
& rem & spem periisse.

MOR. *Moderando sunt vota. Curandum est, ne vel præ-
properi simus, vel nimii. Nam & festinantia nocet, & qui
plura quam decet quærit, interdum acquirit nihil.*

De Cicada & Formica.

CUm per æstatem cicada cantat, formica suam exercet messem, trahit in antrum grana, reponens in hyemem. Sæviente bruma, famelica cicada venit ad formicam, mendicat victum. Renuit formica, dictitans sese, dum illa cantabat, laborasse.

MOR. *Qui segnis est in juvena. egebit in senectâ: & qui non parcit, olim mendicabit.*

De Simia & duobus ejus Natis.

Simia, ut ferunt, cum peperit gemellos, alterum diligit, alterum negligit. Erat puerpera cum gemellis: atque cum incidisset terror, vitatura periculum, dilectumprehendit ulnis, quem (dum præceps fugitat) collidit petrae, atque enecat: Neglectus autem, qui in hirsuto hæserat tergo fugientis, mansit incolumis.

MOR. *Solet evenire, ut ipsi parentes filio, quem tenere amant, præ nimia indulgentia sint mali occasio & periculi; eò, quem minus amant, præstante se strenuum ac probum.*

De Bove & Juvenco.

BOs jam grandis ævo quotidie trahebat aratrum; Juvenco laboris expers vicinis exultat in pascuis, ac tandem insultat fortunæ senioris. Jactat se jugi ac vinculi inscium, liberum, otiosum: illi attritum esse labore collum: Denique se glabrum ac nitidum: illum esse hirsutum ac squalidum. Senior tum quidem nihil contrà; sed brevi post tempore videt hunc insultatorem duci ad aras, ac tum hisce verbis affatur, Quo tua mollis vita pervenit? Securum istud otium rediit ad securim. Jam saltem (ut opinor) potius, suades mihi laborem, qui me tuerur, quam otium, quod nunc te traxit ad nêcem.

MOR. *Ad vitam recte gerendam, opus est labore & vigilantia. Socors autem, & voluptati deditus, suarum rerum, quem nollet, sortiatur exitum.*

De Cane & Leone.

Occurrit canis leoni, jocatur : Quid tu miser exhaustus inediâ percurris sylvas & devia ? Me specta pinguem ac nitidum : atque hæc non labore consequor, sed otio. Tum leo, Habes tu quidem tuas epulas ; sed habes, stolide, etiam vineula. Tu servus esto, qui servire potes : ego quidem sum liber, nec servire volo.

MOR. *Pulchrè respondet leo. Quibuslibet enim rebus potior est libertas.*

De Piscibus.

Piscis fluviatilis vi fluminis correptus in mare, ubi suam efferens nobilitatem, omne marinum genus vilipendebat. Non tulit hoc phoca ; sed ait, Tunc fore iudicium nobilitatis, si cum phocâ captus portetur ad forum : Se emprum iri à nobilibus, illum autem à plebe.

MOR. *Multi sic capti sunt libidine gloriæ, ut sese ipsi prædicent & jactent. Sed laus sui oris non datur homini laudi, at excipitur cum auditorum risu.*

De Pardo & Vulpeculâ.

Pardus, cui pictam est tergum, cæteris feris, etiam leonibus, despectis, intumescibat. Accedit ad hunc vulpecula, suadet non superbire, dicens, Illi quidem speciosam esse pellem, sibi verò speciosam esse mentem.

MOR. *Discrimen est bonorum, & ordo. Bona corporis præstant bonis fortunæ ; utrisque illis animi bona præferantur oportet.*

APOLO-

APOLOGI EX CHILIADIBUS

Adagiorum Erasmi desumpti , ad communem puerorum fructum.

De Vulpecula & Pardale.

CUm aliquando pardalis vulpem præ se contemneret , quòd ipsa pellem haberet omnigenis colorum maculis variegatam ; respondit vulpes, Sibi id decoris in animo esse, quod illi esset in cute.

M O R. *Neque vero paulo satius est ingenio præditum esse vasso, quàm cute versicolore.*

De Vulpe & Fele.

CUm aliquando vulpes in colloquio, quod illi erat cum fele, jactaret sibi varias esse technas , adeò ut vel peram haberet dolis refertam; felis autem responderet, sibi unicam duntaxat artem esse cui fideret , si quid esse discriminis : Inter confabulandum repente canum accurrentium tumultus auditur. Ibi felis in arborem altissimam subsiliit, cum vulpes interim à canum agmine cincta capitur.

M O R. *Innuat fabula, præstabilius esse nonnunquam unicum consilium, modo id sit verum & efficax, quam plures dolos consiliaque frivola.*

De Rege et Simiis.

REx quidam Ægyptius aliquot Simias instruit, ut saltandi rationem perdiscerent. Ut enim nullum animal ad figuram hominis propius accedit, ita nec aliud actus humanos aut melius aut libentius imitatur. Artem itaque saltandi protinus edoctæ saltare cœperunt, insignibus induræ purpureis, ac Personatæ : multoque jam tempore majorem in modum placebat spectaculum; donec è spectatoriis facetus quispiam, nuces, quas clanculum in sinu gestabat, in medium abjecit. Ibi statim simiæ simulatque

44 VARIORUM AUTHORUM

simulatque nuces vidissent, , oblitæ choreæ, id esse cœperunt, quod antea fuerant: ac repente è saltatricibus in simias redierunt; contritisque personis, delaceratisque vestibus; pro nucibus inter se pugnabant, non sine maximo spectatorum risu.

MOR. *Admonet hæc fabula, fortunæ ornamenta non mutare hominis ingenium.*

De Asino & Viatoribus.

Duo quidem, cùm in desertis locis asinum quempiam fortè fortuna nacti essent, contendere inter se cœperunt, uter eorum uti suum domum abduceret: nam utrique pariter à fortunâ videbatur objectus. Hæc interim de re illis invicem altercancibus, asinus sese subduxit, ac neuter eo potitus est.

MOR. *Quidam à præsentibus commodis, quibus ob inscientiam uti nesciunt, excidunt.*

De Piscatoribus.

Piscatores aliquot, iusto reti, testitudines eduxerunt. Eas cùm essent inter se partiti, neque sufficerent omnibus comedendis, Mercurium fortè accedentem invitârunt ad convivium. At is intelligens se neuriquam humanitatis gratiâ vocari, sed ut eos fastidio cibi subleveret, recusavit, jussitque ut ipsi suas testitudines ederent quas cepissent.

MOR. *Nonnulli. posteaquam inconsulte quippiam adorti sunt, aliorum implorant auxilium, quas suo negotio admisceant.*

De Asino.

Apod Cumanos asinus quispiam prætesus servitutem, abrupto loro in sylvam aufugerat: illic forte reperas, leonis exuvias corpori applicabat suo, atque irâ pro leone se gerebat, homines pariter ac feras voce caudâque territans: nam Cumani leonem ignorant. Ad hunc igitur modum regnabat aliquandiu personatus hic asinus, pro leone immani habitus ac formidatus, donec hospes quidam Cumas profectus, qui sæpenumero viderat & leonem

nem & asinum, (atq; ob id non erat difficile dignoscere) aurium præminentium indicio, neq; non aliis quibusdam conjecturis, asinum esseprehendit, ac probe fustigatum reduxit, dominóq; agnoscanti reddidit. Interim autem risum non mediocrem concitabat omnibus. Cum anas jam agnitus, quos dudum, creditus leo, metu propemodum exanimaverat.

M O R. *Haud facile regimus vitia, quæ a pueris nobiscum adoleverunt.*

De Scarabeo et Aquila.

Scarabeus aliquando spretus ab aquilâ, cœpit de vindictâ quoquo pacto sumendâ cogitare. Pervestigavit ubinam aquila nidum collocasset, adrepsit scarabeus & ova simili dolo dejecit. Aquila, cum sæpius domicilium commutasset, neque quicquam proficeret, Jovem patronum adiit, exponit calamitatem suam: is jubet, ut suo in gremio ponat ova, vel istic in tuto futura. Et huc per vestis lacinias, sinúsq; prorepfit pertinax scarabeus, haudquaquam sentiente Jove. Deinde ubi vidit ova commoveri Jupiter, neq; satis animadvertit, territus rei novitate, excusso gremio in terram dejecit.

M O R. *Monet hæc fabula, neminem, quantumvis pusillum contemnendum esse.*

De Satyro & Rustico, Aniani fabula

Erasmo interprete.

Satyrus quidam cum vehementer algeret, hyberno gelu supra modum sæviente, à rustico quodam inductus est in hospitium. Admiratus autem cur homo inflaret in manus ori admotas, rogavit cur ita faceret. Is respondit, Ut frigidas manus hallitus repore calefaceret. Deinde ubi extracto foco, appositâ mensâ, in pultem fervidam rursum inflaret, magis etiam admiratus, sciscitatus est quid hoc sibi vellet. Vti pultem, inquit ille, nimium ferventem halitu refrigerem. Tum Satyrus surgens à mensâ, Quid ego audio? inquit. Tunc eodem ex ore pariter & calidū & frigidum

frigidum efflas? Valebis. Neque enim mihi ratio est, cum ejusmodi homine commune habere hospitium.

MOR. *Notantur bilingues, qui eundem modo laudant, modo vituperant.*

EX SECUNDO NOCTIUM

Atticarum Gellii, Apologus Æsopi Phrygis, memoratu non inutilis.

ÆSOPUS ille Phrygiæ fabulator, haud immeritò sapiens existimatus est, cum quæ utilia monitu suâque erant, non severè, non imperiosè præcepit, & censuit, ut philosophis mos est; sed festivos delectabilesque apologus commentus, res salubriter ac prospicienter animadversans, in mentes animosque hominum cum audiendi quadam illecebrâ induxit: Velut hæc ejus fabella de aviculæ nidulo lepidè atque jucundè præmonet, spem fiduciâque rerum quas efficere quis possit, hæud unquam in alio, sed in semetipso habendam. Avicula, inquit, est parva; nomen est *castita*: habitat; nidularumque in segetibus; id ferme temporis, quo apperit messis, pullis jamiam plumantibus. Ea castita in sementes forte concesserat rempestiviores: propterea frumentis flavescentibus pulli etiam tunc involucres erant. Cum igitur ipsa iret cibum pullis quasitum, monet eos, ut, si quid ibi novæ rei fieret, dicereturve, animadverterent; idque uti sibi, ubi rediisset, renuntiarent. Dominus postea segetum illarum filium adolentem vocat, & Vidēsne, inquit, hæc ematuruisse, & manus jam postulare? Idcirco die crastino, ubi primum dilucalabit, fac amicos adeas, & roges, ut veniant, operamque mutuam dent, & messem hanc nobis adjuvent: hæc ubi dixit, discessit. Ubi rediit castita, pulli trepiduli circumstrepere orarèque matrem, ut statim jam properet, atque alium in locum sese asportet. Nam dominus inquit, misit filium qui amicos rogaret, ut luce oriente veniant, & metant. Mater jubet eos à metu otiosus esse. Si enim dominus, inquit,

inquit, messem ad amicos rejecit, crastino seges non metetur, neque necesse est hodiè uti vos auferam. Die igitur postero mater in pabulum volat : dominus quos rogaverat opperitur : sol fervet, & fit nihil, & amici nulli erant. Tum ille rursus ad filium, Amici isti, inquit, magnam in partem cessatores sunt : quin potius imus, & cognatos, affines, vicinósque nostros oramus, ut adsint cras tempore ad metendum? Itidem hoc pulli pavefacti matri nuntiant. Mater hortatur, ut tum quoque sine metu, ac sine curâ sint : cognatos affinesque nullos ferme tam esse obsequibiles ait, ut ad laborem capeffendum nihil cunctentur, & statim dicto obediant : vos modò, inquit, advertite, si modò quid denuò dicetur. Aliâ luce ortâ, avis in pastum profecta est : cognati & affines operâ, quam dare rogati sunt, supersedent. Ad postremum igitur dominus filio, Valeant, inquit, amici cum propinquis : afferes primâ luce falces duas ; unam egomet mihi, & tu tibi capies alteram ; & frumentum nosmetipsi manibus nostris cras metemus. Id ubi ex pullis dixisse dominum mater audivit ; Tempus inquit, est cedendi, & abeundi : Fiet nunc dubio procul quod futurum dixit. In ipso enim jam vertitur, cuja est res, non in alio unde petitur. Atque ita cassira nido migravit, & seges à domino demessa est. Hæc quidem est Æsopi fabula, de amicorum plerunque & propinquorum levi & inani fiduciâ. Sed quid aliud sanctiores libri philosophorum monent, quàm ut nobis tantum ipsis nitamur ; alia autem omnia, quæ extra nos, extrâque nostrum animum sunt, neque pro nostris, neque pro nobis ducamus ? Hunc Æsopi apologum Ennius in Satyris scitè admodum & venustè versibus quadratis composuit : quorum duo postremi isti sunt, quos habere corde & memoriâ, operæ pretium esse herclè puto.

*Hoc tibi erit argumentum semper in promptu situm,
Nè quid expectes amicos, quod tute agere possis.*

Fabula ex Lamia Politiani desumpta.

AVes olim propè universæ noctuam adierunt, rogarentque eam, nè post hac in ædium cavis nidificaret, sed in arborum potius ramis, atque inter frondes; ibi enim vernari suavius. Quin' eidem quercum modo enatam, pusillam, tenellamque adhuc ostendebant, in quâ scilicet molliter, ut aiebant, & sedere ipsa aliquando noctua, & suum sibi construere nidum posset. At illa facturam se regavit. Quin' invicem consilium dedit iis, nè arbusculæ illi se crederent: laturam enim quandoque esse viscum pestem videlicet avium. Contempsere illæ (ut sunt leve genus & volaticum) sapientis unius noctuæ consilium. Jam quercus adoleverat; jam patula, jam frondosa erat, Ecce ibi aves illæ omnes gregatim ramis involitant, lasciviunt, subsultant, colludunt, cantillant. Interea quercus ea viscum protulerat, atque id homines animadverterant: implicitæ ergo repente ibi omnes pariter misellæ, ac frustra eas sera poenitentia subiit, quod salubre illud consilium sprevisent. Atque hoc esse aiunt, cur nunc aves omnes ubi noctuam viderint, frequentes eam quasi salutant, deductunt, sectantur, circumfidunt, circumvolitant. Etenim consilii illius memores, admirantur eam nunc ut sapientem, stipantque densa catervâ, ut videlicet ab eâ sapere aliquando discant: sed opinor frustra, imp' vero etiam interdum cum magno ipsarum malo: Nam veteres illæ noctuæ reverà sapientes erant: nunc multæ noctuæ sunt, quæ noctuarum quidem plumas habent, & oculos, & rostrum, sapientiam vero non habent.

M O R. *Benè momentis consilia nè spernas, hæc fabula docet.*

Apologus

*Apologus ex secundo Libro Petri Criniti, de
honestâ disciplina, desumptus.*

Sata est olim cucurbita juxta arborem pinum, quæ grandis admodum & ramis patulis extrabat. Cucurbita verò, cum multis pluviis atque cœli temperamento crevisset, lascivire incepit, & ramulos audacius porrigere. Jam serpebat in pinum, jam surgere, jam ramos & frondes involvere audebat, ampliora folia, candentes flores, prægrandia poma & virescentia ostentans. Itaque tanto fastu atque insolentiâ intumuit, ut pinum arborem ausa sit aggredi, & Vides, inquit, ut te supero, ut amplis foliis, ut virore præsto, & jamjam ad cacumen profurgo? Tum pinus, quæ senili prudentiâ & robore pollebat, nihil mirata est cucurbitæ insolentis audaciam, sed irâ ad eam respondit, Ego hîc multas hyemes, calores, æstus, variâsq; calamitates pervici, & adhuc integra consisto. Tu ad primos rigores minus audaciæ habebis, cùm & folia concident, & viror omnis aberit.

M O R. Secundis rebus non est superbiendum.

Fabula de Corvo & Lupis, ex Joanne Ant.

Campano desumpta

Corvus lupos per ardua montium iuga comitatur, partem sibi præda fieri postulat, quia eos secutus nullo tempore destituisset, sociusq; fuisset. Repulsus deinde est à Lupis, tanquam non eos, sed prædam cibumq; secutus, nec minùs luporum, si occiderentur, quàm cæterorum animalium exta fuisset voraturus.

M O R. Non quid agamus semper inspiciendum est, sed quo finis animo cum agamus.

Altera de partu terræ, ex eodem

Turgida olim facta tellus, & mirum in modum tumida, magnam aliquod paritura videbatur. Accurrunt finitimi. Stupent agricolæ, terræ partum inter se emmerumque expectant. Alii Typhloëi illum centimanum, alii montes creptatos putabant. Aperitur terra. prodit mus: & quod miraculo fore omnibus existimaba-

E

tur.

50 VARIORUM AUTHORUM.

fur, in risum atque jocum converterunt.

MOR. *Non semper credendum promissis magnificis.*

Apologus de Membris & Ventre, ex Plinio desumptus.

Humani artus, cum ventrem otiosum viderent, ab eo discordarunt, & suum illi ministerium negaverunt. Cum eo pacto & ipsi quoque deficerent, intellexerunt ventrem cibos acceptos per omnia membra dividere: & cum eo in gratiam redierunt.

MOR. *Magnæ res discordia pereunt, concordia valent.*

*De Arione & Delphino fabula elegantissima,
ex libro 16 Gelii.*

Vetus & nobilis Arion cantator fidibus fuit. Is loco & oppido Methymæus terrâ atque insulâ Lesbios fuit. Eum Arionem Rex Corinthi Periander amicum amatumque habuit artis gratiâ: Is inde à Rege proficiscitur, terras inclytas Siciliam atque Italiam visurus, Ubi eo venit, auresque omnium mentesque in utriusque terræ urbibus demulsit; in quæstibus istis, & voluptatibus, amoribusque hominum fuit. Is tum postea grandi pecunia & re bona multa copiosus, Corinthum instituit redire. Navem igitur, & nautas ut notiores amicioresque sibi Corinthios delegit: Sed eo Corinthii homine accepto, navique in altum provectâ, prædæ pecuniæque cupidi ceperunt conciliû de necando Arione. Tum ilium, ibi perniciæ intellectâ, pecuniam cæteraque sua ut haberent dedisse, vitam modò sibi parcerent oravisse. Nautas precum ejus harum cômiseritos esse illatenus, ut ei necem adferre per vim suis manibus remperarent, sed impetravisse, ut jâ statim coram desiliret præceps in mare. Homo ibi territus & spe omni vita perditâ, id unum postea oravit, ut priusquàm mortem oppeteret, induere permitterent sua sibi indumenta, & fides carpere, & canere carmen casus illius sui consolabile. Feros & immanes nautas prolubium tum audiendi subit. Quod oraverat, impetrat. Atque ibi mox de more cinctus, amictus, ornatus, stansque in summæ puppis foro, carmen quod Orthium dicitur voce sublatissi-

mâ cantavit. Ad postrema cantûs, cum fidibus ornatum-
que omni sicut stabat, canebarque, jecit sese procul in
profundum. Nautæ, haudquaquam dubitantes quin pe-
riisset, cursum quem facere cœperant tenuerunt. Sed no-
vum, & mirum, & pium facinus contigit: Delphinum
repente inter undas adnavisse, & dorso super fluctus edi-
to vectavisse, incolumique eum corpore & ornatu Tæ-
narum in terram Laconicam devexisse. Tum Arionem
prorsus ex eo loco Corinthum petivisse, talemque Peri-
andro Regi, qualis delphino vectus fuerat, sese obtulisse
eique rem (sicuti acciderat) narravisse. Regem istæc
parum credidisse, Arionem (quasi falleret) custodire
jussisse, nautas requisitos, ablegato Arione, dissimulanter
interrogasse, ecquid audissent in eis locis, unde venis-
sent, super Arione. Eos dixisse; hominem, cum inde
irent, in terra Italia fuisse, eumque illic bene agitare, &
studiis delectationibusque urbium florere, atque in gra-
tia pecuniaque magna fortunatum esse. Tum inter hæc
eorum verba Arionem cum fidibus & indumentis, cum
quibus se in salum ejaculaverat, exstitisse. Nautas stupe-
factos convictosque ire inficias non quisse.

MOR. Documento est hæc fabula, plus aliquando inveni-
ri in brutis animalibus clementiæ, quam in his hominibus, qui
præter spes nihil habent pensi, præter figurâ nihil humanitatis.

NICOLAI GERBELLII Phorcensis

Apologus lepidissimus.

De Araneâ & Podagrâ.

A Ranca, paululum à texendi opere quietior, animi
relaxandi gratia commodum deambulabat. Hic
se obviam præbuit podagra, tamen passibus ambi-
guis admodum ægrè illam assequeretur. Ejus diei itinere
utcumque emenso, non longè aberant ab oppidulo, cui
regionis ejus incolæ Tyche nomen indiderant. Utrique
consilium fuit conditionis suæ hospitem pervestigare.
Aranea, non maximopere data opera, in opulenti cujus-
dam civis ædes divertit: inibi quaquaversum relas suas
præpendebat, prætendebatq; retia. Aderant illico nescio

qui trygodæmones, qui textrinam illius demoliebantur: Momentaneum itaq; erat ipsius, quo etiam cunque se verteret, ædificium. Nusquam enim scopariorum oculatas scopas poterat effugere. Misera plane, quæ in tanta rerum omnium affluentia sola egebat perturbabaturq;. Podagra vero, mendicabuli instar, vix tandem egestosi cuiuspiam tuguriolum impetrarat: in id loci cum decubisset, nihil non experiebatur miseriarum. Apponebatur cœnatrienti panis cibarius, aridis vix faucibus hianti hydropoterium. Jamque diurno itinere lassescenti, torus ligneus, nullis frondibus, nullo gramine, sed prætenuibus paleis insternebatur. Atqui dicere, non est hujus instituti, quam convenerint male membris mollibus, cuticulæ (ut ita dixerim) holosericæ, stragula ram dura, tam barbari villi. Oriente igitur vix tandem illo augusto sydere, quod exaudit, quod intuetur omnia, convenere rursum aranea simul & podagra. Prior, aranea præteritæ noctis molestias, tot locorum commutationes denarrat; nunc hero exprobrans munditiem, nunc nimiam scopariorum observantiam. Podagra contra de hospitis sui egestate complura comminiscitur: nec otium habet ad monstrare araneæ lividas vibices, quas adamantina fulcra tenellæ curiculæ impresserant. Consilium ineunt, araneam deinceps pauperum tuguria, podagram vero divitum aulas debere subingredi: in hanc aranea pedibus, podagra animis vadit sententiam. Veruntamen tenebris jamjam incrementibus, urbi cuiuspiam sese approximant. Podagra, instituti non immemor, pedetentim se in nummosi cuiusdam domû illatebravit. Quâ commodû ab hero conspectâ (dii boni!) qua benevolentia, qua humanitate, quibus nominibus, excipitur! Supponuntur substruunturque olorinæ culcitæ, toralia perdicum subalaribus plumis referta. Taceo vinum dulce, vinum nigrum, Lesbium, Tarentinum. Taceo ficedulas, phasianos, atq; eas aviculas quæ binis superbinnt coloribus. In summa, nihil deliciarum, nihil voluptatum non exhauriebar. Aranea pauperis casam ingressa, telas orditur, quaquaversum parietes interpatent, retia suspendit, orbiculari operi

operi manibus pedibusq; incumbit: reficit abrupta, perficit intercepta: & ut dicam breviter, *vacua dominatur in aula*: nullas insidias, nullos formidat insultus: imo vero etiam jam scopis superior omnibus. Non multo post, podagra araneam convenit; delicias suas, felicitatem, fortunas ampliter exornat. Aranea miris laudibus extollit imperium suum, ædificandi texendique libertatem. Placuit tandem hæc utrisque sententia: Quorsumcunque proficiscerentur, podagram in divitum domos, araneam in pauperum tuguria debere divertere.

MOR. *Apologus hic, tametsi ad usus varios accommodari queat, id tamen imprimis declarat. Alium in alio loco fortunatorem esse. Præterea, morborum domicilium esse divitum aulas: Ad ultimum, nusquam libertatem majorem, quam ubi divitiarum minus.*

LAURENTII ABSTEMII VIRI
elegantissimi & amœni ingenii, fabulæ elegantissimæ, nuper per clariss. Poetam & Philosophum Gargetium emaculatæ.

Domicius Palladius Gouranus Pollioni Padio,
Sacerdoti venerando, S. P. D.

JAmpridem tuo sermoni de Abstemio, frequenti literatorum confesso, Pollio venerande, non invitus interfui, cum minime pretextatus, ut ita dicam, laudibus hominem celebrares, adeoque in arcem evasisti, ut nemo sane (mea sententia) eum cumulatius laudare potuerit. Mox inde secedens, hæc omnia animo diu volutabam, unde tanta conflueret laudationis abundantia, unde tanta non vulgaris observatio emanaret, unde denique amicitia adeo perfecta exoriretur. Procul dubio non aliunde mecum tandem collegi, quam ex præclaro ejus virtutis

autis nomine proficisci, cuius quidem vis magna & prae-potens est. Quamobrem non possum profecto, non suspicere ingenium tuum amabile, tuumque; animum virtutibus fultum diligentius non admirari, qui neque ambitione, neque invidia, neque aliquo alio livore devincitur. Si quidem omnes quas mereatur Abstemi-
us noster, laudes non transis silentio: imo ad illas ipsas cum-
mulandas, ob eius incredibilem eloquentiam singularemque do-
ctrinam, ultro accedis; idque haud abs re cum pater omnium
elegantiarum, atque ideas leporum omnium, merito fit & habe-
atur. Et ut haec clatiora luce, non officii gratia aut temere di-
cantur, quotidie quodammodo aliqua ejus librorum monumenta
existere videmus, quae undique perfecta verborum concinnitate,
perspicacissimeque sententiis scatent. Nam modo dicam de hoc
Apologorum libello nuper impresso, in quo perspicue insignis ejus
ingenii amoenitas non absque laude maxima redundare vider-
tur. Quare non vereor ut is remisso cujuscunque animo pessum
eat. Abstemiisque (absit invidia verbo) omniam quam jucun-
dissimo detrahatur: cui & te & me, ob tanti nominis celebri-
tatem, nulla unquam in re defuturos esse liquido constabit.
VALE.

LAURENTIUS ABSTEMIUS
OCTAVIANO UBALDINO

Comiti Mercatelli, S. P. D.

EDiturus hunc Apologorum libellum, quem de numero fa-
bularum Hecatomythium nuncupavi, multum diuque du-
bitavi, Octaviane Princeps inclyte, tuone eum nomini po-
tissimam dedicarem. Nam cum tuam in me, non sine plurimis
beneficiis, perspicerem benevolentiam, non aliquid mearum vi-
giliarum tibi devovere ingratiissimi hominis esse videbatur. Rur-
sus, cum tuorum in me officiorum numerum, divinasque virtu-
tes tuas mecum ipse revelerem, indignum tantis meritis, tan-
taque sapientia, munusculum hoc esse cernebam. Hanc tandem
dubitationem meam amovit humanitas & prudentia tua: qua
non tam res tibi dono datas, quam offerentium voluntatem, so-
les inspicere. Addidit quoque mihi animum Guidus Ubal-
dus, clarissimus Dux & Princeps unus omni laude major, qui o-
pusculum

pusculum meum. De nonnullis locis obscuris, superiori anno ei dedicatum, vultu ita placido & serena fronte suscepit, ut sperare merito possim, hoc tibi quaecunque fore non ingratum. Non mediocriter etiam me incitarunt Georgius Emus, pro Venetis hic agens legatus. Non solum patricia nobilitate, verum etiam bonarum artium studiis clarus, & Carolus Verardus Casenas, Archidiaconus Casenæ, & Alexandri Pontificis maximi cubicularius, vir omni literarum genere præstans, necnon Renatus Melioratus, & Robertus Visus Ariminensis, Jurisconsulti clarissimi, nec minus qui humanitates vacant studiis eruditi. Hi enim alique complures, optimi harum rerum censores, cum hunc libellum legissent, multis me verbis sunt ad editionem cohortati. Non putavi igitur tam humano Principi hoc munus ingratum futurum, quod tot eruditis viris ante placuisse cognoveram. Accipe igitur hoc quicquid est libelli ab Abstêmio tuo; cujus mentem animumq; si penitus possis inspicere, in hac tenui re magnū munus tibi iudicares oblatum. Ne quis autem inutilem & inanem hunc meum scribendi laborem existimaret, præfatiunculam quandam præponendam censui; quā intelligeretur, doctos etiam & claros viros in magnis rebusque huiusmodi fabulis, non voluptatis tantum, verum etiam utilitatis gratia, delectatos. Sedulo dedimus operam, ut seria potius quam jocos saperent: unde ridiculas multas, quæ inter componendum sese mihi offerebant, consultò præterii, quia nimis lascivæ, & tanti Principis gravitate mihi videbantur indignæ. Non tamen ita agrestis esse volui, quin eas aliqua urbanitate aspergerem, maxime ad Principem scribens: cum Principes, curarum mole pressi soleant interdum, recreandi animi gratia, jocos appetere.

Ejusdem ABSTEMII Proœmium.

Cogitanti mihi varia scriptorum genera, qui ut humanæ vitæ prodesse, cogitationes suas literarum mandare memoria: qui apologos scripsere, non postremo loco digni esse videntur. Non modò enim mortalium animos incredibili quadam efficiunt voluptate, verum etiam ad res honestas utilisque peragendas suis fabellis magis, quam philosophi suis

præceptis alliciunt. Nam ita in legentium animos quadam jucunditate penetrant, & quibusdam similitudinibus, quæ maxime ad commovendos animos valent, quid vitandum faciendumque sit ostendunt, ut omnes etiam inviti illis assentiri cogantur. Sensus autem audiendi fastidiosissimus res etiam utiles honestasque haud facile admittit, nisi fuerint aliqua urbanitate conditæ. Testis quid in orator Atheniensis, qui ad Athenienses verba faciens, cum eos minus attentos videret, rogavit ut saltem fabulam audire dignarentur. Quo impetrato, Ceres, inquit, & hirundo, & anguilla, simul iter facientes, ad quendam fluvium pervenerant. Hirundo quidam supervolavit: anguilla autem amnem tranavit: quod cum dixisset, obtulit. Interrogantibus autem illis quid Ceres egisset? Vobis, inquit, Dea vestra succensuit, quod eos, qui vobis utilia suadent, audire nolentes, tam attentis auribus confabulantes auditis. Quantam vim apologi habeant ad animos commovendos, cum multis possem, tribus ero contentus exemplis ostendere. Samiis rectorem populi morti addicere volentibus, Æsopus, hac fabella dissuadet, dicens, Vulpem quandam fluvium transeuntem, in Lacunam fuisse propulsam: unde cum exire non posset, tenaci limo retenta, muscarum affligebatur aculeis. Quod herinaceus conspicatus, misericordia motus est, interrogavitque an vellet, ut ab ea muscas abigeret. At illa abnuvit, dicens, Haec meo sanguine iam plene parvam mihi possunt inferre molestiam: si autem has abigeres, alia famelicæ supervenient, quæ quicquid mihi superest sanguinis exhaurient. Ita, O viri, Samii, vobis eveniet. Si enim hunc rectorem vestrum iam locupletem occideritis, alios eligatis necesse est, qui dum se opibus volent implere, quicquid hic vobis reliquit eripient. His verbis moti Samii ab incepto desistere. Hac ratione adductus Tiberius Cæsar, diuturnos magistratus dabat: unde ut refert Josephus, sub eo per viginti annorum spatium, per duos tantum Præsides, Cratum scilicet, & Pilatum, est gubernata Judæa. Non parcat porulis regnum breve, ut inquit Statius. Himerenses Phalaridem, Agrigentinarum tyrannum, ducem exercitus sui eligere volentes, Stesichorus Poeta hoc apologo deterruit. Equus, dicens, solus pascebatur in prato: adveniente

te autem cervo & pascua corrumpente, consuluit hominem qua posset illum arte punire. Cui homo, si frenum, inquit, acceperis, & me armatum dorsum tuum ascendere permiseris. Cum huic consilio esset obsecutus, cervum quidem hominis auxilio victor abegit: sed Non amplius hominem dorso, non frænum depulit ore. Ita inquit Stesichorus, viri Himerenses, vobis eveniet: si Phalaridem ducem efficietis, hostes quidem vestros punietis, sed huic tyranno perpetuo servietis. Quibus verbis territi Himerenses, huiusmodi ducis eligendi consilium depasuerunt. Cum populus Romanus à Senatu secessisset, quod tributum & militiam non toleraret, nec ullo pacto reduci posset, nonne Agrippa Menenius cum hoc apologo revocavit? Olim, inquit, Quirites, humani artus, ventrem otiosum & desidem intuentes, ab eo discordaverunt, nec amplius illi cibum ministrare decreverunt: sed cum ipsi, quasque alimenta illi denegando, quæ per omnia membra deferuntur, deficerent, cum eo in gratiam redierunt. Eodem, inquit, modo, Senatus & populus, quasi venter & membra, alter alterius auxilio indiget, & ut discordia intereunt, ita concordia valent. Qua fabula populus revocatus, cum Senatu in gratiam rediit. Non immerito igitur non solum Græci & Latini Poetæ, ut Hesiodus & Horatius, huiusmodi fabulas suis operibus inseruerunt, verum etiam maximi & celeberrimi Philosophi, ut Plato, Aristoteles, Plutarchus, & multi alii, eas plurimum commendarunt, & ad institutionem moralem & civilem vitæ non minimum facere arbitrati sunt. Quocirca Omnibonus Leonicens & Laurentius Valla, viri ætatis nostræ doctissimi, paucos Æsopi apologos e Græco in Latinum vertere, quos sibi laudi cæteris vero voluptati & utilitati fore non dubitarunt; & jure quidem: leguntur enim, & in doctissimorum virorum manibus quotidie versantur. Non video igitur cur, has componendo fabellas, laude fraudari debeam, quam cæteri Latini ex translatione consecuti sunt; nisi adeo invidi sumus, ut Latinis licere non putemus, quod Græcis est cum summa omnium laude concessam.

*Laur. Absternii Fabule.**De Mure in Cista Nato.*

Us in cista natus omnem ferè ibi duxerat ætatem, nucibus pastus, quæ in ea servari solebant. Dum autem circa oras cistæ ludens decidisset, quæreretque ascensum, reperit epulas lautissimè paratas: quas cum gustare cepisset, Quàm stultus, inquit, hæcenus fui, qui in toto terrarum orbe nihil melius cistulâ meâ esse credebam! Ecce quam suavioribus hîc vescor cibis!

Hæc fabula indicat, non ita patriam diligendam, ignobilis sit, ut alia non adeamus loca cùm alibi beatiore esse possimus.

De Rustico impetrante ut triticum absque aristis nasceretur:

Impetraverat à Cerere rusticus quidam, ut triticum absque aristis nasceretur, nè merentium triturantiumq; manus læderet: quod ubi inaruit, à minutis avibus depastum est. Tum rusticus, Quàm digna, inquit, patior, qui parvæ commoditatis causâ, emolumenta quàm maxima perdidit!

Fabula indicat, parva incommoda majori utilitate pensanda.

De Accipitre Columbam insequente.

CUm accipiter columbam præcipiti insequeretur volatu villam quandâ ingressus à rustico captus est: quem blande, ut se dimitterer, obsecrabat: non enim te læsi, dixit. Cui rusticus, Nec hæc, respondit, te læserat.

Fabula indicat, meritò puniri qui innocentes ledere conatur.

De Aranea & Hirundine.

Araneæ in hirundinem excandescens, quæ muscas qui suus est cibus, capiebat, retia in foribus per quas volitare solebat, ut eam caperet, suspenderat. Hirundo verò advolans, retia cum textrice per aëra portabat. Tum araneæ in aëre pendens, & sese jamjam perituram intelligens, Quam justè hæc patior, dicebat, quæ
minima

minima volatilia magno labore vix capiens, credidi tam magnas aves posse comprehendere.

Hac monemur fabula, ne viribus majore aggrediamur.

De Rustico amnem transituro.

Rusticus torrentem transiturus, qui forte imbribus excreverat, quærebat vadum. Et cum primum eam fluminis partem tentasset, quæ quærior placidioreque videbatur; reperit eam altiore quam animo erat opinatus: rursus, ubi breviorē tutiorēque adinvenit, ibi majori aquarum strepitu fluvius decurrebat. Tum secum, Quam tutius, inquit, clamoris aquis, quam quietis & silentibus vitam nostram credere possumus!

Hac admonemur fabula, ut minus verbosos & minaces quam quietos extimescamus.

De Columba & Pica.

Columba interrogata à pica, quid eam induceret, ut in eodem semper loco nidificaret, cum ejus pulli inde sibi semper surriperentur; Simplicitas, respondit.

Hac indicat fabula, facile viros probos sæpe decipi.

De Cuculo & Accipitre.

Irrius ab accipitre cuculus, quod cum sibi & corpore par, & colore non absimilis esset, præ angustia animi potius vermibus terrenis, quam suavis aliis avium carnibus, vesceretur. Vidit paucis post diebus accipitrem à rustico, cujus columbas insectabatur, captum, ad metum cæterorum, ex alta turre pendere: Cui cuculus, Quam melius tibi, inquit, amice, fuisset vermes venari, quam alienas aves imperere!

Hac fabula indicat, eorum vitam tutiorem esse, & magis probandam, qui suis rebus sine periculo sunt contenti: quam illorum, qui aliena appetentes adeunt magna vitæ discrimina.

De Asino & Vitulo.

Asinus & vitulus cum in eodem pascerentur prato, sonitu campanæ hostilem exercitum adventare præsentiebant. Tum vitulus, Fugiamus hinc, ô sodalis, inquit, ne hostes nos captivos abducant. Cui asinus, Fuge tu, inquit, quem hostes occidere & esse consueverunt: asini nihil interest, cui ubique eadem ferendi

oneris

oneris est proposita conditio,

Hæc fabula servos admonet, ne dominos magnopere mutare formident, modo prioribus deteriores futuri non sint.

De Vulpe & Mulieribus gallinas edentibus.

Vulpes juxta villam quandam transiens, conspexit carervam mulierum plurimas gallinas opipare asatas alto silentio comedentem: ad quas conversa, Qui clamores, inquit, & canum larratus contra me essent, si ego facerem quod vos facitis! Cui respondens quædam anus, pessima animalium, inquit, nos quæ nostra sunt comedimus; tu vero aliena furaris.

Hæc fabula nos admonet, ne putemus nobis in aliena licere, quod propriis dominis licet.

De Caponibus pinguibus & macris.

Vir quidam complures capones in eodem ornithoboscio inclusos largo nutricaverat cibo, qui pingues effecti sunt omnes præter unum, quem ut macilentum irridebant fratres. Dominus, nobiles hospites lauto & sumptuoso accepturus convivio, imperat coquo, ut ex his interimat coquatq; quos pinguiore invenerit. Hoc audientes corpulenti sese afflictabant, dicentes, Quanto præstitisset, nos macilentos esse!

Hæc fabula in pauperum solamen conficta est, quorum vita tutior est quam divitum.

De Trabe & Bobus eam trahentibus.

Trabs uimea de bobus conquerebatur, dicens, Ingrati, ego multo tempore meis vos frondibus alui: vos vero me nutricem vestram per saxa & luta trahitis. Cui boves, Gemitus, suspiriaq; nostra & stimulus quo pungimur, te docere possunt, quod te trahimus inviti. Ignovit trabs.

Hæc nos docet fabula, ne in eos excandescamus, qui non suâ sponte nos ledunt.

De Arboribus pulchris & deformi.

Arbores complures in eodem creverant loco proceræ, rectæ, enodæque, præter unam humilem, parvam,

vam, nodosamque, quam ut deformem pusillamque cæteræ ludibriis habere solitæ erant. Ædificaturus domum loci dominus jubet omnes excidi, præter eam quæ brevitate & deformitate sua ædificium indecorum redditura videbatur. Cæteris excisis, deformis hæc secum dicebat, De te non amplius querar, natura, quod me turpem genueris, cum formosis tam magna videam imminere discrimina.

Hæc fabula nos admonet, ne doleamus nos natos esse deformes, cum multis formositas sæpe nocuerit.

De Cygno in morte canente, reprehenso à Ciconia.

CYgnus moriens interrogabatur à ciconia, cur in morte, quam cætera animalia adeo exhorrent, multo suaviores, quam in omni vita, emitteret sonos, cum potius mœstus esse deberet. Cui cygnus, Quia, inquit; neque cibi quærendi cura amplius cruciabor, neque aucupum laqueos exrimescam.

Hæc fabula admonet, ne mortem formidemus, qua omnes vitæ præsentis miseriæ præciduntur.

De Muliere virum morientem flente, & parente eam consolante.

Mulierem adhuc juvenem, cujus vir animam agebat parens consolabatur, dicens, Ne te affliges, ne tantopere lugeas, filia: alium enim virum tibi inveni, isto longe formosior, qui prioris desiderium facile mitigabit. At mulier doloris impatiens, ut quæ maritum ardenti amore prosequeretur, non modo verba parentis non admittebat, sed intempestivam alterius mariti mentionem accusabat. At ubi maritum defunctum vidit, inter lacrymas & luctus parentem interrogat, an adsit juvenis ille, quem sibi in virum dare velle se dicebat.

Fabula indicat, quam cito defunctorum maritorum amor ex uxorum animis excidere soleat.

De Muliere amatoris discessum flente.

Mulier impudica amatorem suum abeuntem, quem omnibus ferè rebus spoliaverat, multis lacrymis prosequeretur. Interrogante autem eam vicinà, cur tam immoderate fleret. Non discessum ejus, inquit, sed pallium quod ei reliqui fleo.

Fabula indicat, non amatores, sed eorum bona à meretricibus amari.

De Musca, quæ quadrigis infidens, pulverem se excitasse dicebat.

Quadrigæ in stadio currebant, quibus musca infidebat. Maximo autem pulvere, tum equorum pedum pulsu, tum rotarum volutatione, exorro, dicebat musca, Quam magnam vim pulveris excitavi!

Hæc fabula ad eos spectat, qui, cum ignavi sint, alienam tamen gloriam suis magnificis verbis in se transferre conantur.

De Anguilla conquerente, quod magis quam serpens infestaretur.

Anguilla interrogabat serpentem, quare, cum similes essent, atque cognati, homines tamen se potius quam illum insequerentur. Cui serpens, Quia rarò, inquit, me lædunt impune.

Hæc fabula indicat, minus lædi solere qui sese ulciscuntur.

De Asino, Simia, & Talpa.

Conquerenti asino quod cornibus careret, simia vero quòd cauda sibi deesset! Tacete, inquit talpa, cum me oculis captam esse videatis.

Hæc fabula ad eos pertinet, qui non sunt sua sorte contenti: qui si aliorum infortunia considerarent, aequiore animo tollerarent sua.

De Nautis Sanctorum auxilium implorantibus.

Nauta quidem in mari subita & atra tempestate comprehensus, cæteris ejus sociis diversorum divorum auxi-

auxilium implorantibus. Nescitis, inquit, quid petitis. Ante enim quàm sancti isti ad Deum pro nostra liberatione se conferant, hac imminente procella obruemur. Ad eum igitur confugiendum censeo, qui absq; alterius adminiculo, à tantis malis nos poterat liberare. Invocato igitur Dei omnipotentis auxilio, illico procella cessavit.

Fabula indicat, ubi potentioris auxilium haberi potest, ad imbecilliores non confugiendum.

*De Piscibus è sartagine in prunas
defilientibus.*

Pisces adhuc vivi in sartagine servente oleo coquebantur; quorum unus, Fugiamus hinc fratres, inquit, nè pereamus. Tum omnes pariter è sartagine exilientes, in arduas prunas deciderunt. Majore igitur dolore affecti, damnabant consilium quod ceperant, dicentes, Quanto atrociori nunc morte perimus!

Hæc nos admonet fabula, ut ita præsentia vitemus pericula, nè incidamus in graviora.

*De quadrupedibus societatem adversus aves,
cum piscibus ineuntibus.*

Quadrupedes, cùm bellum sibi ab avibus esset indictum, cum piscibus fœdus ineunt ut eorum auxilio se ab avium furore tuerentur. Cùm autem optata expectarent auxilia, pisces negant se per terram ad eos accedere posse.

Hæc nos admonet fabula, ne eos nobis socios faciamus, qui, cum opus sit, nobis adesse non possunt.

*De Legato avaro tubicines
decipiente.*

Quidam avarus pro patria legatus in aliã urbem profectus erat; cui tubicines præstò affuerunt, ut illius aures tubarum clangore, loculos aurem suos pecunia implerent. Quibus ille renuntiari jubet, non esse
nunc

nunc locum cantibus, se in summo luctu & mœrore constiturum, matrem enim suam obiisse. Tubicines autem spe frustrati & mœsti abeunt. Amicus quidam legati audiens luctum, ad eum visendum consolandumque accedit, interrogatque quamdudum mater ejus obiisset. Quadraginta jam anni sunt, inquit. Tum amicus, intellectâ legati strophâ, in risum effusus est.

Hæc fabula in avaros facit, qui omni arte student conferre pecuniam.

De Viro, qui ad Cardinalem nuper creatum gratulandi gratiâ accessit.

Vir quidam facetus admodum & urbanus, audiens amicum suum ad Cardinalatûs dignitatem adsumptum, ad eum gratulandi gratiâ accessit. Qui honore tumidus, amicum veterem agnoscere dissimulans, quisnam esset interrogabat. Cui ille, ut erat ad jocos promptus, Miseresco, inquit, tibi cæterisque qui ad ejusmodi honores perveniunt. Quamprimum enim dignitates ejusmodi estis affecuti, visum, auditumq; & cæteros sensus ita amittitis, ut pristinos amicos amplius non dignoscatis.

Hæc fabula eos notat, qui in altum sublatis veteres despiciunt amicitias.

De Juvene Senis curvitatē irridente.

Juvenis quidam conspicatus senem in arcûs tensi similitudinem curvum, interrogavit, an sibi arcum vellet vendere; Cui ille, Ecquid est tibi opus pecuniam amittere? si enim ad meam perveneris ætatem, absque pecunia arcum tibi narra concedet.

Hæc fabula indicat, minime irridenda vitia senilis ætatis, quam nemo vivendo effugere potest.

De Sene puellam in uxorem accipiente.

Vir quidam imprudens, exacto septuagesimo vitæ anno, puellam duxerat in uxorem, qui ad id tempus in cœlibatu permansisset. Cui cum debitum solvere non posset, dicere

dicere solebat, Quàm malè vitam meam disposui ! juveni enim mihi uxor deerat; nunc autem senex desum uxori.

Hac fabula innuit, omnia suo tempore peragenda.

De Aquila & Pica.

Pica aquilam rogabat, ut se inter suos familiares & domesticos acciperet; quando id mereretur, cum corporis pulchritudine, tum ad mandata peragenda linguæ volubilitate. Cui Aquila, Hoc facerem, respondit, ni verer, nè quæ intra regulam fiant, tua loquacitate cuncta efferres.

Hæc fabula monet, linguaces & garrulos domi non habendos.

De Turdo amicitiam cum hirundine ineunte.

Gloriabatur turdus se amicitiam contraxisse cum hirundine. Cui mater, Stultus es fili, inquit, si credis cum ea posse convivere; cum uterq; vestrum diversa soleat appetere loca: tu enim frigidis, ille tepidis delectatur locis.

Hac monemur fabulâ, ne eos nobis faciamus amicos, quorum vita à nostra dissentit.

De Rustico & Mure.

Rusticus quidam erat admodum pauper, sed adeo facetus, ut nè calamitatis quidem tempore nativi lepōris oblivisceretur. Is cum villam suam casu igne injecto ita ardentem videret, ut aliquo modo ignem extinguere posse diffiderit, mœstus spectat incendium. Interim cernit murem quendam, qui, villâ egressus, periculum quàm ocyssimè fugiebat. Oblitus damnorum rusticus, accurrit, & murem corripiens, illum in medium jecit incendium, dicens, Ingratum animal, tempore felicitatis mecum habitasti, nunc, quia fortuna mutata est, villam meam deseruisti.

Fabula indicat, eos non esse veros amicos, qui aridente fortuna a latere tuo non discedunt, turbata autem, præcipiti abeunt cursu.

De Eremita egrotante.

Insitum est à naturâ omni animantium generi, ut rei venereæ libidine incitentur; à quâ siqui homines, qui corvo albo rariores sunt, se abstinere volunt, sæpe in graves morbos incidere solent. Quidam igitur eremita, ipsa adolescentia ita titillationes carnis evicerat, ut usque ad quintum & vigessimum ætatis annum virgo permanferit. Cum autem ea ætate gravissime ægrotare cœpisset, medici nullum aliud salutis ejus remedium se invenire dicebant, nisi ut cum aliqua muliere coiret. Diu eremita recusavit, mori se potius velle dicens, quam virginitatem, rem tam præclaram, & Deo maxime gratam, amittere: assueti enim virtutibus ægre illas à se discedere patiuntur. Victus tandem precibus, & cupiditate vitæ, qua nihil homini sanæ mentis dulcius est, adductæ sibi mulieris infusus gremio, placidum petiit per membra soporem. Experrectus autem vehementer angebatur: & tantam vim lacrymarum effundebat, ut omnes, qui aderant illius misererentur: quisque igitur consolari, & ut bono animo esset hortari, quoniam Deus clementissimus Pater ei ignosceret, quia non volupraris, sed recuperandæ sanitatis causa tale opus perpetrasset. At ego, inquit, istud non fleo: sed quod tantam dulcedinem citius expertus non sum.

Hæc indicat fabula, humanam naturam adeo peccatorum illecebris delectari, ut vitiorum voluptatem facile virtutum amaritudini anteponat.

De Divite quidam & Servo.

Vir erat dives, servum habens tardi ingenii, quem regem stultorum solebat nuncupare. Ille his verbis sæpius iratus, statuit hero par referre. Semel enim in herum conversus, Urinam, inquit, rex stultorum essem, In toto enim terrarum orbe nullū meo latius esset imperium,

imperium, & tu quoque meo subesses imperio.

Fabula indicat, omnia plena esse stultorum.

De Vidua Virum petente.

Vidua quædam dives à vicinâ perebat, ut maritum sibi reperiret, quem non coitus gratiâ (qui ingratus admodum sibi erat) sed ne bona sua dilapidarentur, exoprare se dicebat. Mulier sagax, & viduæ versutias intelligens, se inquisituram pollicetur. Paucis post diebus viduam conveniens, Reperi, inquit, tibi virum ex animi tui sententiâ: est enim vir prudens, ad res gerendas natus, & genitalibus caret, quæ tibi cordi non sunt. Cui vidua, Abi hinc, inquit, in malam rem cum isto marito tuo illepedo, etsi enim coitus apperens non sum, volo tamen habeat quod nos reconcillet, si quando cœperimus esse discordes.

Hæc fabula indicat, nullum matrimonium felix, si clavus defuerit, qui virum & mulierem arctissime constringit.

De Canibus Urbanis Villaticum insequentibus.

Canes complures urbani quendam villaticum præcipiti insequabantur cursu: quos diu ille fugit, nec repugnare ausus est. At ubi ad insequentes conversus substitit, & dentes ipse quoque ostendere cœpit, omnes pariter substituerunt, nec aliquis urbanorum illi appropinquare audebat. Tunc imperator exercitus, qui forte ibi aderat, ad suos conversus milites, Comilitones, inquit, hoc spectaculum nos admonet, ne fugiamus cum præsentiora fugientibus quam repugnantibus videamus imminere pericula.

De Anæ Demonem accusante.

Volunt homines ut plurimum, quando suâ culpâ aliquid sibi acciderit adversi, in fortunam, vel in dæmo-

dæmonem culpam conferre, ut se crimine exuant; adeo omnes sibi indulgent. Hoc dæmon ægrè ferens, cum videret anum quandam arborem ascendentem, ex qua illam ruituram, & in se culpam collaturam præviderat, accitis testibus, dixit, Videte anum illam absque meo consilio arborem ascendentem, unde eam casuram esse prospicio: estote mihi testes, me ei non suasse, ut soleata illam ascenderet. Mox anus cecidit, & cum interrogarent, cur soleata arborem ascendisset; Dæmon, inquit, me impulit. Tum Dæmon, adductis testibus, probavit, id ab anu absque suo factum esse consilio.

Fabula indicat, homines minime veniâ dignos, qui cum fibere peccent, fortunam vel Dæmonem accusant.

De Testudine & Ranis.

Testudo conspicata ranas, quæ in eodem stagno pascebantur, adeo leves agilesque ut facile quolibet profilirent, & longissime saltarent; naturam accusabat, quod se tardum animal, & maximo impeditum onere procreasset, ut neque facile se movere posset, & magna assidue mole premeretur. At ubi vidit ranas anguillarum escam fieri, & cujuscunque vel levissimo ictui obnoxias; aliquantulum recreata dicebat, Quanto melius est onus, quo ad omnes ictus munita sum, ferre, quam tot mortis subire discrimina.

Hæc fabula indicat, ne ægre feramus dona naturæ, quæ, majori nobis commode sæpe sunt, quam nos intelligere valeamus.

De Gliribus Quercum eruere volentibus.

Gliræ quercum arborem glandiferam dentibus Gernere destinaverunt, quo paratiorem haberent cibum, ne victus gratia roties ascendere & descendere cogerentur. Sed quidam ex his, qui ætate, & usu rerum, ac prudentia cæteris longe antebat, eos abster-

ruit.

ruit, dicens, Si nutricem nostram nunc interficiemus, quis futuris annis nobis ac posteris nostris alimenta præbebit?

Fabula hæc monet, virum prudentem debere non modo præsentia intueri, verum etiam futura longè prospicere.

De Cane & Hero.

CANEM quidam habens, quò magis illi diligeretur, semper cum suis pascebat manibus, ligatumque solvebat: ligari autem & verberari jubebat à servo; ut beneficia à se, maleficia autem à servo in illum viderentur esse collata. Ægre autem ferens canis, se assidue ligari verberarique, aufugit: & cum increparetur à domino ut ingratus, & tantorum beneficiorum immemor, qui à se fugisset, à quo semper dilectus, pastusque fuisset, ligatus autem verberatusque nunquam; respondit, Quod servus tuo jussu facit, à te factum puto.

Fabula indicat eos malefactores habendos, qui maleficiorum causa fuere.

De Avibus Scarabeos timentibus.

MAGNUS timor aves inceserat, ne scarabei areum pilari eas occiderent, à quibus magnum pilarum vim in sterquilino summo labore fabricatam audierant. Tunc passer, Nolite, inquit, expavescere: quomodo enim pilas in nos per aëra volantes jacere possunt, cum eas per terram magno molimine vix trahant?

Hæc fabula nos admonet, ne hostium opes extimescamus, quibus deesse videmus ingenium.

De Urso & Apibus.

URSUS ictus ab Ape, tanta ira percitus est, ut alvearia in quibus apes mellificaverunt rota unguibus discerperet. Tunc apes universæ, cum domos suas dirui, cibaria auferri, filios necari viderent, facto impetu, aculeis ursū invadentes pene necavere. Qui ex eorū manibus vix elapsus secū dicebat, quāto melius erat apis unius

aculeum tolerare , quàm tot in me hostes meâ iracundiâ concitare !

Hæc fabula innuit , longè melius interdum esse injuriam unius sustinere , quam , dum unum punire volumus , multos nobis inimicos comparare.

Auceps retenderat volucribus retia largamque illis in areâ effuderat escam; pascentes tamen aves non capiebat, quia sibi videbantur paucæ: quibus pastis ac avolantibus, aliæ pastum adveniunt; quas quæq; propter paucitatem capere neglexit. Hoc per totum diem ordine servato, ac aliis advenientibus, aliis abeuntibus, illo semper majorem prædam expectante, tandem ad vesperascere cœpit. Tunc auceps, amissa spe multas capiendi, cum jam tempus esset quiescendi attrahens retia, unam tantum fringillam, quæ infelix in areâ remanserat, cepit.

Hæc fabula indicat, qui omnia comprehendere volunt, sæpe pauca vix capere posse.

De Milite & duobus Equis.

Miles, equum habens optimum, emit alium nequicquam illi bonitate parem, quem multo diligentius quàm priorem nutriebat. Tunc posterior priori sic ait, Cur me dominus quam te impensius curat, cum tibi neque pulchritudine, neque robore, neque velocitate comparandus sim? Cui ille, Est hæc, inquit, hominum natura, ut semper in novos hospites benigniores sint.

Hæc fabula indicat hominum amentiam, qui nova, etiam si deteriora sint, solent veteribus anteponere.

De Sue & Cane.

Sus irridebat canem odorisequum, qui domino murmure & caudâ adularetur, à quo ad artem aucupatoriam multis verberibus, auriumque vellicationibus uerat instructus. Cui Canis, Nescis, inquit, insane, nescis

nescis quæ ex verberibus illis sum consecutus. Per ea enim suavissimis perdicum coturnicumque carnibus vescor.

Hæc fabula nos admonet, ne iniquo feramus animo præceptorum verbera, quæ multorum bonorum causa consueverunt esse.

De Trabe Bovi pigræ in crepante.

TRabs quæ curru vehebatur, boves ut lentulos increpabat, dicens, Currite pigri, onus enim leve portatis.

Cui boves, Irrides nos? responderunt: Ignoras quæ te poena maneat. Onus hoc nos citò deponemus; tuum autem tu, quoad rumparis, sustinere cogêris. Indoluit trabs, nec ampliùs boves convitiis laceßere ausa est.

Hæc fabula quemlibet monet, ne aliorum insultet calamitatibus, cum ipse possit majoribus subjici.

De Carduele & Puero.

Carduelis avis interrogata à puero, à quo deliciis habita, & suavis largisque cibis nutrita fuerat, cur cavè egressa regredi nolleret: Ut meo, inquit, me arbitrato, non tuo, pascere possim.

Hæc fabula indicat, viri libertatem cunctis deliciis anteponendam.

De Scurra & Episcopo.

Scurra quidam calendis Januarii ad Episcopum quendam, divitem quidem, sed avarum, accedens, numisma aureum strenæ nomine petiit. Antistes insani-
re hominem dixit, qui crederet tantam pecuniam sibi in strenam dari. Tunc scurra nummum argenteum efflagitare cœpit. Sed cum ille hoc quoque nimium sibi videri diceret, æreum quadrantem ut saltem sibi traderet, orabat. Sed cum nè hunc quoque posset ab Episcopo extorquere, Reverende, inquit, Pater, saltem benedictione tua me pro strenâ imperti. Tunc Episcopus, Flecte, inquit, genua, fili, ut tibi benedicam. At ego, inquit, scurra, benedictionem istam tuam tam vilem nolo. Si enim

nummum æreum valeret, eam mihi nunquam profecto concederes.

Hæc fabula contra eos Episcopos & Sacerdotes conficta est, qui divitias & opes plaris faciunt, quam cuncta Ecclesia sacra atque mysteria.

De Upupa indigne honorata.

INvitatz fere omnes aves ad aquilæ nuptias, indigne ferebant, upupam cæteris præferri, quia corona insignis esset, & versicoloribus pennis ornata, cum semper inter stercorea & sordes solita esset volitare.

Hæc fabula stultitiam eorum arguit, qui in hominibus honorandis potius vestium nitorem, præstantiamque formæ, quam virtutes moresque soleant attendere.

De Sacerdote & Pyris.

SAcerdos quidam gulosus, extra patriam ad nuptias proficiscens, ad quas fuerat invitatus, reperit in itinere pyrorum acervum, quorum ne unum quidem attigit, quamvis magna affectus fame, quin potius ea ludibrio habens, lotio consperfit: indignabatur enim ejusmodi cibos sibi in itinere offerri, qui ad lautas accedebat epulas. Sed cum in itinere torrentem quendam ita imbris auctum offendisset, ut sine viræ periculo transire non posset, domum redire constituit. Revertens autem jejunos, tanta est oppressus fame, ut nisi pyra illa, quæ urina consperferat, comedisset, cum aliud non inveniret, extinctus fuisset.

Hæc fabula monet nihil esse contemnendum; cum nihil sit tam vile & abjectum, quod aliquando usui esse non possit.

De Mulo & Equo.

MUlus conspiciens equum aureo freno ephippioque insignem, & purpureis opertum phaleris, rumpebatur invidia, illum beatum reputans, qui continuo optimis vesceretur cibis, & decore amiceretur ornatus, se autem præ illo infelicem, qui clitellis male dolatis oppressus, quotidie maxima onera ferre cogeretur. At ubi vidit equum

ē pugna redeuntem multis affectum vulneribus, præ illius calamitate se felicem appellabat, longè melius esse dicens, quotidiano labore durum victum quæritate, & tuiusmodi vestiri, quàm post optimos & delicias cibos, & tantos ornatus, mortis adire discrimina

Hæc fabula monet, regibus & principibus minimè invidendum, quia divitiis & opibus abundant; cum vitam eorum longe pluribus periculis, quam pauperum, videamus esse subiectam.

De Porco & Equo.

Porcus conspiciens equum bellatorem, qui cataphractus ad pugnam prodibat, Stulte, inquit, quò properas? in pugnam enim fortasse morieris. Cui equus, Tibi interitum sordisque impinguato, cum nihil dignum laude gesseris, cultellus adimet vitam: mortem verò meam committabitur gloria,

Hæc fabula inquit, honestius esse rebus præclare gestis occumbere, quàm vitam turpiter actam protrahere.

*De Coriario emente pellem Ursi à Venatore
nondum capti,*

Coriarius ad venatorem accedens, emit ab eo pellem Ursi, pecuniàmque pro eâ protulit. Ille sibi in præsentiam pellem ursi non esse, cæterum postmodum venatum profecturum, ursoque interfecto, pellem illius ei se daturum pollicetur. Coriarius animi gratia cum venatore in sylvam profectus, altissimam arborem ascendit, ut inde ursi venatorisque certamen prospiceret. Venator intrepidus ad antrum ubi ursus latebat profectus, immixtis canibus, illum exire compulit: qui, evitato venatoris ictu, eum prostravit humi. Tunc venator, sciens hanc feram in cadavera non sævire, anhelitu retento, se mortuum simulabat. Ursus naribus admotis olfaciens, cum illum nec naso nec corde spirantem deprehenderet, abcessit. Coriarius cum

fer

LAUR. ABSTEMII

72
 eram abesse perspiceret, ac nihil ampliùs adesse pericu-
 li, ex arbore se deducens, & ad venatorem, qui nondum
 surgere audebat, accedens, illum ut surgeret monebat.
 Interrogavit deinde, qui ad aurem ei ursus locutus esset.
 Cui venator, Monuit me, inquit, nè deinceps ursi pellem
 vendere vellem, nisi eum priùs ceperim.

Hæc fabula indicat, incerta pro certis non habenda.

De Eremita & Milite.

Eremita quidam, vir sanctissimæ vitæ, militem horta-
 batur, ut relicta seculari militia, quam absque Dei
 offensa & animæ discrimine pauci exercent, tan-
 dem se corporis traderet quieti, & animæ consuleret
 saluti: Cui miles, Faciam, inquit, quod mones, pater:
 verum enim est, quòd hoc tempore milites neq; stipen-
 dia exigere valeant, licet exigua sint, neque pradari
 possint.

*Hæc fabula indicat, multos vitiis renuntiare, quia illa am-
 plius exercere non possunt.*

De Viro & Uxore bigamis.

Vir quidam, defuncta uxore quam valde dilexerat,
 duxit alteram, & ipsam viduam, quæ assiduè ei prioris
 mariti virtutes fortiaque facinora objiciebat: cui, ut
 par referret, ipse quoque defunctæ uxoris mores proba-
 tissimos puditiàmque insigniam referebat. Quodam autem
 die, viro irata, pauperi eleemosynam petenti, partem ca-
 ponis, quem in cœnam utrisq; coxerat, dedit, dicens,
 Do tibi hoc pro anima prioris viri. Quod audiens ma-
 ritus, accersito paupere, reliquum caponis dedit, dicens,
 Et ego quoque do tibi hoc pro anima uxoris meæ de-
 functæ. Sic illi, dum alter alteri nocere cupiunt, quod
 cœnarent, tandem non habuerunt.

*Hæc fabula monet, non esse contra eos pugnandum, qui se
 possunt optime vindicare.*

De Leone & Mure.

LEO laqueo captus in sylva, cum se ita irretitum videret, ut nullis viribus se inde posse explicare confideret, murem rogavit ut abroso laqueo eum liberaret, promittens tanti beneficii se non immemorem futurum: quod cum mus prompte fecisset, leonem rogavit, ut filiam ejus sibi traderet in uxorem. Nec abnuvit leo, ut benefactori suo rem gratam faceret. Nova autem nupta ad virum veniens, cum eum non videret, casu illum pede pressit atque contrivit.

Hæc fabula indicat, matrimonia, & cætera consortia improbanda, quæ ab imparibus contrahuntur.

De Ulmo & Silere.

ULMUS, in ripâ fluminis nata, filer sibi proximum irridebat, ut debile & invalidum, quod ad omnem vel levissimum undarum imperum flecteretur; suam autem firmitatem & robur magnificis extollebat verbis, quod multos annos assiduos amnis impetus inconcussa pertulerat. Semel autem maxima undarum violentiâ ulmus perfracta trahebatur ab aquis. Cui filer, ridens, inquit, Cur me deseris, vicina? Ubi est nunc fortitudo tua?

Fabula significat, sapientiores esse, qui potentioribus cedunt, quàm qui resistere volentes, turpiter superantur.

De Cera duritiem appetente.

CERA ingemiscebat, se mollem, & cuicumque levissimo ictui penetrabilem procreatam. Videns autem lateres ex luto multò se molliori factos, in tantam duritiem ignis calore pervenisse, ut multa perderarent secula, se jecit in ignem, ut eandem duritiem consequeretur. Sed statim igne liquefacta, consumpta est.

Hæc admonet fabula, ne appetamus quod est nobis naturâ denegatum.

LAUR. ABSTEMII

De Agricola Militiam & Mercaturam affectante.

Agricola quidam ægrè ferebat, se assiduè terram volvere, nec perpetuis laboribus ad magnas divitias pervenire; cum nonnullos videret milites, qui actis præliis ita rem auxerant, ut bene induti incederent, & lautis epulis nutriti, beatam agerent vitam. Venditis igitur ovibus, capris ac bobus, equos emit & arma, & in militiam profectus est, ubi cum ab imperatore suo male pugnatum esset, non solum quæ habebat perdidit, sed etiam pluribus vulneribus affectus est. Quare, damnatâ militiâ, mercaturam exercere statuit, ut in quâ majus lucrum & minorem laborem existimabat. Prædiis igitur venditis, cum navim mercibus implevisset, navigare cœperat: sed cum in alto esset, tempestate magnâ coortâ, navis submersa est, & ipse cum cæteris qui in eâ erant, ad unum omnes periere.

Hæc fabula admonet, quemlibet debere suâ sorte esse contentum, cum ubique sit parata miseria.

De Asino & Scurrâ.

Asinus indigne ferens scurram quendam honorari, & pulchris vestibus amiciri, quia magnos ventris edebat sonos, ad magistratus accessit, petens nè se minus quàm scurram honorare vellent. Et cum magistratus admirantes eum interrogarent, cur se ita honore dignum duceret; Quia, inquit, majores quam scurra crepitus ventris emitto, eòsq; absq; foetore.

Hæc fabula eos arguit, qui in rebus levissimis suas pecunias profundunt.

De Amne suam Fontem convitiis laceffente.

Amnis quidam suum fontem convitiis laceffebat, ut inerrem, quod immobilis staret, nec ullos haberet pisces: Se autem plurimum commendabat, quod optimos crearet pisces, & per valles blando mur-

mure

mure serperet. Indignatus fons in amnem velut ingratum, undas repressit, Tunc amnis, & piscibus, & dulci sono privatus, exaruit.

Hæc fabula eos notat, qui bona quæ agunt, sibi arrogant, non Deo attribuunt, à quo, ceu à largo fonte, nostra bona procedunt.

De Viro maligno & Damone.

Vir malignus cum plurima perpetrasset scelera, & sæpius caprus, & carcere conclusus, arctissime pervigili custodiâ teneretur, dæmonis implorabat auxilium: qui sæpenumero illi affuit, & è multis eum periculis liberavit. Tandem iterum deprehenso, & solitum auxilium imploranti, dæmon, magnum calceorum pertusorum fascem super humeros habens, apparuit, dicens: Amice, amplius tibi auxilio esse non possum: tot enim loca pro te liberando hætenus peragravi, ut hos omnes calceos contriverim: nulla etiam mihi superest pecunia, quæ alios valeam comparare; quare pereundum est tibi.

Hæc admonet fabula, ne existimemus nostra semper impunita fore peccata.

De Avibus plures Reges eligere volentibus.

Aves consultabant de pluribus regibus eligendis; cum aquila tantos volucrum greges sola regere non posset: fecissentque voto satis, nisi cornicis monitu à tali consilio destitissent. Quæ cum causa rogaretur, cur non plures reges duceret eligendos; Quia difficilius, inquit, plures, quàm unus saccus, implentur.

Hæc fabula docet, longè melius ab uno, quam à multis principibus gubernari.

De Muliere, quæ pro Viro se velle mori dicebat.

Matrona quædam admodum pudica & viri amatissima, ægre ferebat, maritum adversa valetudine detineri; lamentabatur, ingemiscibat, & ut suum in vi-

rum

LAUR. ABSTEMII

rum amorem testaretur, rogabat mortem, ut, si maritum sibi esset ereptura, se potius quàm illum vellet occidere. Inter hæc verba, mortem cernit horribili aspectu venientem: cujus timore perterrita, & jam sui voti poenitens, Non sum ego, inquit, quem peris: jacet ibi in lecto quem occisura venisti.

Hæc fabula indicat, neminem esse adeò amantem amici, qui non malit sibi bene esse, quem alteri.

De Adolescente in funere matris canente.

Vir quidam defunctam uxorem, quæ ad sepulchrum efferebatur, lacrymis & fletibus prosequabatur; filius verò ejus canebat. Qui cùm à patre increparetur ut amens & insanus, qui in matris funere cantaret, cùm unà secum mœstus esse & flere deberet; Pater mi, inquit, si sacerdotes ut canerent conduxisti, cur mihi irasceris grati concinenti? Cui pater, Non tuum, inquit, & sacerdotum est idem officium.

Hæc fabula indicat, non omnia omnibus esse decora.

De Viro zelotypo, qui uxorem dederat custodiendam.

Vir zelotypus uxorem, quam parùm pudice vivere compererat, cuidam amico, cui plurimùm fidebat dederat custodiendam; ingentem pollicitus pecuniam, si eam ità diligenter observaret, ut nullo modo conjugalem violaret copulam. At ille, ubi aliquot dies expertus custodiam hanc nimis difficilem, & ingenium suum versutiâ mulieris vinci comperisset, ad maritum accedens, dixit, Se amplius nolle hanc tam duram gerere provinciam, quandoquidem ne Argus quidem, qui totus ocularus fuit, mulierem invitam posset custodire: addidit præterea, Si necesse sit, malle se anno integro saccum plenum pulicibus quotidie in pratum deferre, solutóq; sacco eas inter herbas pascere, vespereq; facto, omnes domum
reducere,

reducere,quàm uno die impudicam mulierem servare.

Hæc fabula indicat, nullos custodes ita esse diligentes, qui impudicas mulieres valeant custodire.

De Viro clysteres recusante.

Vir quidam natione Germanus, dives admodum, ægrotabat: ad quem curandum plures accesserunt medici: (ad mel enim catervatim convolant muscæ:) quorum unus inter cætera dicebat, Opus esse clysteribus, si vellet convalescere. Quod cùm vir hujusmodi insuetus medicinæ audiret, furore percirus, medicos domi ejici jubet, dicens, Eos esse insanos, qui, cùm caput ipsi dole-ret, podicem vellent mederi.

Hæc fabula innuit, omnia etiam salutaria, insuetis & in-expertis & aspera & obfutura videri.

De Asino agrotante, & Lupis visitantibus.

Asinus agrotabat, famæque exierat, eum cito moritu-rum. Ad eum igitur visendum cùm lupi canesque venissent, peterentque à filio, quomodo pater ejus se haberet; ille per ostii rimulam respondit, Melius quam velletis.

Hæc indicat fabula, quòd multi fingunt molestè ferre mortem aliorum, quos tamen cupiunt celeriter interire.

Quòd Nuci, Asino, & Mulieri prosunt verbera.

Mulier quædam interrogabat nucem secus viam natam, quæ à prætereunte populo saxis impete-batur, quare esset ita amens, ut quo pluribus majo-ribusque verberibus cæderetur, eò plures præstantiorés-que fructus procrearet. Cui juglans, Esne, inquit, proverbii immemor ita dicentes.

Nux, Asinus, Mulier, simili sunt lege ligati.

Hæc tria nil rectè faciunt, si verbera cessent.

Hæc fabula innuit, sape homines propriis jaculis se solere confodere.

De Asino laborum finem non inveniente.

Asinus hyberno tempore plurimam angebatur, quòd nimio afficeretur frigore, & durum palearum ha-ber

beret victum : quare vernam temperiem & teneras herbas optabat. Sed cum ver advenisset, cogereturque à domino, qui figulus erat, argillam in aream, & lignum ad fornacem, indeque lateres, imbrices, regulas ad diversa loca deferre; pertæsus veris, in quo tot labores tolerabat, æstatem omnibus votis expectabat, ut dominus, messe impeditus, eum quiescere pateretur. Sed tunc quoque cum messes in aream, & inde domum triticum ferre compelleretur, nec quieti sibi locus esset, autumnum saltem laborum finem fore sperabat. Sed ubi ne tunc quoque maiorum terminum adesse cernebat, cum quotidie vinum, poma, ligna portenda essent, rursus hyemis nivem & glaciem efflagitabat, ut tunc saltem aliqua sibi requies à tantis laboribus concederetur.

Hæc fabula indicat, nulla esse præsentis vitæ tempora, quæ non perpetuis sunt subiecta laboribus.

De Mure, qui cum Fele amicitiam contrahere volebat.

Mures complures in cavo parietis commorantes contemplantur felem, quæ in tabularo capite demisso & tristi vultu recumbebat; Tunc unus ex eis, Hoc animal, inquit, benignum admodum & mite videtur: vultu enim ipso sanctimoniam quandam præfert: volo ipsum alloqui, & cum eo indissolubilemnectere amicitiam. Quæ cum dixisset, & propius accessisset, à fele captus & dilaceratus est. Tunc cæteri hoc videntes, secum aiebant. Non est, profecto, non est vultui temere credendum.

Hæc fabula innuit non ex vultu, sed ex operibus homines iudicandos; cum sub ovina pelle sæpe atroces lupi delitescunt.

De Asino, qui Hero ingrato serviebat:

Asinus, qui viro cuidam ingrato multos annos inoffenso pede servierat, semel, ut fit, dum farcina pressus

sus esset gravi, & salebrosâ incederet via; sub onere recidebat. Tum dominus implacabilis multis verberibus surgere compellebat, pigrum animal & ignavum nuncupans. At ille miser inter verbera hæc secum dicebat; Infelix ego quàm ingratum sortitus sum herum! Nam quamvis ei multo tempore sine offensâ servierim, tamen non hoc unum delictum tot meis pristinis beneficiis compensat.

Hæc fabula in eos conficta est, qui beneficiorum sibi collatorum immemores etiam minimam benefactoris sui in sue offensam atroci pœna prosequuntur.

De Lupo suadente Histrici ut Tela deponeret.

LUpus eluriens in histricem intenderat animum: quam tamen quia sagittis undique munita erat, invadere non audebat, Excogitatâ autem eam perdendi astutiâ, illi suadere cœpit, ne pacis tempore tantum telorum onus tergo portaret: quandoquidem non aliquid sagittarii, nisi cum pralii tempus instaret, portarent: Cui histrix, Adversus lupum, inquit, semper praliandi tempus esse credendum est.

Hæc fabula innuit, virum sapientem oportere adversus inimicorum & hostium fraudes semper esse munitum.

De Mure liberante Milvum.

MUs conspicatus milvum laqueo aucupis implicitum misertus est avis, quamvis sibi inimica, abroffisque dente vinculis, evolandi viam fecit. Milvus tanti immemor beneficii, ubi se solum vidit, murem nil tale suspicantem corripiens, unguibus & rostro lacera-
vit.

Hæc fabula innuit, malignos hujusmodi gratias suis benefactoribus solere impendere.

*De Cochleâ petente à Jove, ut suam domum
secum ferre posset.*

Cum Jupiter ab exordio mundi singulis animalibus munera, quæ petissent, largiretur; cochlea ab eo petiit.

petiit ut domum suam posset circumferre. Interrogata à Jove, quare tale ab eo munus exposceret, quod illi grave & molestum futurum erat, Malo, inquit, tam grave onus perpetuò ferre, quàm, cùm mihi libuerit, malum vicinum non posse vitare.

Fabula indicat, malorum vicinitatem omni incommodo fugiendam.

De Herinaceo, Viperam hospitem ejiciente.

Herinaceus hyemem adventare præsentens, blandè viperam rogavit, ut in propriâ illius cavernâ adversus vim frigoris locum sibi concederet. Quod cum illa fecisset, herinaceus huc atq; illuc se provolvens, spinarum acumine viperam pungebat, & vehementi dolori torquebat. Illa malè secum actum videns, quando herinaceum suscepit hospitio, blandis eum verbis ut exirer, orabat, quandoquidem locus duobus esset angustus. Cui herinaceus, Exeat, inquit, qui hic manere non potest. Quare vipera, sentiens sibi locum ibi non esse, illinc cessit hospitio.

Fabula indicat, eos in consortia non admittendos qui nos possunt ejicere.

De Lepore sese Vulpi preferente ob pedum velocitatem.

Lepus sese dignum reputabat qui vulpi præferetur, quoniam longè illam pedum pernitate superabat. Tum vulpes, at ego, inquit, ingenium sum sortita præstantius, quo sæpiùs quàm tu pernitate tuâ canes eludo.

Hæc fabula indicat, corporis velocitatem & vires ab ingenio longe superari.

De Sene, ab impotentiam, libidinem carnis relincente.

Vir quidam sanctitate præditus singulari, senē quendam admonerat, ut tandem vitia libidinis dimittat cui vehementer insudabat. Cui senex, obtemperabo inquit, pater sancte, sanctissimis optimisq; admonitionibus
ruis

tuis. Nam usum Veneris admodum mihi obesse sentio & virga mihi amplius non arrigitur.

Hæc Fabula indicat, malos non amore virtutis & Dei, sed timore penæ & impotentia à consuetis vitiis desistere.

De Agricola quodam & Poeta.

Agricola quidam ad Poetam accedens, cujus agros colebat, cum eum inter libros solum effendisset, interrogavit eum, quo pacto ita solus vivere posset. Cui ille Solus, inquit, tantum esse coepi postquam te huc contulisti.

Hæc Fabula indicat, eruditos viros, qui doctissimorum virorum turba continue stipantur, tunc solos esse, cum inter illiteratos homines fuerint.

De Lupo Ovis pelle induto, qui gregem devorabat.

Lupus ovis pelle indutus, ovium se immiscuit gregi, quotidieq; aliquam ex eis occidebat: quod cum pastor animadvertisset, illum in altissima arbore suspendit. Interrogantibus autem cæteris pastoribus, cur ovem suspendisset, aiebat, Pellis quidem ut videris, est ovis, opera autem erant Lupi.

Hæc fabula indicat, homines non ex habitu; sed ex operibus judicandos; quoniam multi sub vestimentis ovium lupinæ faciunt opera.

De Patre filium ad virtutes frustra hortante.

Pater quidam filium, ut vitiis deditum, multis hortabatur verbis, ut derelictâ vitiorum viâ virtutibus invigilaret, quæ ei laudem & decus erant paritura. Cui filius, frustra, inquit, pater, ad hæc facienda horarris: multos enim prædicatores, ut aiunt, audiivi, qui longe te melius ad virtutum hortabantur viam, nunquam tamen eorum admonitionibus obsecutus sum.

Hæc Fabula indicat, viros malignæ naturæ nullius hortatu à vitiis velle discedere.

De Cane oves domini sui occidente, à quo suspensus est.

Pastor quidam cani oves suas dederat custodiendas, optimis illum pascens cibis. At ille sæpe aliquam ovem occidebat. Quod cum pastor animadvertisset, canem capiens, eum volebat occidere. Cui canis, Quare me, inquit, perdere cupis? Sum unus ex domesticis tuis, interfice potius lupum, qui continuo tuo insidiatur ovili. Imò, inquit pastor, te quàm lupum morte dignum magis puto. Ille enim palàm se meum hostem profitebatur; tu verò sub amicitiae specie, quotidie meum immis gregem.

Hæc innuit Fabula, longè magis puniendos, qui sub amicitiae specie nos ledunt, quam qui aperte se nostros inimicos profitentur.

De Ariete cum Tauro pugnante.

Aries quidam inter lanigeros greges erat, tanta cornuum & capitis firmitate, ut ceteros arietes statim facileq; superaret: quare cum nullum amplius arietem inveniret, qui occursanti sibi auderet obistere, crebris elatus victoriis, taurum ausus est ad certamen provocare. Sed primo congressu, cum in taurinam frontem arietasset, tam atroci ictu percussus est, ut fere moriens hæc diceret, Stultus ego quid egi? Cur tam potentem adversarium ausus sum laceßere, cui me imparem creavit natura.

Fabula indicat, cum potentioribus non esse certandum.

De Viduâ & Asino viridi.

Vidua quædam cœlibatum exosa, nubere cupiebat, sed non audebat, verita vulgi irrisiones, qui maledictis eas solet incescere, quæ ad secundas transeunt nuptias: sed commater ejus, quàm contemnendæ essent populi voces hæc arte monstravit. Iussit enim asinum album quem vidua habebat, viridi colore depingi, & per omnes urbis viros circumduci. Quod dum fieret, tanta admiratio ab

initio

initio omnes invaserat, ut non solum pueri, verum etiam senes hac re insolita moti, asinum animi gratia commiserantur. Deinde cum huiusmodi animal quotidie per urbem duceretur, desierunt admirari. Iridem inquit ad viduam commater eveniet tibi: si enim virum acceperis, per aliquot dies eris fabula vulgi: deinde hic sermo conticescet.

Hæc Fabula indicat, nullam rem esse tanta dignam admiratione, quæ diuturnitate temporis non desinet esse miraculum.

De Aquila filios Cuniculi rapiente.

Aquila in altissima arbore nidulata, catulos cuniculi, qui non longe illinc pascebantur, in escam pullorum suorum rapuerat: quam cuniculus blandis orabat verbis, ut suos sibi filios restituere dignaretur. At illa, eum ut pusillum & terrestre animal, & ad sibi nocendum impotens arbitrata, eos in conspectu matris unguibus dilacerare, & pullis suis epulandos opponere non dubitavit. Tunc cuniculus filiorum morte commotus hanc injuriam minime impunitam abire permisit: arborem enim quæ nidum sustinebat, radicitus effodit; quæ levi impulsu ventorum procidens, pullos aquilæ adhuc implumes & involucres in humum dejecit: qui à feris depasti magnum doloris solatium cuniculo præbuerunt.

Hæc indicat Fabula, neminem potentia sua fretum imbeciliores debere despicere, cum aliquando infirmiores potentiarum injurias ulciscantur.

De Lupo pisce fluvii maris regnum affectante.

Lupus piscis erat in amne quodam qui pulchritudine, magnitudine, ac robore cæteros ejusdem fluminis pisces excederat. Unde cuncti eum admirabantur, & tanquæ regem præcipuo prosequabantur honore. Quare in superbiam elatus, majorem principatum cepit appetere.

Relicto igitur amne, in quo multos annos regnaverat, ingressus est mare ut ejus regnum sibi vindicaret. Sed offendens Delphinum miræ magnitudinis, qui in illo regnabat, ita ab illo insectatus est, ut aufugiens vix amnis ostium ingrederetur: unde amplius non ausus sit exire.

Hæc Fabula nos admonet, ut rebus nostris contenti, ea non appetamus quæ nostris viribus sunt longe majora.

De Ove Pastori conviciante

Ovis convitiabatur pastori quod non contentus lacte quod in usum suum filiorumq; ab ea mulgebat, insuper illam vellere denudaret. Tunc pastor iratus filium ejus trahebat ad mortem. Ecquid inquit ovis, pejus mihi facere potes? Ut te, inquit pastor, occidam & lupis canibusq; projiciam devorandam. Siluit ovis, majora adhuc mala formidans.

Hæc Fabula indicat, non debere homines in Deum excalescere, si divitias & filios ipsis permittat auferri; cum etiam majora & viventibus & mortuis possit inferre supplicia.

De auriga & Rota currus stridente.

Auriga interrogabat currum, quare rota quæ erat deterior strideret, cum cæteræ idem non facerent: Cui currus, Ægroti, inquit, semper morosi & queruli esse consueverunt.

Hæc Fabula indicat, mala solere homines ad querimoniam semper impellere.

De Viro amicos experiri volente.

Vir quidam dives admodum & liberalis magnam habebat amicorum copiam, quos ad cœnam sapissime invitabat: ad quem libentissime accedebant. Volens autem experiri, an in laboribus & periculis sibi fideles essent, omnes pariter convocavit, dicens, Obortos sibi inimicos, ad quos perdendos ire statuerat: quare correptis armis secum irent, ut illatas sibi ulciscerentur injurias. Tum omnes præter duos sese excusare cœperunt. Cæte-

ris igitur repudiatis, illos tantum duos in amicorum numero habuit; quos deinde singulari amore prosecutus est.

Hæc fabula indicat, adversam fortunam amicitie experimentum esse quam optimum.

De Vulpe carnem Leporis Cani laudante.

Vulpes cum fugeret à cane, & jamjam esset capienda, nec ullam aliam evadendi viam invenire se posse cognosceret: Quid me, inquit, & canis perdere cupis, cujus caro tibi usui non esse potest? Cape potius leporem illum (non procul enim lepus aberat) cujus carnem suavissimam mortales esse commemorant. Canis igitur motus consilio vulpis omisâ vulpe, leporem insecutus est; quem tamen, ob incredibilem ejus velocitatem, capere non potuit: Paucis post diebus lepus conveniens vulpem, vehementer eam accusabat (verba enim ejus audierat) quòd se cani demonstrâset. Cui vulpes, Quid me accusas, lepus, cùm tantoperè te laudavi? quid diceres si te vituperâsem?

Hæc fabula indicat, multos mortales, sub laudationis specie aliis perniciem machinari.

De Lepore calliditatem, & Vulpe celeritatem à Jove petentibus.

Lepus & vulpes à Jove petebant: hæc ut calliditati suæ pedum celeritatem; ille ut velocitati suæ calliditatem adjungeret. Quibus Jupiter irâ respondit, Ab origine mundi è sinu nostro liberalissimo singulis animalibus sua munera sumus elargiti: uni autem omnia dedisse, aliorum fuisset injuria.

Hæc indicat fabula, Deum singulis sua munera ita esse æquali lance largitum, ut quisque esse debeat suâ sorte contentus.

De Equo inculto, sed veloci & cæteris eum iridentibus.

Equi complures ad Circenses ludos fuerant adducti, pulcherrimis phaleris ornati, præter unum quem cæ-

teri incultum, & ad huiusmodi certamen ineptum irridebant, nec unquam victorem futurum opinabantur. Sed ubi currendi tempus advenit, & dato tubæ signo cuncti carceribus exsiluere, tum demum innotuit quantum hic, paulò antè irrisus, cæteros velocitate superaret: omnibus enim aliis post se longo intervallo relictis, palmam assecutus est.

Fabula indicat non ex habitu, sed ex virtute homines iudicandos.

*De Rustico per vocem hœdi ad Juris-
consultum admissio.*

Rusticus quidam gravi lite implicatus, ad quendam iurisconsultum accesserat, ut eo patrono sese explicaret. At ille aliis negotiis impeditus renūciari iubet se non posse nunc illi vacare; quare abiret, aliàs rediturus. Rusticus, qui huic ut veteri fidōque amico plurimum fidebat, sæpius rediens, nunquam admissus est. Tandem hœdum adhuc lactantem & pinguem secum deferens, ante ædes jurisperiti stabat; & hœdum vellicans, illum balate coegit. Janitor qui ex præcepto heri dona porrantes statim admittere solebat, audita voce hœdi januam illicò aperiens, hominem introire iubet. Tunc Rusticus ad hœdum conversus, Gratus, inquit, ago, hœdule mi, qui tam faciles mihi has effecisti fores.

Fabula indicat, nullas res tam duras difficilesque esse, quas munera non aperiant.

*De Adolescente ex coitu infirmo, &
Lupo.*

Adolescens quidam uxorem duxerat, & ipsam quoque adolescentulam formosam admodum & libidinofam: cuius effrænæ libidini dum satisfacere cupit, ità lumbos exhaustis, ut paucis post diebus macilentus fieret, & mortuo magis quàm vivo similis videretur: non ingredi, non stare, nō aliquod opus facere poterat, sed ut senex qui-

F A B U L Æ.

84

quidam, apricatione gaudebat. Dum ergo in aprico stans loco, calore solis sese calefaceret, accidit, ut venatores, qui lupum fuerant insectati, illac iter haberent, quos cum adolescens interrogaret, cur lupum non ceperant, ob incredibilem, inquit, illius velocitatem, illum assequi non potuimus. Tunc ait adolescens, Uxorem profecto hic lupus habere non debet: si enim uxori iunctus esset, nunquam tantâ pedum pernecitate polleret.

Hæc indicat fabula, neminem esse adeo robustum & fortem, quem nimius Veneris usus non infirmum & debilem reddat.

De Senæ juvenem poma sibi surripientem saxis deiciente.

Senex quidam juvenem sibi poma surripientem blandis orabat verbis, ut ex arbore descenderet, nec res suas vellet auferre. Sed cum incassum verba funderet, juvene ejus ætatem ac verba contemnente: Non in verbis tantum, inquit, verum etiam in herbis audio esse virtutem. Herbas igitur vellere, & in illum jacere cœpit. Quod juvenis conspicatus, in vehementem risum effusus est, & senem delirare arbitrabatur, qui crederet eum ex arbore herbis posse depellere. Tunc senex omnia experi cupiens, Quando, inquit, verborum & herbarum vires adversus raptorem mearum rerum nullæ sunt, lapidibus agam, in quibus quoque dicunt esse virtutem: lapidesque, quibus gremium impleverat, in juvenem jaciens illum descendere & abire oœgit.

Hæc fabula indicat, omnia prius sapienti tentanda, quam ad armorum confugiatur auxilium.

De Luscinia, cantum Accipitri pro vita pollicente.

Luscinia ab accipitre famelico comprehensa, cum modo se ab eo devorandam esse intelligeret, blandè eum rogabat ut se dimitteret; pollicita pro tanto beneficio in-
genem

gentem mercedem sese relaturam. Cùm autem accipiter eam interrogaret, quid gratiæ sibi referre posset; Aures, inquit, tuas mellifluis cantibus demulcebo, At ego, inquit accipiter, malo mihi ventrem demulceas: sine tuis enim cantibus vivere possum, sine cibo verò non possum.

Hæc fabula innuit, utilia jucundis anteponenda.

De Leone Porcum sibi socium eligente.

LEo cùm socios adsciscere sibi vellet, multaque animalia sese illi adungere optarent, idque precibus & votis exposcerent, spreto cæteris, cum porco solum societatem voluit inire. Rogatus autem causam, respondit, Quia hoc animal adeò fidum est, ut amicos & socios suos in nullo quâcumvis magno discrimine, unquam relinquat.

Hæc fabula docet, eorum amicitiam appetendam, qui adversitatis tempore à præstando auxilio non referunt pedem.

De Culice cibum & hospitium ab Ape petente.

Culex hyberno tempore, cùm fame & frigore se perituum conjiceret, ad apum accessit alvearia, ab eis cibum & hospitium petens: quæ si ab eis fuisset consecutus, promittebat, filios earum se artem musicam edocturum. Tunc quædam apis, At ego malo artem meam liberi mei discant, quæ eos à famis & frigoris periculo eximere poterit.

Fabula nos admonet, ut liberos nostros iis artibus erudiamus, quæ eos ab inopiâ valent vindicare.

De Asino tubicine, & Lepore tabellario.

LEo rex quadrupedum, adversus volucres pugnaturus suorum acies instruebat. Interrogatus autem ab urso, quid ei asini inertia aut leporis timiditas ad victoriam conferri possent, quos ibi inter cæteros milites adesse cernebat; respondit. Asinus tubæ suæ clangore milites ad pugnam concitabit; lepos verò, ob pedum celeri;

celeritatem, tabellarii fungetur officio.

Fabula significat, neminem adeo contemptibilem, qui aliqua in re nobis prodesse non possit.

De Accipitribus inter se inimicis, quos Columba composuere.

Accipitres invicem inimici quotidie decertabant, suisque odiis occupati, alias aves minime infestabant. Columbæ, illorum vicem dolentes, eos missis legatis composuere. Sed illi, ubi inter se amici effecti sunt, cæteras aves imbecilliores, & maxime columbas, vexare & occidere non desinebāt. Tum secum columbæ, Quàm utilior accipitrum discordia, quàm concordia, nobis erat.

Hæc admonet fabula, malorum inter se odia civium alenda potius quam extinguenda; ut dum inter se digladiantur, viros bonos quiete vivere permittant.

De Muliere ignem in mariti domum ferente.

Vir quidam prudens uxorem ducebat. Interrogatus autem ab amicis, quid sibi vellet facula illa quam novam nupta accensam paternâ domo efferret, rursusque mariti domum ingressura accendit & introfert; Significat, inquit, me hodie igne mæ soceri mei ædibus ablatum in domum meam inferre.

Fabula significat, sæpenumero mulierem ignem quendam esse, qui mariti bona comburit.

De Prætore repetundarum damnato.

Prætor, qui pecuniam cui præfuerat expilaverat, repetundarum damnatus fuerat. Cumq; ægre ablata restitueret, dicebat quidam è provincialibus, Hic noster prætor mulieres imitatur, quæ sætus concipientes, mirâ voluptate afficiuntur: cum autem eos amittunt, incredibili dolore torquentur.

Fabula innuit, aliena non esse surripienda; ne, illa deponere coacti, mæore conficiamur.

De

De senē mortem differre volente.

Senex quidam mortem, quæ cum è vita raptura advenerat, rogabat ut paululum differret, dum testamentum conderet, & cætera ad tantum iter necessaria præpararet. Cui mors, Cur non, inquit, hætenus preparasti, toties à me monitus? Et cum ille, Eam nunquam à se visam antea, diceret; Cum, inquit, non æquales tuos modo, quorum nulli fere jam restant, verum etiam juvenes, pueros, infantes, quotidie rapiebam, nonne te admonebam mortalitatis tuæ? Cum oculos hebescere, auditum minui, cæterosque sensus indies deficere, corpus ingravescere sentiebas, nonne tibi me propinquam esse dicebam? & te admonitum negas? quare ulterius differendum non est.

Hæc fabula indicat, ita vivendum, quasi mortem semper adesse cernamus.

*De Viro avaro Sacculum nummorum
alloquente.*

Vir quidam avarus, qui ingentem aureorum acervum male partum relicturus moriebatur, interrogat sacculum nummorum quem morienti sibi iusserat afferri, Quibus voluptatem esset allaturus: Cui sacculus, Hæredibus, inquit, tuis, qui nummos à te tanto sudore quæsitos, in scortis & conviviis profundent; & dæmonibus, qui animam tuam æternis suppliciis mancipabunt.

Hæc fabula indicat, stultissimum esse in eis laborare, quæ aliis gaudium, nobis autem sint allatura tormenta.

F I N I S.

LAURENTII VALLENSIS IN
Fabulas Æsopi, è Græco in Latinum sermonem
versas, ad clarissimum virum Arnoldum
Foveldam, præfatio.



Romiseram nuper, me tibi coturnices, quas ipse venatus essem, missurum. Eas capere, ut homo venandi insuetus, cum non possem ad venationem meam, id est, ad literas me converti: & fortè ad manus venit libellus Græcus ex prædâ navali, 33 Æsopi fabulas continens. Has omnes bidui labore venatus sum. Mitto igitur ad te siue fabulas, siue mavis coturnices, quibus te oblectare possis & ludere. Etenim si Octavianum, Marcumq; Antonium orbis terrarum principes, ludo coturnicium delectatos accepimus; profecto tu, vir literarum amantissimus; & literato hoc genere ludendi delectaberis. Et si quis Octaviano aut Antonio pugnacem aliquam harum avium dono dedisset, jucundam illis rem gratamq; fecisset: ego quoq; tibi jucundus gratusq; ero, qui plures quam triginta ejus generis aves dono mitto pugnaces, viatrices, & si forte hoc te magis juvat, etiam pingues. Oblectant enim hæc fabu'æ & alunt, nec minus fructus habent quam floris. Sed ne donum suum laudare insolentis sit, finem faciam. Tu, si coturnices veras, quam has fabulas malis, rescribe: mittam namque non modo coturnices, sed & perdices. Ex urbe Cajeta, Calend. Maii, Anno 1538.

De Vulpe & Capro.

Vulpes & Caper sitibundi in quendam puteum descenderunt; in quo cū perbibissent, circumspicienti reditum capro, vulpes ait, Bono animo esto, caper, excogitavi namq; quo pacto uterq; reduces simus. Siquidem tu eriges te rectum prioribus pedibus ad parietem admotis, cornuq; adducto ad pectus mento reclinabis, & ego per terga cornuq; tua transiliens, & extra puteum evadens te istinc postea educā. Cujus consilio fidē habente capro, atq; ut ille jubebat, obtemperante, ipsa è puteo profiliit,

profiliit, ac deinde præ gaudio in margine putei gestiebat, exultrabatq; nihil de hirco curæ habens. Cæterū cum ab hirco ut fœdis fragra incusaretur, respondit, Enim vero hirce si tantum tibi esset sensus in mente, quantum est setarum in mento, non prius in puteum descendisses quàm de reditu exploratum habuisses

Hæc fabula innuit, virum prudentem debere finem explorare, antequam ad rem peragendam veniat.

De Vulpe & Leone.

Vulpes nullum antea leonem conspicata, cum illi aliquando ex improvviso obviasset, ira conspectum ejus expavit, ut parum absuerit quin extingueretur. Quod cum iterum postea accidisset, ad conspectum quidem leonis exterrita est, sed non ita ut prius. Tertio autem cum leonem eundem in civitate esset intuita, non modo non exterrita, sed etiam confidenter adiens, cum eo collocuta est & confabulata.

Hæc fabula innuit, quod consuetudo & conversatio facit, ut quæ maxime horribilia & formidanda sunt, neque horrida neque formidolosa videantur.

De Gallis & Perdice

Gallos quidam domi suæ cum haberet, mercatus est perdicem, eamq; alendam & in societatem gallorū dedit una cum illis saginandam; cumque galli pro se quisque mordebant abigebantque perdis autem apud se afflictabatur, existimans ideo talia inferri sibi à gallis, quod suum ab illorum genere alienum esset. Ubi vero non multo post aspexit illos inter se pugnantes, mutuóq; percutientes; recreata à mœrore & tristitia, inquit, Equidem posthac non afflictabor amplius: videns eos etiam inter se dimicantes.

Hæc fabula innuit, virum prudentem debere æquo animo ferre contumelias ab alienigenis illatas, quos videt ne a domesticorum quidem injuria abstinere.

De Vulpe & Capite quodam reperto.

Vulpes aliquando in domum citharædi ingressa, dum omnia instrumenta musica, omnem supellectilem scrutaretur, reperit è marmore caput lupinum scienter, frabrèque factum: quod cum in manum sumpisset, inquit, O caput cum magno sensu factum, nullum sensum obtinens!

Hæc fabula ad eos spectat, qui corporis dignitatem habent, animi industriam non habent.

De Carbonario & Fullone.

Carbonarius conductâ in domo habitans, fullonem invitavit, qui eò loci proxime venisset, ut iisdem in ædibus unâ habitaret. Cui fullo, O homo, non est istud factum conducibile: vereor enim ne quicquid ipse candefacerem, id omne tu carbonariâ aspergine fuscasses.

Hæc fabula innuit, nullam cum flagitiosis habendum esse commercium.

De Viro jactabundo.

Vir quidam aliquandiu peregrinatus, cum iterum domum reversus fuisset, cum multa alia in diversis regionibus à se viriliter gesta jactabundus prædicabat, tum verò id maxime, quod Rhodi omnes in certamine saliendo superasset; ejusdem rei Rhodios, qui affuerant testes esse. Ad quem unus assistentium respondens, inquit, O homo: si verum istud est quod loqueris, quid tibi opus est testibus? Ecce Rhodium! ecce hîc certamen saliendo!

Hæc indicat fabula, quod ubi vera testimonia adsunt, nihil opus est verbis.

De Viro Apollinem tentante.

Vir quidam facinorosus Delphos se contrulit, Apollinem tentaturus: habensq; passerculum sub pallio, quæ pugno tenebat, & accedens ad tripodas. interrogabat eum, dicens, Quod habeo in dextrâ, vivitne, an mortuum

mortuum est? prolaturus passerulum vivum si ille mortuum respondisset; rursus prolaturus mortuum, si vivum respondisset: occidisset enim statim sub pallio clàm, priusquam proferret. At deus subdolam calliditatem hominis intelligens dixit, O consultor, utrum mavis facere (penes te namque arbitrium est) facito; & sive vivum, sive mortuum, quod in manibus habes, profero.

Hæc fabula innuit, mentem divinam nihil neque latere neque fallere.

De Piscatore & Smaride,

Piscator quidam, demissis in mare retibus, extulit smaridem pusilli corporis, quæ sic piscatorem obsecravit; Noli me in præsentia capere tam pusillam & minuatam, sine abire, & crescere, ut postea sic adultâ commodo cum majore potiaris. Cui piscator inquit, Ego verò amens sim, si lucrum, quod inter manus habeo, licet exiguum, prætermittam, spe futuri boni, quantumlibet magni.

Hæc Fabula innuit, solidum esse, qui propter spem majoris commodi, rem & præsentem & certam, licet parvam, non amplectitur.

De Equo & Asino.

Vir quidam habebat equum & asinum. In itinere autem faciendo, inquit asinus equo, Si me salvum vis, leva me parte oneris mei. Equo illius verbis non obsequente, asinus sub onere cadens moritur. Tunc dominus jumentorum, omnes quas portabat asinus sarcinas, simulque corium quod a mortuo exuerat, equo imponit. Quo onere depressus equus, & gemens, cum clamore inquit, Væ mihi jumentorum infelicitissimo! quid mihi misero mali evenit? Nam recusans partem, nunc totum onus porto, & illius insuper corium.

Hæc fabula innuit, majores debere in laboribus participes esse minoribus, ut utrique sint incolæmes.

De Viro & Satyro.

Vir quidam cum Satyro amicitiam inierat : qui cum edendi gratiâ sederent, exortâ coeli tempestate, ac frigore, vir manus ad os admovens anhelito refocillabat. Quod intuens Satyrus interrogabat, quamobrem id faceret. Ille inquit, Calore oris argentes manus refocillo. Pauloq; post calidiori edulio allato, cum vir iterum ad os manum cum edulio admovens, calorem cibi aspiratione refrigeraret, interrogat Satyrus, quamobrem id faceret, Respondente autem viro, Ut edulium refrigerem; Atq; ego, inquit Satyrus, tecum posthac amicitiam non exercebo, qui ex uno ore & calidum promis & frigidum, Vale.

Hæc fabula innuit, devitandam ejus amicitiam esse, cujus anceps vita est & non simplex sermo.

De Vulpe & Pardo.

Vulpes & pardus de pulchritudine altercabantur : & pardo suam pellem versicolore extollente, vulpes, cum suam præponere non posset, inquit, At quanto ego speciosior, quæ non corpus, sed animum versicolorem sortita sum !

Hæc fabula innuit, pulchritudinem animi antecellere pulchritudinem corporis.

De Fele in Fœminam mutata.

Felis quædam delictum formosi erat cujusdam adolescentis. Hanc ille, ut in fœminam mutaret, Venerem deprecatus est. Dea miserra cupiditatis adolescentuli convertit bestiam in speciosam puellam. Cujus forma inardescens adolescentulus, adducit illam secum domum : quibus confidentibus in cubiculo, Venus volens periculum facere, nunquid illa cum corpore mutasset & mores, murem immisit in medium. At illa & eorum qui

H

aderant,

aderant, & cubiculi nuptialis immemor, è cubiculo surgens, murem insequabatur, illum comedere cupiens. Tunc dea indignata, eam iterum in suam restituit naturam.

Fabula indicat, scelestos homines, etsi conditionem statumque mutant, tamen mores nequaquam mutare.

De Agricolâ & Canibus.

Agricola quidam hyberno sydere in agro deprehensus, deficientibus cibariis, primùm interfectis singulis ovibus, illarum carnibus vescebatur, mox & caprarum, postremo operariis bobus interemptis alebatur. Quod canes cùm animadvertissent, inter se collocuti sunt, dicentes, At nos hinc faciamus fugam. Si enim operariis bobus dominus noster non pepercit, nec nobis quidem parceret.

Fabula significat, fugiendos eos esse cavendosque, qui à familiaribus quoque manus non abstinere.

De Agricolâ filios suos docente.

Agricola filios suos videns quotidie litigantes, neq; in gratiam inter se reduci potuisse, iussit complures virgulas sibi afferri. Aderant autē filii illic sedentes. Quæ cùm allatæ essent, colligavit omnes in unum fasciculum, iussitq; singulos filiorum fasciculum capere atque confringere. Illis vero confringere non valentibus, solvens postea fasciculum, tradit singulas singulis eis frangendas; atque illis statim facileque frangentibus, intulit, Ita & vos, filii mei, si unanimes invicem perstiteritis, inexpugnabiles vos hostibus, & invictos præbebitis. Sin minus, ipsa vestra æmulatio atque seditio opportunam vos prædam inimicis faciet.

Fabula innuit, æque res humanas facere vel concordia incrementum, vel discordia jacturam.

De Muliere & Gallina.

Mulier quædam vidua habebat gallinam quotidie singulâ ova parientem. Sperans autem mulier pro singulis bina ova parituram, si plus tribuisset escarum, opiparè educabat. Gallina vero pinguior effecta, ne unum quidem ovum parturire poterat.

Hæc fabula indicat, quod homines propter luxum & copiam rerum ingravescentes ab instituto retardantur.

De Homine quem Canis momorderat.

Admorsus à cane quidam, circumibat singulos, corrogans curationem; nactusq; est quendam, qui, cognitâ mali qualitate, inquit, Si tu quidem, ô homo, convalescere vis, sume crustulum panis madefactum in sanguine vulneris, & porrige cani qui te momordit, comedendum. Cui ille deinceps inquit, Ego me hercule, si istuc fecero, dignus sim qui ab omnibus hujus urbis canibus præmordear.

Fabula indicat improbos homines, cùm maxima beneficia acceperint, tum maxime ad malefacta animari.

De duobus Amicis & Urso.

Duobus amicis unâ iter facientibus fit ursus obviam: quorum unus perterritus, in arborem scandens latuit: alter verò cùm se imparem urso fore, & si pugnare vellet, superatum iri intelligeret, procidens simulabat se mortuum. Ursus autem adveniens, aures & occipitum olfaciebat; illo, qui stratus jacebat, usquequaque continente respirationem; irâ mortuum esse credens ursus abiit: aiunt enim ursum non sævire in cadavera. Mox aliter, qui inter frondes arboris latuerat, descendens interrogat amicum, quidnam ad aurem ursus secum esset locutus. Cui amicus inquit, Admonuit me, nè posthac cum hujusmodi amicis iter faciam.

Fabula innuit, devitandos eos amicos, qui periculoso in tempore ab auxilio præstando revocant pedem.

De Adolescentibus & Coquo.

Duo adolescentes opsonium à coquo mercati communiter erant. Cæterum cum coquus quibusdam negotiis domesticis animū intenderet vacarētque, alter adolescentum partem opsonii in alterius manus immisit. Convertente se coquo, & partem carnis, quæ aberat, requirente; qui carnem sustulerat, jurabat se non habere: qui verò habebat, jurabat se non abstulisse. Quibus coquus, intellecta adolescentum astutia, inquit, Etsi me later fur, tamen eum, per quem iurastis, Deum non latebit.

Hæc fabula innuit, quod si quid homines celamus, Deum nequaquam celare poterimus, qui solus omnia prospicit & omnia videt.

De Arundine & Olea.

Disceprabant arundo & olea de constantia, de fortitudine, & de firmitate. Olea quidem probra arundini ingerebat, ut fragili, & ad omnem ventum vacillanti. Arundo autem obricebat, non longum tempus expectans. Nam cum ventus vehemens ingruisset, arundo agitabatur reflectebaturque: olea verò violentia ventorum, cum reluctari vellet, confRACTA est.

Hæc fabula innuit, eos qui fortioribus ad tempus cedunt, potiores esse iis qui non cedunt.

De Tubicine.

ERat tubicen quidam qui in militia signum caneret. Is interceptus ab hostibus, ad eos qui circumstitebant proclamabat, Nolite me, ô viri, innocuum insontēque occidere. Nullum enim unquam ego occidi: quippe nihil aliud quàm hanc tubam habeo. Ad quē illi vicissim cum clamore responderunt. Tu verò hoc ipso magis crucidaberis, quòd cum ipse dinicare nequeas, cæteros potes ad certamen impellere.

Hæc fabula innuit, quod præter cæteros peccant, qui malis & improbis principibus persuadent ad inique agendum.

De Aucupe & Vipera.

Auceps quidam sumptis aucupatoris retibus ad venandum processit, visoque palumbo in cacumine arboris sedente, compositas artificiose arundines cum retibus ad avem clanculū admovebat, sperans se illam venari posse. Quod cum egit, in altum intuens jacentem viperam pedibus pressit; quæ exasperata dolore, hominem momordit. At ille jam deficiens, Me miserum, inquit, qui, dum alterum venari volo, ipse ab altero captus pereor!

Hæc fabula innuit, fraudulentos homines insidias suas occultare; sæpe tamen ab alijs sustinere.

De Castore virilia sibi amputante.

Castor præter cæteros quadrupedes in aqua durare dicitur, ejusque genitalia ad artem medicam sanè utilia sunt. Ubi videt indagantibus hominibus se captum iri (non enim ignorat quamobrem indagetur) ipse sibi genitalia præscindit, atque insequentes prospiciens hoc modo incolumis evadit.

Hæc fabula innuit, hujus exemplo prudentes debere pro adipiscenda salute nullam rationem habere fortunarum.

De Thynno & Delphino.

Thynnus, cum delphinū insequentem præcipiti cursu fugeret, & jamjam capiendus esset, in anfractum quendam se intorsit. Delphinus quoque ad alterum similem ipso imperu allisus est, ad quem thynnus respiciens, cumque expirantem videns, inquit, Jam mihi mors non est molestæ, videntium, qui mihi causa mortis est, mecum morientem.

Hæc fabula indicat æquo animo ferre homines calamitates, cum eos propter quos in calamitate sunt, calamitosos aspiciant.

De Cane & Lanio.

Canis quidam infiliens macellum, lanio in aliqua re occupato, arrepto pecoris corde fugiebat. Ad quem lanio conversus, fugientem aspiciens, inquit, O canis, abi; ubicunq; fueris te observabo: non enim mihi cor sustulisti, sed cor dedisti.

Fabula indicat, jacturam semper esse hominibus doctrinam.

De Vaticinatore quodam.

Vaticinator quidam in foro sedens, sermocinabatur: Cui quidam denuntiat, fores domus ejus effractas esse omniaque direpta quæ in domo fuissent. Ad quem nuntium vaticinator gemens, properansq; cursu, se domum recipiebat. Quem currentem quidam intruens, O tu, inquit, qui aliena negotia te divinatorum promittis, certe tua ipse non divinasti.

Fabula ad eos spectat, qui res suas non recte administrantes, alienis quæ nihil ad eos pertinent, providere & consulere conantur.

De Ægroto & Medico.

Ægrotus quidam à medico interrogatus, quonam modo se habuisset, præter modum respondit in sudorem se fuisse resolutum. Cui medicus, Istud, inquit, bonum est. Altero autem die iterum interrogatus, quonam modo se haberet, respondit, Algoribus correptus, diu vexatus sum. Et id quoq; inquit medicus, bonum est. Tertio cum ab eodem medico interrogaretur, respondit, Profluvio corporis debilitatus sum. Istud etiam bonum est, inquit medicus. Postea autem à familiari quodam interrogatus, Quomodo habes, ô amice respondit etiam, Benè habeo, sed morior.

Fabula indicat, arguendos assentatores.

De Asino & Lupo.

Asinus calcato ligni aculeo claudicabat, conspectoque lupo, ait, O lupe (en!) præ cruciatu morior, futurus

escæ aut tuæ, aut vulturum, aut corvorum. Unum modo abs te munus flagito: Educ prius de pede aculeum, moriar saltem sine cruciatu. Tum lupo summis dentibus aculeum mordicus deprehendens eduxit. Asinus vero doloris oblitus ferratos calces in faciem lupi iniecit; fractaq; illius fronte, naribus, & dentibus, aufugit; lupo seipsum accusante, ac merito sibi id evenisse dicente, quod qui didicerat esse Ianius jumentorum, nunc illorum volebat esse chirurgus.

Hæc indicat fabula, quod qui sua artificia deserunt, transferentes se ad alia ipsis non apta, & in derisum veniunt, & in discrimen.

De Aucupe & Merula.

Auceps retenderat volucris retia: quod eminus intuens merula, percontabatur hominem quid negotii ageret. Ille respondit se condere urbem: abiitq; longius, & sese abdidit. Merula vero illius verbis fidem habens, & accedens ad escam juxta retia oppositam, capta est: accurrente aucupe, inquit, O homo, si tu quidem talem urbem condis, haud multos invenies incolas.

Hæc indicat fabula, eo maxime modo rem privatam & publicam destrui, cum præsidēs savitiam exercent.

De Viatore & Pera inventa.

Viator longum ingressus iter, si quid invenisset, ejus dimidium Jovi se oblaturum vovit. Inventa autem postea in itinere perâ palmularum amygdalarumque plenâ, comedit omnes palmulas amygdalasque; sed harum ossa, illarum putamina & corrices ad aram quandam obrulit, inquiens, Habes Jupiter, quod tibi voveram: quod enim inveni, ejus & interiora & exteriora offero.

Fabula innuit avarum propter pecuniæ cupiditatem etiam diis moliri fallacias.

De Puero & Matre.

Puer quidam in scholâ condiscipuli furatus tabellam alphabeticam attulit matri suæ : à quâ non castigatus, quotidie magis furabatur. Procedente autem tempore coepit furari majora. Tandem à magistratu comprehensus ducebatur ad supplicium. Matre vero sequente ac vociferante, rogavit ille satellites ut paulisper cum eâ ad aurem loqui permitterent : quibus permittentibus, & matre festinabundâ aurem ad os filii admovente, ille auriculam matris dentibus emorsam evulsit. Cùm mater cæteri; eum increparent, non modo ut furem, sed etiam ut in parentem suam impium; hæc mihi, inquit, ut perderer causa extitit : Si enim me tabellam alphabeticam furatum castigasset, nequaquam, ad ulteriora progressus, nunc ad supplicium ducerer.

Hæc fabula indicat, quod qui inter initia peccandi non coërentur, ad graviora flagitia evadunt.

De Pastore artem nauticam exercente.

Pastor in loco maritimo gregem pascebat : qui cum viderat mare tranquillum, incessit cupido navigationem faciendi ad mercatum. Itaq; venundatis ovibus, emptisque palmularum sarcinis, navigabat. Obortâ autem vehementi tempestate, & navi mergi periclitante, omne pondus navis in mare dejecit, vixque evasit exoneratâ navi. Paucis post diebus veniente quodam, & tranquillitatem maris admirante (erat enim sane tranquillum) respondens, inquit, palmulas iterum vult, quantum intelligo, ideoq; immotum sese ostendit.

Hæc innuit fabula, eruditiores effici homines damno atque periculo.

De Filio cujusdam senis, & Leone.

Filium senior quidam habebat unicuique generosi animi & canum venaticorum amatorem : hunc per quietem viderat a leone trucidari. Territus igitur, ne forte senium hoc aliquando sequeretur eventus, extruxit domum quandam politissimam, & laquearibus à fenestris

amoenissimam. Illoc inducens filium, assiduus illi custos adhærebat: Depinxerat enim in domo ad delectationem filii omne animalium genus: in quibus & leonem. Adolefcens hæc inspiciens, eò amplius molestiæ contrahebat. Quadam autem vice proprius stans leoni, inquit, O truculentissima fera, propter inane somnium patris mei in hac domo asservor, velut in carcere: quid tibi faciam? Et hæc dicens, manum parieti incussit, oculum leonis eruere volens; & in clavo, qui illic latebat, offendit. Quâ ex percussione manus emarcuit, succrevitq; sanies, ac febris subsecuta est, breviq; tempore adolefcens est mortuus. Ità leo adolefcentem occidit, nihil adjuvante patris sophismate.

Hæc fabula innuit, quæ ventura sunt, devitare posse neminem.

De Calvo crines externos gerente pro nativis.

CALVUS quidam mentitos crines gerens, dum equo vehebatur, ecce! ei validior ventus illos de capite sustulit. Risus statim magnus à circumstantibus excitabatur, & ille mutuo risu illis inquit. Quid mirum si crines qui non erant mei à me recesserunt? Illi quoq; recesserunt qui mecum fuerant nati:

Hæc fabula indicat, nos non debere mœrere ob amissas opes. Quod enim nascentes à natura non accipimus, non potest nobiscum perpetuo manere.

ÆSOPI.

ÆSOPI FABULATORIS
clarissimi Apologi, è Græco Latini
facti, per *Rimicium*.

ARGUMENTUM.

ÆSOPUS fabulator clarissimus, natione quidem Phrygius, fortuna vero servus, fuit colore niger, ac facie supra modum deformis. Is quia beneficium semper in hospites fuit, dea hospitalitatis in somnis sibi assistens, largita est loquelam (nam ab initio blatero fuit) sapientiamque, ac variaram fabularum inventionem: quæ porro fabula non parum conducunt mortaliū vitæ. Nam animalia bruta fingit agere eas quæ hominū sunt actiones; quas ita ante oculos ponit, ut audientium animas incitet ad virtutem, nec ulli tant hominū mores, quos in brutis fingendo ipse non sperit. Hæ igitur fabulas si quis rite gustaverit, quam viam sequi, quamque vitare debet, in privatis publicisque negotiis, facile comperiat. Nam imoribus fabulam narrat, tum quid fabula significet compendiosius exponit; atque ordinem Alphabeti in Græco secutus, qui in Latino sermone servari non potest, hinc sumit initium.

De Aquilâ & Vulpe.

Aquila & vulpes, conflata inter se amicitia, in proximo habitare constituunt, firmiorem amicitiam ex frequenti conversatione fore putantes. Igitur aquila nidum alta super arbore instituit: vulpes vero, arborem prope, inter dumera catulos collocat. Una igitur dierum cum vulpes latibulū egressa pastū catulis quæreret, aquila & ipsa cibi indiga in latibulū devolans, vulpis catulos arripuit, ac pullis suis comedendos præbuit. Vulpes reveniens, cognita filiorū morte atroci, valde tristata est: & cum aquilā ulcisci non posset, quia quadrupes existens, volu-
erem

erem persequi nequibat (quod unum miseris ac impotentibus datur) aquilam execratur , ac mala sibi imprecatur ; tantum in odium violata vertitur amicitia. Contigit igitur illis diebus iuri caprum immolari ; cuius frustum unà cum carbonibus accensis aquila arripiens , sustulit ad nidum , sed vento vehementius spirante , nidus , qui ex sceno ac materia exili aridâq ; confectus erat , incenditur. Aquilæ pulli flammam sentientes , cum volare adhuc nequirent , humi decidunt. Vulpes confestim illos arripiens , in aquilæ conspectu devorat.

Fabula significat , quod qui amicitiam violant , quamvis eorum quos læserint ultionem declinent , Dei supplicium non tamen effugient.

De Aquila & Corvo.

Aquila celsâ ex rupe devolans , agnum ex ovium grege arripuit : quam rem cum corvus conspiciatur , æmulatione motus , vehementi cū strepitu ac stridore devolat in arietem , atq ; ungues in arietis vellus ita implicat , ut inde se jam motu alarum explicare non possit. Hunc Pastor cum ita implicitum videt , accurrens , corvum comprehendit , atq ; alarum pennis incisis , pueris suis pro ludibrio dedit. Verum enim cum quispiam corvum rogabat , quænam volucris esset ? corvus ait , Prius quidem , quoad animum aquila fui , nunc verò me corvum esse certe cognosco.

Fabula significat , quod qui supra vires quippiam audet , hoc solum efficit , quod in adversa sapiens incidit , ac se vulgo ridiculum exhibet.

De Aquila & Scabrone.

Aquila lepore persequabatur. Lepus consilii inops , cum tempus obtulit , scabronem videns , ab eo auxilium imploravit : cui scabro pollicitus est tutelam ac custodiam suam. Deinde cum aquilam propinquantem scabro conspiciatur , eum precatur , nè suum eripiat servum. Aquila scabronis paviditatem contemnens

ram eo leporem exedit. Verùm scabro suæ injuriæ memor ubi aquila nidificaret, observat. Ecce ! aquila ova parit. Scabro alis elatus ad aquilæ nidum volat, atque ova devolvens ad humum dejicit. Aquila ob jacturam ovorum mœrore concitata, evolat ad Jovem (est enim ales deo illi sacrata) ac locum ad pariendum sibi tutum dari precatur. Jupiter illi concedit, ut cum tempus adest, ejus in sinu pariat ova. Hoc scabro prævidens globum e stercore confecit, atque sursum evolans, in Jovis sinum demisit. Jupiter, volens e sinu globum excutere, ova aquilæ simul excussit. Ex tunc, aiunt, aquilam nunquam parere, quo tempore scabrones existunt.

Fabula significat, quod nullus porro contemnendus; quoniam nemo est qui injuriam accipiat, quin, cum tempus datur, se ulcisci quærat.

De Philomela & Accipitre.

Philomela cum alta in quercu sederet more suo sola canebat. Eam accipiter cibum queritans, cum intueretur, repente advolat, illamque rapit. At philomela cum se interituram videt, accipitrem precatur, ut se missam faciat, quoniam ad explendum ejus ventrem ipsa satis minime sit; sed pro saturitate suâ, ut ad majores aves se vertat, opus profecto fore. Eam accipiter torve conspiciens, ait, stultus equidem nimium essem, si quem manibus teneo cibum illum dimitterem amplioris spe pastus.

Fabula significat, quod, qui omittunt id quod manu tenent rerum majorum spe, consilio inopes ac ratione nimium sunt.

De Vulpe & Trago.

Vulpes & tragus sitientes, in quendam puteum descenderunt: verum enim post potum, cū egressū non inveniret hircus, vulpes ei comiter ait, Bono sis animo: nā, quid salutis nostræ opus sit, probe animadverti; etenim rectus stabis ac pedibus anterioribus cornibusque muro adhærebis; tuas ego scapulas cornuaq; cōscēdens, cū egressa

egressa puteum fuero, te comprehendens hinc extraham. Huic caper promptè deservivit. Vulpes suo exsultans egressu, circa os putei capro illudit. At dum caper illam incusat sibi pacta haud servasse, ei facerè vulpecula inquit, Si ea, caper, sapientiâ præditus esses, quo pilorum ornatu isthæc tua barba referta est, non prius in puteum descendisses, quàm egressum pensiculare vidisses.

Fabula significat, quod homines consilio præditi rerum finem prius inspiciant, quàm dent operam rebus gerendis.

De Vulpe & Leone.

Vulpes, quæ nunquam viderat leonem, cum illi fortè obviâisset, adeò pertimuit, ut mortem pene obiret. Rursum illum cum aspexisset, pertimuit; sed minime ut primum. Eum tercio cum intueretur, prope accedens, fuit ansa coràm differere.

Fabula significat, quod res terribiles usus & consuetudo familiares facit.

De Cato & Gallo.

Catus cum gallum cepisset, atque causam quæreret quid eum comedere posset, illum criminari coepit, quod esset animal turbulentum, qui noctu clamando haud permetteret quiescere mortales. Gallus se excusabat, quod id ageret ad eorum voluptatem cum ad opera facienda illos excitaret. Rursum catus ait, impius es, ac supra modum scelestus, qui agis continue contra naturam, cum nec à matre, nec à sororibus, te abstineas; sed per incontinentiam cum illis te commisceas. Gallus item defendebat, quòd dominæ suæ quæstus gratiâ id quoque ageret. Enimverò ex huiusmodi coitu gallinæ pariunt ova. Tunc inquit catus, Excusationibus licet abundas, ego tamen jejungere haud intendo.

Fabula significat, quod qui pravus existit naturâ, cum semel delinquere animo proposuit, quamvis causa desit prætextus, à pravitate tamen non desistit.

De

De Vulpe sine cauda.

Vulpes ut è laqueo evaserat abscissâ caudâ, cum ex pudore vitam sibi mortem putaret, excogitavit alias dolo inducere vulpes, ut sub communis commodi specie sibi singulæ caudam abscinderent, & sic suum dedecus levaret. Itaq; ad unum vulpibus congregatis, suadet ut caudam sibi abscindant; differens, caudam, non modo dedecori vulpibus esse, sed oneri gravi atque inepto. E vulpibus una facere respondit, Heus soror, si res ista tibi soli conducit, hoc iridem aliis consulere haud æquū est.

Hæc Fabula ad eos spectat, qui sub charitatis specie suum commodum consulendo prospiciunt.

De Piscatore & Smaride pisciculo.

Piscator qui mari rete tetendit, eo smaridem cepit pisciculum; quæ parvâ adhuc ætate, piscatorem orabat, ut dum grandis esset, atq; majorem quæstum ex eo assequi posset, sibi vitam donaret. Huic Piscator lepide respondit, Ego quidem mente carerem, si quod minimum mihi est lucrum, id dimitterem amplioris spe quæstus.

Fabula significat, quod certa pro incertis, quamvis in eis magna insit spes, stultorum esset dimittere.

De Vulpe & Rubo.

Vulpes cum sepe quandam ascenderet, ut periculum vitaret quod sibi imminere videbat, rubum manibus comprehendit, atque volam sentibus perfodit: & cum graviter saucia foret, gemens inquit rubo, Ut me juvares cum ad te confugerim, tu deterius me perdidisti. Cui rubus, Errasti vulpes, ait, quæ pari dolo me capere putâsti, quo cætera consuevisti.

Fabula significat, quod stultum est implorare auxilium ab illis, quibus natura datum est obesse potius quam prodesse.

De Vulpe & Crocodilo.

Vulpes & Crocodilus de nobilitate contendebant.

Cùm Crocodilus multa pro se adduceret, & supra modum se jactaret de splendore progenitorum suorum; vulpes ei subridens ait, Heus amice, etsi hoc tu quidem non dixeris, ex tuo corio clare apparet quod multis jam annis tuorum splendore fuisti denudatus.

Fabula significat, quod homines mendaces res ipsa potissimum refellit.

De Vulpe & Venatoribus.

Vulpes venatores effugiens, ac per viam currendo jam defessa, hominem casu reperit lignarium; quem rogat, ut se quoquo loco abscondat. Ille tectorium ostendit. Vulpes illud ingrediens, in angulo quodam se abscondit. Adsunt venatores: lignarium, si vulpem viderit, rogant. Lignarius verbis quidem se vidisse negat; manu verò, ubi vulpes latebat, locum ostendit. Verum enim venatores re haud perceptâ statim abeunt. Vulpes ut illos abiisse prospicit, tectorio egrediens, tacite recedit. Lignarius vulpem criminatur, quod, cum salvam fecerit, nihil sibi gratiarum agat. Tunc vulpes se convertens illi tacite ait, Heus amice, si manuum opera, ac mores verbo similes habuisses, meritas tibi persolverem gratias.

Fabula significat, quod homo nequam, et si bona pollicetur, mala tamen & improba præstat.

De Gallo & Perdice.

Gallos complures cùm quis domi haberet, quam generat perdicē illis compascere permisit. Sed cum galli illam infestarent, rostrisq; percuterent, perdix eâ iniuriâ vehementer perdoluit, purans, quia advena, nec ex eo genere esset, eas sibi inferri injurias. Gallos deinde

CUM

cū invicem certantes conspiceret perdix, amota animi perturbatione, ait, De cætero quidem haud tristabor, posteaquam inter eos odiosa certamina cerno.

Fabula significat, quod homines sapientia præditi, moderato animo ferunt injurias ab illis vel maxime sibi illatas, qui nec sibi nec suis parcere sciunt.

De Vulpe & Larva.

Vulpes citharoedi domum ingressa, dum, quæ domi parata sunt, sagaciter explorat, larvæ caput reperit arte industriosa compositum, quod manibus capiens, ait, O quale sine cerebro caput!

Fabula significat, quod omnes corpore decori, eandem animo non habent pulchritudinem.

De homine & ligneo Deo.

Homo quidam deum ligneum domi habens, eum orabat ut boni quidpiam sibi tribueret: sed quanto magis orabat, tanto res domi angustior erat. Demum ille concitus ira, deum cruribus prehensis rapit & caput parieti illidit. Excusso igitur capite, multum auri exsiliit: quod homo colligens, ait, Perversus nimium atq; perfidus, qui dum in honore te habui, nihil equidem profuisti; percussus vero & verberatus, boni plurimum contulisti.

Fabula significat, quod homo nequam si quando prodest, id efficit vi coactus.

De Cane ad cœnam vocato.

Vir quidam, cum cœnam opiparam parasset, amicum quendam domum vocavit: ejus quoq; canis canem alterius ad cœnam invitavit. Is domum ingressus cū tantum dapum videret apparatus, lætus secum ipse ait, Hodie porro ita me explebo, quod die crastino comedere non indigebo; hisq; dictis motu caudæ applaudit. Coquus vero conspiciens, tacitus per caudam cepit, atque illum sapius rotans, per fenestrā projicit, Ille attonitus humo
assur-

assurgens, dum clamando aufugit, cæteri canes ei occurrunt, atque rogant quàm opiparè cœnaverit. At ille languens, ita potu & dapibus me explevi, quod cum exiverim, viam non vidi.

Fabula significat, quod quibus rebus quis doliturus est, rebus illis lætari non debet.

De Aquila & Homine.

Aquilam homo quidam cum cepisset, pennis alarum ei evulsis, inter gallinas morari dimisit. Eam deinde quidam mercatus, pennis alas denuò munit: tum aquila volans, leporem capit, fertque illum benefactori suo. Quam rem conspiciens vulpes, homini ait, Noli hanc aquilam, uti prius, hospitio habere, ne ceu leporem te æque venetur. Tum homo aquilæ item pennas evulsit.

Fabula significat, quod bene facientes sunt quidem remunerandi: improbi vero omni studio vitandi.

De Viro Agricola.

Homo quidam agriculator existens, cum finem vitæ sibi adesse cognosceret, cuperetque filios in agrorum cultu ferri peritos, eos vocavit, atque inquit, filii, ego è vita decedo, bona mea in vineâ confita sunt omnia. Illi post patris obitum, purantes in vineâ thesaurum rerum reperire, assumptis ligonibus, marris, ac bidentibus vineam funditus effodiunt, nullumque thesaurum inveniunt. Verum enim vinea, cum probe effossa foret, longe plures solito fructus produxit, atque illos divites fecit.

Fabula significat, quod labor assiduus Thesaurum parit.

De Carbonaria & Lotore.

Carbonarius lotorem quendam rogavit, ut quam pretio conduxerat domum secum pariter cohabitarer. At lotor rem alias expertus ait, Id conducibile haud mihi esset.

esset : Nam quæ albificarem , ea omnia carbonum favillis ipse maculares.

*Fabula indicat, quod res natura dissimiles stare simul com-
mode non possunt.*

De Vulpe esuriente.

Vulpes ingenti fame concita , cum quodam in tectorio carnis frustum ac panem repositum perspiceret, tecto-
rium ipsum intravit , atque tantum comedit quod ad in-
gentem tumorem ventrem distendit : & cum ex nimia
ventris tumefactione inde egredi nequiret , tumens, ge-
mebat. Ejus gemitum vulpes aliâ transiens, illuc cum au-
dieret, illuc accedit, rogâtque quidnam gerneret : deinde
causam gemitus edocta , lepidè ait , istuc manendum est
usque dum eo tenuis efficiaris , quanta eras cum intrasti ;
nam eo pacto facilè egredieris.

*Fabula indicat, quod nihil est tam durum, quod tempus non
dissolvat.*

De Piscatore quodam.

Piscator quidam piscandi inexpertus, tibiis ac reti assum-
ptis iuxta maris littus accedit , atque saxo quodam su-
perexistens, imprimis tubicinare cœpit ; putans cantu se
piscas facile esse capturum : verum cantu cum nullum
consequeretur effectum, depositis tibiis, rete in mare de-
misit , ac pisces cepit per plures. Sed cum ex reti pisces
extraheret , atque eos saltantes perspiceret , non insulsè
ait, O improba animalia ! dum ad tibiam cecini, saltare
noluistis : nunc, quia canere cesso, saltus datis assiduos.

*Fabula indicat, quod omnia probè fiant , quæ fiunt tempore
suo.*

De Piscatoribus quibusdam.

Piscatores Piscatum profecti , diuque piscando defessi ,
fame præterea & mœrore, quod nihil cepissent, confe-
cti, cum abire decernunt, ecce ! piscis quidam alium fu-
giens se insequentem , in naviculam saltat. Illum piscato-
res

res admodum læti comprehendunt, ac in urbem reversi grandi pretio vendunt.

Fabula indicat, quod frequentius fortuna id exhibet, quod ars efficere non potest.

De viro inope & infirmo.

Homo quidam pauper, cum ægrotaret, diis vovit, quod, si ab eo morbo liberaretur, boves centum immolaret. Quod dii experiti volentes, sanitatem illi facile reddunt. Liber igitur à morbo, cum boves, quia pauper, non haberet, ossa bonum centum collegit, eaq; super altare deponens, lepide inquit, Ecce! quod vovi vobis, nunc persolvo. At dii illum ulcisci volentes, in somnis ei assistunt, atq; inquirunt. Ad maris littus pergit, ibi enim in loco semoto auri talenta centum reperies. Ille expergefactus, somnii memor, dum pergit ad litrus, incidit in latrones. Captus itaque eos rogabat, ut se missum facerent, quoniam mille auri talenta persolveret eis.

Fabula indicat, quod homo mendax deos & homines pariter contemnit.

De Vulpe & Pardo.

Vulpes cum pardo de pulchritudine contendebat: cum varias corporis notas pardus sibi duceret decori, vulpes ei comiter, ait Ego quidem longe formosior sum judicanda, quæ non corpus, sed animum variis notis habeo notatum.

Fabula indicat, quod decor mentis est potior omni corporis ornatu.

De Piscatoribus quibusdam.

Piscatores quidam mari rete trahebant: quod cum grave esse sentirent lætitiâ gestiunt, putantes multos pisces habere irretitos. Sed ut rete in terram traxerunt, pisces quidem paucos, saxum vero ingens reti inesse cum perspiciunt, longe tristantur. Quidam ex illis natum jam grandis, non inurbane sociis inquit, Animis estote

Æ S O P I

metis; quippe lætitiæ soror est mœstitia. Oportet enim casus prospicere futuros, illósque ut levius quis ferat, persuadere sibi esse eventuros.

Fabula significat, quod qui reminiscitur sortis humanæ, in adversis minimè frangitur.

De Ranis Regem petentibus.

Ranæ mœrentes quod sine rege forent, Jovi supplicatum oratores mittunt, ut regem sibi daret. Jupiter earum simplicitatem cognoscens, lignum in stagni medium demisit. Quod cum in stagnum cecidit, ejus sonus supra modum terruit ranas. Quæ cum lignum esse noverunt, rursus Jovi supplicatum mittunt, ut regem vivum, haud mortuum, sibi dedat. Jupiter stultis earum precibus motus, hydrum illis dedit in regem. Is indies cum ranas devoraret, tertio Jovem ranæ precantur ut regem sævum atque immanem ab eis amoveret. Tunc Jupiter inquit, Quem tot precibus regem exorâstis, cum vobis perpetuum habetote.

Fabula indicat, quod sæpe ea precamur, quæ impetrasse postea nos pœnitet.

De Catâ in fœminam mutatâ.

Catâ quædam speciosi cujusdam adolescentis amore capta Venerem oravit, ut eam in hominem mutaret. Venus illius miserra, in formam hominis eam mutavit; quam cum longe speciosa esset, amator domum subito adduxit. Sed cum in cubiculo simul sederent, Venus experiri cupiens, si mutata facie mutasset & mores, in medium constituit murem: quem cum illa prospexit, oblita formæ, & amoris sui, murem caperet persecuta est. Quæ super re Venus indignata, denuo eam in priorem catæ formam mutavit.

Fabula indicat, quod homo nequam, licet personam mutet, mores tamen retinet eosdem.

De Sene Mortem vſcante.

Senex quidam lignorum fascem super humeros ex ne-
smore portans, cum longâ viâ defessus esset, fasce hu-
mi deposito mortem vocavit. Ecce ! mors advenit,
causamque, quamobrem se vocaverat, rogat. Tunc senex
Ut hunc lignorum fascem super humeros imponeres, ait.

*Fabula significat, quod quisquē vitæ cupidior est, licet mil-
le subſciciatur periculis, mortem tamen semper devitat.*

De Muliere & Medico.

Mulier anus cum ophthalmiam pateretur, medi-
cum ad se curandum accersit, certum pretium
ei dare promittens si eo morbo curaretur; si
vero non liberaretur, nihil debere pacta est. Medicus
vero quoties illam ibat curatum, toties quippiam è domo
clàm exportabat. Mulier igitur ophthalmiâ curata, cum
nihil suarum rerum domi esse perspicerat, medico mer-
cedem pactam petenti solvere denegat. Quamobrem
vocata in iudicium, pactum quidem non denegat; sed se
curatam ophthalmiâ esse, id vero pernegat; aiens. Cum
cæca eram, domum multâ supellectile refertam videbam:
nunc cum video, ut medicus ait, nihil rerum domi esse
perspicio.

*Fabula declarat, quod homines avaritiæ dediti, sibi met
ſapius contradicunt.*

De Agricola & Canibus.

Agricola quidam magnitudine hyemis in suburba-
nis se locavit. Sed cum alimonia sibi deficeret,
capris & ovibus primum vesci cœpit, cum vero in-
dies magis sæviret hyems, bobus quoque nec pepercit.
Quod facinus cum animadverterent canes, invicem ver-
ba faciunt; Qui hic stamus? Inquiunt: cur mortem nobis
incumbentem non fugimus? Putamusne eum nobis par-
cere vitam, qui alimoniæ boves gratiâ jugulavit?

*Fabula significat quod eos fugere debemus, qui in charissi-
mos crudeliter se gerunt.*

De Agricola & Filiis.

Agricola quidam cum plures habuit filios, continua seditione discordes, ac ejus admonitiones perpetuo negligentes. Cum forte una domi omnes sederent, jussit pater virgarum fascem coram deportari, atque natos coepit hortari ut integrum fascem disrumperent. Cum igitur fascem cum totis viribus frangere non possent, genitor præcepit, ut soluto fasce singulatim frangerent virgas. Cum quisque facile hoc perficeret, tunc facto silentio pater aiebat. Si quando animis idem senseritis, nati mihi carissimi, nec ab inimicis superari poteritis: sed si inter vos seditiones servabitis, qui volet, is facile vos perdet.

Fabula significat, quod fortior est unio, quam seditio, quæ est imbecillis.

De Muliere & Gallina.

Vidua quædam mulier gallinam habuit, quæ die quolibet parturiebat ovum, putavit mulier more ingenii humani (quod sitis habendi semper sollicitat) gallinam illam die bis parituram, si plus speltæ trudere solear. At gallina, pluri alimoniâ pinguior facta, id unum desit parere ovum. Sic mulier ex quo magis lucrum quærirabat, id cæcâ augendi cupiditate amisit.

Fabula significat, quod plurimum cupiditate rerum, præsens quandoque deperditur quæstus.

De Homine à cane morso.

Homo quidam, cum eum canis momordisset, summo cum studio sciscirabatur, à quo sanari posset. Quidam ei obvium factus, atq; de medico rogatus ait, Si vis, amice, fieri sanus, non est tibi opus medico. Nam si canis qui te momordit, à vulnere linguâ sanguinem tergit, istâ curâ nihil potius reperiri potest: Alter, arridēs, venustissi-

venustissime, inquit Si huiusmodi utar remedio, indies magis à canibus mordebor.

Fabula significat, quod ab hominibus nequam incommode pro commodis, & mala pro beneficiis retribui solent.

De duobus Amicis & Ursa.

AMici duo, dum rus viarent, ursa eis obviam occurrit: quâ prospectâ, alter eorum territus, ut se salvaret, continuo arborem ascendit: alter cum ursæ viribus se posse obsistere dubitaret, uti mortuus humi jacuit resupinus, retinens flatum atque anhelitum. Cum nec ore aut naso respiraret, ursa cum exanimatum existimans, abiit: (dicunt enim à cadavere ursos omnino abstinere) Alter deinde ex arbore descendens, quid in aurem ei diceret ursa, socium rogavit. Ille urbano sermone respondit, Admonitus sum ab ursa, ut cum huiusmodi amicis non proficiscar amplius.

Fabula significat, quod eorum amicitia colenda non est, quæ, cum est opus amicis subsidia denegant.

De Adolescentibus duobus & Coquo.

Adolescentuli duo æquis sumptibus carnes coemerunt, & curatum coquo tradiderunt. Obiter coquus dum aliis vacat negotiis, alter juvenum carnes eas elanculum accepit, ac socio tradidit. Coquo deinde carnes queritanti, qui acciperat, se haud habere jurat: qui vero habebat, se non accepisse jurabat. Coquus percepto juvenum dolo, ait; Et si fallor equidem a vobis, per quem verò juratis, res ista non latebit Deum.

Fabula indicat, nullum scelus posse latere Deum.

De duobus Inimicis.

Duo quidam gladiatorio animo inter se inimicitias habentes, unâ in navi navigabant. Et cum alter alterum eodē in loco stare non pateretur, unus in puppi, alter

alter in prora congedit. Orta autem tempestate, cum navis periclitaretur, qui in prora sedebat, rogat navis gubernatorem, quæ pars navis submergi prius deberet: & cum gubernator puppim dixisset; ait ille, Mors mihi modò molesta minime est, si inimicum meum prius mori perspicio.

Fabula significat, quod inimicus ut inimicum perdat, seipsum perdere sapius eligit.

De Canna & Oliva.

Quarum esset fortior, durior, & magis resistens, canna & oliva invicem contendebant. Oliva calamo humilitatem objiciebat, eò quod ventis facile cederet. Huic dicto unum arundo haud reddidit verbum. Paulò post turbine vehementi aspirans ventus radicitus evulsit olivam totis viribus sibi obstitentem. At canna flatibus se inclinans salutem facile est assecuta.

Fabula indicat, quod potentioribus sine controversia mos est in tempore gerendus.

De Vitula & Bove.

Vitula cum bovem arantem perspiceret, illum præ se, quæ nihil agebat, contempsit. Sed cum immolationis affuit dies, bos quidem missus, vitula autem ut immolaretur retenta est. Quam rem bos cum conspiciatur, subridens ait, Heus vitula, ideo non laborabas, ut immolaretis.

Fabula significat, quod otiosis & nihil agentibus pericula quæque imminant.

De Puero & Fortuna.

Cum puer quidam juxta puteum dormiret; Fortuna illuc accedens, illum excitavit, inquiens, Surge & hinc ocyus abi; quippe in puteum si caderes, non tuam inscitiam, sed me Fortunam omnes accusarent.

Fabula indicat quod sapius in periculum culpa nostra incurrimus, deinde abs re fortunam, accusamus.

De

F A B U L Æ.

131

De Muribus & Cato.

Domo quapiam quòd perplures forent, mures catus præsentiens, illuc accessit, atque nunc unum nunc alium capiens, complures interimendo comedit. Verum mures cum se indies consumi perspicerent, ad unum coacti inquirunt secum, De cætero inferius non est descendendum, si nolumus perditum iri omnes, sed hic superius manendum, quòd catus ascendere non potest. At catus, consilio murum perrepto, simulans se mortuum esse posterioribus se ad palum suspendit, qui fixus parieti erat. E muribus quispiam deorsum, acute perspiciens, ut catum cognovit, haud infacere ait, Heus amice, si te selem esse certo scirem, deorsum minime descenderem.

Fabula significat, quod vir prudens, semel si fallitur, fietis & simulatis hominibus non amplius fideat.

De Simia & Vulpe.

A pud brutorum animalium concilium, simia ita appositè saltavit, quod omnium fere consensu rex statim fuit creatus. At vulpes invidens ei, ubi viderat carnes laqueo in fovea sitas, illuc simiam ut duxit, inquit ad eam, Hic thesaurus absconditus est, qui ex lege spectat ad reges: quare cum tuus ex lege sit, tute ipsa capias illum. Simia vulpis suasu illuc temerè accedens, ut se captam laqueo sensit, vulpem acriter acusat, quòd dolo se deceperat. Ei vulpes haud illepide ait, Heus stulta, quæ, cum fortuna te exulisset dominari cæteris jam te putabas digna.

Fabula indicat, quod qui temerè aliquid aggreditur, temere in periculum incidit ac vulgo ridiculus est.

De Cervo & Leone.

Cervus vehementi siti cum vexaretur, ad fontem proficiscitur: dumq; potat suam in aquam perspiciens umbram, valde lætatus est magnitudine cornuum, & ramositate;

mositate; deinde pedes & crura perspicuens, nimium tristatus est. Hic dum animo vertit, ecce! leo apparet, ac cervum prosequitur. At cervus, fugam arripiciens leonem per campos longe anteibat: (dicunt enim, cervorum vires consistere in pedibus, at leonis in animo stare robur.) Quousque igitur leo campos persecutus est cervum, eum assequi non potuit, casu verò contrigit cervum nemus intrare, ubi cornibus ad ramos implicitis cum fugere non posset, à leone captus, cū se moriturū videret, Heu me miserum inquit, qui cornibus gavisus, ipsis cornibus pereō!

Fabula significat, quod quæ putamus nobis profutura, ea nobis sapius obsunt.

De Agricola & Pelargo.

Agricola laqueos in agro tendit, ut grues & anseres venaretur, qui sata sua continuo depascebant. At simul cum illis venans est pelargum, qui pede tentus rogat agricolam, ut eum solvat missumque faciat. cum non sit grus, nec specius anser, sed pelargus avium piissimus, qui parentibus semper deservit, nec illos in senectā deserit unquam. At agricola subridens ait, Quæ dicis haud me fugiunt: nam qui sis probe teneo. Sed cum his simul captus cūm sis, cum his quoque simul est moriendum.

Fabula significat, quod qui cum improbis quopiam deprehenditur crimine, pari pœna plectitur cum illis.

De Agno & Lupo.

Agnus in domo benè clausa existens, cūm lupum ad se venientem perspicit, illum convitiis & maledictis persequitur. At lupo inquit ei, Non tu sed locus inaccessibilis mihi convitia dicit.

Fabula significat, quod locus & tempus faciunt timidos persape audaces.

De Jove & Corvo.

Jupiter, volatilibus regem creare volens, diem concilii Javibus indixit, ut qui speciosior esset, rex eis constitueretur.

tur. Quam rem præsentiens corvus, ac suæ deformitatis conscius, pennis aliorum hinc inde collectis se decoravit, ac speciosissimum omnium se reddidit. Adest dies præfinitus, veniunt ad concilium aves. Jupiter corvum ob pulchritudinem cum regem avibus creare vellet, id aves indigne ferentes, quæque suas à corvo extrahunt pennas. At corvus alienis pennis, cum esset exutus, corvus, ut erat, demum remansit.

Fabula significat, quod qui de rebus pendet alienis, illis amissis, quisnam ille sit, cuique liquido patet.

De Tubicine quodam.

Tubicen quidam tuæ sonitu pugnarum ciebat exercitum. Ab hostibus deinde per insidias captus, miserandâ voce clamabat, Ne abs re ac frustra occidere me velitis: Ego quidem non pugno, nec præter tubam quippiam aliud possideo. Qui eum victum ducebant, huiusmodi verba contra reddiderunt; Hanc ob rem morte dignior es judicandus, quod, cum hostibus manum conferre devitans, alios sonitu tubæ ad pugnam hortaris.

Fabula significat, quod graviore poenâ digni judicandi sunt, qui, cum ipsi injuriam non agunt, alios ad injuriam agendam impellunt.

De Fabro & Cane.

Faber quidam canem habebat, qui, dum ipse ferrum cudebat, continue dormiebat: cum verò manducabat, canis statim surgebat, & quæ sub mensa erant dejecta, ceu ossa, & alia huiusmodi, sine morâ corrodibat. Quam rem animadvertens faber, ait ad canem. Heus miser, quid faciam nescio, qui dum ferrum cudo, continue dormis, & segnitie teneris: rursus cum dentes moveo, statim surgis, & caudâ mihi applaudis.

Fabula significat, quod socordes & somnolenti, qui ex aliorum vivunt laboribus gravi censura coercendi.

De Mula quadam.

Mula quædam nimio hordeo pinguis effecta, nimia pinguedine lasciviebat, secum inquiring, Pater mihi equus fuit, qui cursu celerissimus erat, & ego ei per omnia sum similis. Parum post contigit, quod oportuit mulam quantum potuit currere: sed cum cursu cessavit, Heu me miserum, inquit, quæ me equi filiam esse putabam! At nunc memini mihi patrem asinum fuisse.

Fabula indicat, quod stulti in prosperis seipsos non agnoscunt, sed in adversis persæpe recognoscunt errores.

De Thynno & Delphino.

Thynnus, cum eum delphinus persequeretur, magno elatus imperu, ac stridore, à vehementi fluctu in Insulam deferretur: eundemq; in scopulum à fluctu eodem delphinus, dum se putat capere thynnum, ipse quoq; deferretur. Thynnus conversus, cum delphinum expirantem animam perspicit, secum ipse ait, Mors mihi molesta admodum non est, ex quo mortis autorem mori simul mecum perspicio.

Fabula significat, quod quivis adversa levius fert, cum adversitatum autores eadem adversitate opprimi perspicit.

De Medico & Mortuo.

Medicius quidam cum quem curaret ægrotum eum mori contigerat, efferentibus funus aiebat, Vir iste si se vino abstinuisset, & clysteriis usus fuisset, eum mori non contigisset. Ex his qui aderant, quispiam medio haud infacete ait, Heus medice, ista consilia cum prodesse quibant, dicenda fuerant; non nunc, cum nihil valeant prodesse.

Fabula significat, quod ubi haud prodest consilium, id eo tempore dare, est sane amicum deludere.

De Aucupe & Turdo.

Auceps aucupatum calamis viscoque terendit; & cum turdum canere arboris super ramum aspexit,

ut

ut eum caperet, calamos erexit. At inter ambulandum pede altero viperam calcavit: morsusq; ab ea, cum jam ob venenum se deficere presensit, Heu me miserum, ingemuit, qui dum alium capere festino, alter ad mortem me est aucupatus.

Fabula significat, quod quæ contra alios facere nitimur, ea persæpe ab alio ipsi patimur.

De Castore.

Castor est animal quadrupes, qui in paludibus se nutrit: ejus testes variis medelis utiles esse dicuntur. Itaq; cum quispiam eum sequitur, ceu persecutionis causam non ignorans, pedum velocitati fidens, quantum potest fugit usquequo ad locum, ne videretur, salvus deveniat: atq; ibi testes excidens, in venatores, cum sibi appropinquant projicit, & isto pacto à venatoribus se eripit.

Fabula significat, quod sapiens, ut à periculis se eripiat, nihil intentatum relinquit.

De Puero Oves pascente.

Puer quidam cum oves eminentiori in loco depasceret læpius clamabat, Heus, ó! á lupis mihi succurrite. Qui circumaderant cultores agrorum, cultum omittentes, ac illi occurrentes, atque nihil esse compariantes, ad opera sua redeunt. Cum pluries puer id joci causa fecisset; ecce! cum lupo pro certo adisset, puer, ut sibi succurratur, serio clamat. Agricola id verum non esse putantes, cum minime occurrerent, lupo oves facile perdidit.

Hæc fabula significat, quod qui cognoscitur mentiri, ei veritatem dicenti postea non creditur.

De Corvo & Vulpe.

Corvus, cum carniū frustum rapuisset, super arborem quandam resedit, Vulpes eum suspiciens atque carnes sibi cupiens, illum arte aggreditur. Stans igitur
sub

sub arbore corvum laudare cœpit, aiens, O quàm magna avis est hæc! quàm speciosa, quàm venatrix, quàm formosa, hanc decuit esse avium regem. Nam omnia regia supra alias ei sunt aves, si modo vocem haberet. His laudibus corvus inflatus, & dici mutus haud valens pati ulterius, dum magnâ voce crocitât, carnes homi decidunt. Illas, cum vulpes rapuisset, conversa inquit ad corvum, Heus corve, omnia decora tenes, modò mente haud careres.

Fabula indicat, quod qui adulatoribus nimium credunt, hi quæ non putant in adversa sæpius incidunt.

De Cane & Lupo.

CANIS cum ante aulam dormiret, Lupus superveniens eum statim cepit: & cum ipsum occidere vellet, canis, ne eum occideret, rogavit, inquiring, He re mi Lupe, nunc me occidere noli, Nam, ut vides, tenuis sum, & gracilis, & macilentus: sed herus meus nuptias in proximo factururus est, ubi si parum me exspectas, ego opipare manducans, atque pinguior factus, ero tibi utilior. Lupus his verbis fidem habens, canem dimisit. Paucos post dies lupo accedens, cum canem dormientem reperit, stans ante aulam, canem rogat ut sibi promissa præster. Et canis haud rustice inquit, Heus lupe, si ante aulam de cætero me reppereris, haud amplius nuptias exspectes.

Fabula indicat, quod sapiens, cum vitat periculum, ab illo postea continue cavet.

De Corvo ægroto.

CORVUS cum ægrotaret, matrem rogavit, ut pro suâ sanitate deos precaretur, inquiring, Mater, noli plorare, sed deos potius precare, ut sanitatem mihi restituant. Ei mater cito respondit, Quem deorum tibi fore propitium putas; cum nullas sit, è
cujus

cujus aris sacra non rapueris?

Fabula significat, quod qui in prosperitate quemvis offendit, in adversis amicum sibi reperiet neminem.

De Cane carnes portante.

CANIS ore ferens carnes, ac flumen transiens, cum sub aquâ umbram prospexit, putavit aliam esse canem qui plus carniûm deferebat. Itaque quas ipse ferebat, eas carnes sub aquas ire dimisit, & ut umbram caperet, se mover: sed carnes & umbram, quæ sane nihil erant, simul perdidit.

Fabula significat, quod cupiditate plus semper habendi, quæ tenemus ea sæpenumero perdimus.

De Leone & Rana.

LEO, cûm ranam magniloquacem audiret, putans ali-quod magnum animal esse, se retrò vertit, parûmque stans, ranam è stagno exeuntem videt: quam indigna-bundus statim pedibus calcavit, aiens, Nullum ampliùs, ut te perspiciat, animal clamore movebîs.

Fabula significat, quod apud verbosos nihil præter linguam reperitur.

De Leone sene.

LEO, cûm senuisset, nec victum sibi quærere posset, viam machinatus est, quî alimenta haud sibi deessent. Ingressus igitur speluncam, graviter ægrotare jacens se simulabat. Animalia illum verè ægrotare putantia, visi-randi gratiâ ad eum accedebant: quæ leo capiens singu-latim manducabat. Cûm multa animalia jam occidisset, vulpes, leonis cognitâ arte, aditum speluncæ accedens, leonem, quo valeat pacto, exterius stans rogat. Et leo blande respondens, ait. Vulpes filia, cur non introgrede-ris ad me: Ei vulpes non illepidè ait, Quoniam, here mi, animalium ingredientium perpler: equidem vestigia cer-no, sed egredientium vestigia nulla.

Fabula significat, quod homo prudens, qui pericula im-minentia providet, illa facile devitat.

De Leone & Tauro.

Leo ingentem taurum per insidias sequens, cum prope accessit, eum vocavit ad cœnam, inquit, Amice, ovem occidi; hodie mecum, si placet, cœnabis. Taurus leoni morem gerens, discubuerat, cum multos lebetes, nec magnos, & plures obeliscos paratos conspiceret, & ovem nullam adesse, è vestigio abiit: quem leo abeuntem perspiciebat, cur abiret rogavit. Ei taurus haud inurbane respondit, Non de nihilo equidem abeo, cum instrumenta non ad ovem, sed ad taurum coquendum videam esse parata.

Fabula significat quod homines prudentes minimè lateant in proborum artes.

De Leone, Asino, Vulpe.

Leo, asinus, & vulpes, conflata inter se societate, venatum exeunt: cumque multam prædam cepissent, leo asino mandat, ut prædam dividat. Asinus, cum eam in tres partes æquales esset partitus, optionem capiendi sociis dedit. Quam partitionem leo indignè ferens, ac dentibus frendens, à divisione deposuit eum, mandavitque vulpi, ut prædam ipsa partiretur. At vulpes, illas tres partes in unam colligens, ac prædæ nihil sibi seorsum relinquens, leoni omnia tradidit. Tunc leo vulpi ait, Quis te partiri docuit? Inquit ex tempore vulpes, Asini periculum id me facere instruxit.

Fabula significat, quod aliorum pericula homines faciunt cautiores.

De Leone cujusdam Rustici Filiam amante.

Leo cujusdam Rustici filiam amabat. Illam cum habere cuperet, patrem virginis rogavit, ut sibi nubere ipsam assentiretur. Et rusticus, ait, nullo pacto se assensurum,

rum quod filia bestię nubat. Cum illum leo torve adspiceret, ac dentibus frenderet, rusticus mutato consilio ait, se cupere ei filiam nuptum dare, modo dentes & ungulas prius cædat evellatque, quoniam virgo illis rebus valde terreretur. Leo, id postquam præ nimio amore fecerat, rusticum adiens filiam sibi postulat. At rusticus, leonem cum ungulis & dentibus perspicit inermem, arrepto fuste, illum frequens pulsando perlequitur.

Fabula indicat, quod qui inimicis se commit, de facili perit.

De Leana & Vulpe.

LEANA cum à vulpe sæpe exprobraretur, quod quolibet partu unum duntaxat pareret catulum, ait; Unum sane, at pol leonem.

Fabula indicat quod pulchritudo haud in copia rerum sed in virtute, consistit.

De Lupo & Grue.

LUPUS in gutture osse retento, cum longe cruciaretur, grui pretium obrulit, si illud è gutture extraheret. Grus rostro cum os è gutture extraxisset, pretium sibi promissum expostulat. Ei lupo subridens, simulque acuens dentes, ait, Satis pretii tibi esse debet, quod ex lupi ore caput sine læsione eduxeris.

Fabula indicat, quod apud improbos gratitudo non parva habetur, si pro obsequio quis detrimentum non recipit.

De Lupo & Agno.

LUPUS, cum agnum invenisset errantem, cum non cepit fortissima manu; sed causam quæsit, quo jure vel injuriâ eum comederet. Igitur agno verba hujusmodi fecit, tu mihi abunde jam diu intulisti injurias. Agnus gemendo ait, Quomodo id fieri potuit, cum nuperrime venirem in lucem? Lupus denuo ait, agrum mihi pascendo ouastasti. Agnus inquit, cum dentibus etiam caream, id

facere nequivi. Lupus rursum ait, Ex meo quoque fonte bibisti. Ei inquit agnus, Quo pacto id fieri potuit, cum aquam ex ætate nondum biberim, sed lac matris cibus & potus adhuc mihi sit? Lupus demum irâ concitus ait, Licet tua solvere nequeam argumenta, cœnare tamen optare intendo; agnumque cepit, ac illum manducavit.

Fabula significat, quod apud improbos ratio & veritas locum non habent.

De duobus Gallis inter se certantibus.

Duo galli inter se ruri certabant. Qui gallinarum prior dux erat, cum ab altero superatus esset, præ verecundia se abscondit. Alter vero victoriâ elatus, domus tectum statim supervolans, vehementi alarum plausu cantuque significat, se rivalem suum pugnando superasse, & de adversario ferre trophæum. Dum hæc & huiusmodi jactabundus voce crocit, ecce! aquila cibi indiga ex alto devolans gallum unguibus rapit, ac pullis suis in alimonium contulit. Quam rem qui victus fuerat gallus perspiciebat, ceu ex hoste triumphans in publicum venit, ac solus gallinis libere potitur.

Fabula significat, quod qui prosperis nimium fudit, in adversa sæpius præceptis incidit.

De Vate quodam.

Foro urbis medio quidam vates cuius sortem aperiebat futuram: quamobrem magna hominum frequentia stipatus, dum uni & alteri suam aperit sortem, ei nunciatur, res suas furtim domo esse ablatas; quo audito domum curriculo dum abit, quidam ei obviam factus, Ridicule ait, cur alios quid esset futurum monebas, qui tuæ sortis nescius fuisti?

Fabula indicat, quod homines nequam corrigunt alios, & sua crimina scire negligunt.

De Formica & Columba.

Formica sitiens in fontem descendit: ubi, dum bibere vult, in aquam cecidit. Columba quædam, super arborem fonti imminentem sedens, cum formicam aquis obrui conspiceret, ramulum ex arbore rostro continuo frangit & sine mora dejecit in fontem: ad quem formica se aplicans, ex aquis in tutum se recepit. Obiter aucups quidam advenit, & ut columbam venisset, calamos erigit. Formica id percipiens, pedem alterum momordit aucupis. Eo dolore aucups concitus, calamos dimittit: quorum strepitu territa columba, ex arbore aufugiens, vitæ periculum evadit.

Fabula declarat, cum bruta in beneficos grata sint, eo magis esse debere eos qui participes sunt rationis.

De Vitulo & Cerva.

Vitulus cervæ aliquando ait, Cum magnitudine sis major canibus, & pedum celeritate cursu velocior, & ad pugnam longe cornibus munitior, cujus rei gratia, mater, tantopere canes reformidas? Ei cervæ inquit subridens. Quoniam, fili, licet quæ dicis omnia possideam, canum latratum ferre non possum, sed præ timore fugam statim arripio.

Fabula declarat, quod qui natura timidi sunt, apud eos nulla valet ratio.

De Ape & Jove.

Apes, quæ ceræ mater existit, quondam accedens ut diis sacra faceret, Jovi donum obrulit mellis: qua oblatione Jupiter latus, jussit ei concedi quicquid ipsa precaretur. Apes igitur regans, ait, Illustrissime Deus Deorum, ancillæ tuæ concedere velim ut quicumque ad alvearia pro rapiendo melle accesserit, is simul ac pupugero eum, continuo moriatur. Qua rogatione Jupite

ambiguus, quoniam genus mortalium longe amabat, de-
 mum api ait, Satis tibi sit, quod quicumq; ad alvearia pro-
 rapiendo melle, accesserit, si eum pupugeris & in pun-
 ctura stimulum dimiseris, continuo ipsa moriaris tibiq;
 vita sit ipse stimulus.

*Fabula indicat, quod inimicis quandoque mala precamur,
 quæ in nos sapius vertuntur.*

De Musca.

Musca, quæ in ollam carniū deciderat, cum se in
 brodio suffocari sensit, secum ipsa ait, Ecce! tan-
 tum bibi, tantum comedi, tantum me lavi, quod
 jure satura mori possum.

*Fabula significat, quod prudentis est, id potenti animo ferre,
 quod vitari minime potest.*

*De Adolescente quodam &
 Hirundine.*

Adolescens luxuriosus cum bona patris consumpsis-
 set, solaq; vestis remansisset, visa ante tempus hiran-
 dine æstatem jam adesse existimans, ipsam quoque
 vendidit vestem. Sed hyeme denuo ortâ, cum immenso
 cruciaretur frigore, visa rursus hirundine, quæ præ fri-
 gore moriebatur, ait, O pessima avis, quæ me & te pariter
 perdidisti!

*Fabula significat, quod quæ suo tempore non fiunt, ea diu sta-
 re nequeunt.*

De Ægroto & Medico.

Æger à medico rogatus quo pacto se habuisset,
 plus quam opus esset, se sudasse respondit. Id bo-
 num fuisse, medicus ait. Secundo rogatus ab eo-
 dem, quomodo se haberet, inquit ægrotus, se vehemen-
 ti frigore fuisse comprehensum. Id ad salutem fore,
 medicus quoque ait. Tertio ab eodem interroga-
 tus, quo pacto se habuisset, inquit ægrotus se cum
 difficultate digerere potuisse. Rursus medicus
 ait,

ait, id ad salutem optimum fuisse. Deinde ex domesticis cum quidam ægrotum interrogaret, quomodo valeret, illi æger ait, Signa ad salutem, ut medicus ait, perplura & optima sunt; illis tamen dispereo signis.

Fabula significat, quod qui ad voluptatem loquuntur, non illis aures præstare quisquam debet.

De Lignatore quodam.

Lignator quidam dum juxta flumen deo Mercurio dicatum ligna cæderet, securis casu decidit in flumen. Multo igitur mœrore comprehensus, juxta fluminis ripam gemens confidebat, Mercurius misericordiæ morus lignario apparuit, suiq; fletûs causam rogavit: quam simulac didicit securim auream afferens, utrûm quam perdiderat illa esset, rogavit. At eam pauper suam esse negavit. Secundo Mercurius alteram detulit argenteam: quam cum pauper illi suam quoque esse negaret, postremò Mercurius ligneam sustulit. Illam suam esse cum pauper assentiret, Mercurius cognoscens illum esse hominem verum iustumq; omnes ei dono dedit. Accedens igitur ad socios lignarius quid sibi acciderat, aperit ad socios: quorum unus id experiri volens, cum ad flumen accessisset, securim in aquam dejecit, deinde flens in ripâ consedit. Cujus Mercurius fletûs causam edoctus, securim auream afferens, illâne esset quam perdiderat, rogavit. Quam cum suam esse assereret, Mercurius, cognitâ ejus impudentiâ, & mendacio, nec auream, nec suam tradidit.

Fabula significat, quod quanto Deus propitior est probis, tanto improbis existit infestior.

De Asino & Jove.

ASinus olitori cuidam serviens, cum parum comedere, & multum laboraret, Jovem exoravit, ut alium dominu

dominum sibi mitteret. Itaq; Jupiter mandat, ut figulo veneat. Apud quem asinus cum laboraret in deportando lutum, lateres, regulas, & huiusmodi, secundo Jovem precatur, ut alteri deserviat domino. Jupiter iterum mandat, ut coriario venundetur. Cui asinus multo labore & paucio cibo serviens. Heu me miserum, cum gemitu ait, qui dominos omittens meliores, ad deteriorem perveni; apud quem, ut video, corium meum etiam post mortem cruciabitur!

Fabula significat, quod priores dominos tunc servi desiderant, cum deteriores experiantur.

De Leporibus & Ranis.

Lepores in unum simul convenerunt; ubi cum de miseria ipsorum innata dolerent, gementq; quod vita eis, quam ceteris animalibus, data esset inferior (quoniam homines, aquilæ, & canes ad mortem eos, usque persequerentur) decernunt melius sibi fore semel mori, quam in vitam miseram diutius permanere. Hoc capto consilio, ut se in stagnum præciperent dum ocyns tendunt, ranae, quæ super stagni ripa astabant, ut strepitum audiunt, in stagnum defiliunt, seque aquis submergunt. Quam rem cum lepus qui præibat conspicatur reliquis ait, Stare; nam nobis sententia mutanda est: quippe, ut liquido videtis, animalia quam nos magis timida reperiuntur.

Fabula significat, quod cum miser miseriorem aspicit suam æquius miseriam fert.

De Asino & Equo.

Asinus, cum equum alimoniâ, otio, & diligenti curâ abundare perspiceret, eum longe beatum esse commendabat, seq; nimium infelicem dicebat, qui, cum multum laboraret, ad saturitatem de paleis haud haberet. At cum tempus belli advenit, miles armatus equum ascendit

ascendit; ac, cum medios decurrit in hostes, equus mucrone percussus cadit humi prostratus. Quem asinus perspiciebat; ingemuit, ejusque misertus, sui animi sententiam mutavit.

Fabula significat, quod cum paupertate, quæ mater est quietis, quis convenire debet potius, quam locupletioribus invidere.

De Asino & Lupo.

Asinus quidam pede altero sentem calcavit, claudusque factus, cum lupo ad se venientem conspiceret, nec fugere posset, miserabili voce inquit, Heus lupe, demorior equidem è dolore: sed ex quo opus est, ut tibi & corvis futurus sim cibus, obsecro quatenus tuâ benignitate sentem è pede velis extrahere, ut munere tuo extremum sine dolore obeam diem. Dum sentem dentibus lupo evellit, asinus eum calce percussit. Lupo deinde, naso, fronte, ac dentibus perfractis, Heu me miserum! exclamat; jure hoc patior (deplorandoque reiterat) qui cum essem coquus, medicus esse volui.

Fabula significat, quod quàm quisque novit, in ea se exerceat arte.

De Muliere & Gallinâ.

Mulier quædam gallinam habebat, quæ aurea continuè ova pariebat. Putans igitur totam intus auream esse, illam occidit. Sed cum aliis gallinis esse similem reperit, ubi divitem se fore putavit, quem primò quæstum habebat, eum plus habendi cupiditate amisit.

Fabula significat quod plus habendi cupiditate id sæpe perdimus, quod habemus in manibus lucrum.

De Ranâ & Vulpe.

Rana in paludè existens cæteris animalibus clamando cum profiteretur se medicum esse, pharmacorumque peritam, ei vulpes venustissimè ait. Quî alios curaveris, cum claudicantem curare te nescias?

Fabula significat, quod alios docere quis non potest id, quod haud didicerit.

De Serpente & Agricola.

Serpens ante agricolæ cuiusdam domum latebras habens, cum ab agricolæ filio esset percussus, tam acriter ipsum momordit, quod morfu ex illo puer repente obiit. Hâc re cognitâ, magnus inter parentes gemitus oritur. Tunc pater mœrore concitus arreptâ securi serpentem ut occideret, persequitur; vibrânſque securim ut serpentem percuteret, extremum caudæ ejus abscidit. Deinde volens pacem cum serpente conficere, acceptis farinâ, aquâ, sale & melle ad reconciliandam inter se amicitia, vocat serpentem. At serpens sub perra latens, sibilando ait, Frustra laboras, bone vir, nam inter nos amicitia fieri non potest: quippe dum ego me sine cauda adspexero, & tu tui filii sepulchrum, quieti animo esse nequibimus.

Fabula significat, quod cum injuriarum recens vel maxime existat memoria, odia tolli minime queunt.

De Gallina & Vulpe.

Vulpes gallinarum tugurium ingressa, cum gallinam nido ægrotantem adspexit, eam rogavit quomodo valeret. Cui gallina promptè respondit, Meliusculè me haberem, si hinc abires, soror.

Fabula indicat, quod inimicorum præsentia nimium est molesta.

De Viatore.

Viator quidam, cum multam viam viâſſet, votum Mercurio vovit, quòd si quid reperiret, ejus rei dimidium ipsi offerret. Forte igitur adinvênit peram amygdalis dactylisſque refertam: & cum puraret id esse argentum, peram capiens, amygdalarum nucleos, & carnes dactylorum ipse comêdit. Deinde templum Mercurii ingressus atque aram manibus tenens, verbis ridiculis inquit ad eum, Votum, Mercuri, nunc persolvo tibi. Nam quas equidem

equidem res adinveni, earum tibi offero dimidium, ossa scilicet dactylorum, ac testas amygdalarum.

Fabula indicat, quod homines avaritia deorum efficit contemtores.

De Leone & Homine.

Leo & homo, cum semel simul viam viarent, ac inter viandum se uterque verbis commendaret, ecce lapideæ occurrunt columnæ, in qua erat incisum, quod homo suffocaret leonem. Quam sculpturam homo leoni ostendens, ait, Hic videre licet, quanto homines leonibus ac feris omnibus præstantiores sint, ac robustiores. Ei leo promptè respondens, inquit, Si apud leones essent, ceu apud homines, qui sculpere scirent, plures à leonibus homines quàm ab hominibus leones suffocatos videres.

Fabula significat, quod homines jactabundi fingunt se fecisse, quæ facere nunquam tentarunt.

De Vulpe quadam.

Vulpes cum racemos uvarum plenos ac jam matrescentes perspiceret, cupida de illis manducare, omnem viam machinata est, quâ illos comprehendere posset. Sed cum omnem viam frustra tentasset, nec desiderio suo satisfacere quivisset, mœstitiam vertens in gaudium, ait, Racemi illi adhuc nimium sunt acerbi.

Fabula significat, quod prudentis est fingere, se molle, quæ se consequi non posse agnoscit.

De Pueri & Scorpione.

Puer quidam ruri venabatur locustas; & cum scorpionem capere veller, scorpio, simplicitate ejus cognita, ait ei, Heus puer, dege in pace, ac manum abstine, si non vis totus perire.

Fabula significat, quod qui in utramque partem cogitat, in qua sequi & vitare debeat, probe tenet.

De

De Venatore & Perdice.

Venator quidam cum quam ceperat perdicem occidere vellet, perdix gemens huiusmodi verba fecit ad eum, Heus perdicum auceps, si me missam feceris, ac vitam condonaveris, alias per plures conducam tibi perdices. Ei auceps oppositè respondit, Nunc eo te magis occidi dignam iudico, quòd amicos per insidias perdere polliceris.

Fabula significat, quòd, qui sibi charos perdere dolo quærit, is præceps in periculum incidit.

De Lepore & Testudine.

Testudo, cum ejus pedes lepus derideret, subridens inquit ad eum, Si periculum in cursu feceris, quòd quam tu velocior sim, liquido cognosces. Cui lepus ait, Te profecto fugit, quid mihi valeant pedes, sed iudicem eligamus, qui cursum & terminum nobis definiat. Igitur eligunt vulpem, brutorum omnium sagacissimum, quæ & locum, & cursus terminum constituit. Testudo, omni segnitie ac negligentia semota, iter arripiens, haud quievit, donec ad terminum pervenit: lepus vero pedibus fidens, ubi paulum quievit, somno excitatus, quantum pedes valuerunt, ad terminum cucurrit: ibique cum testudinem quiescentem reperit, se cum rubore fatetur à testudine superatum.

Fabula significat, quòd studio & diligentia, non corporis viribus, res vel maximæ conficiuntur.

De Salice & Securi.

Securis cum salicem cæderet, ex ea ipsa cuneos fecit, quibus salicem facilius finderet. Quam rem presentiens salix, gemens ejulansque ait, Non tantum de securi queror, quæ hominum manibus, me scindit, quantum de cuneis, qui fiunt ex corpore meo.

Fabula significat, quòd in adversis, non veri amici infestiores amicis, quàm inimici sæpius redduntur.

De

De Puerō quodam & Matre.

Puer quidam è ludo literario librum socio clam auferens, suæ matri tradidit illum: quem mater cum libenter accepisset, nec filium castigasset, rursus puer alteri vestem clam abstulit, atque matri quoque detulit. Quam cum mater etiam libenter accepisset, puer castigatione carens, cum plura indies ac majora accrescentibus annis furaretur, demum publicè captus, ceu furti reus, per quæstores publice damnatus est mortis. Sed, cum ad locum justitiæ duceretur, cumque mater gemebunda sequeretur, impetrata venia ut matri ad aurem unum loqui verbum liceret, ad eam conversus, atque os auri matris adhibens, uti quippiam secreti dicturus, aurem dentibus ei abscidit. Mater vero præ dolore exclamans, mala ei imprecatur. Tunc qui eum ducebant, eum supra modum criminabantur, non solum furti, sed quod tam impius fuerit in matrem. Ille absque rubore inquit ad eos, Nemini vestrum sit mirum quod aurem matris dentibus abscidi: ipsa enim hujus meæ perditionis autor est, & causa. Quippe si me castigasset, cum ei librum detuli, quem socio è scholis primum clam abstuli, omisis præ timore verberum furtis, ad hoc in præsentia genus turpissimæ mortis non pervenissem.

Fabula significat, quod qui in delinquendo ab initio non castigatur, facinorosior indies efficitur.

De Pastore & Mari.

Pastor quidam, juxta littus maris pecudes pascens, cum mare ipsum semel placidum aspiceret, navigandi studio captus, oves pro dactylis commutavit: quibus navi impositis: cum in altum jam navigaret, & in tempestate sine spe salutis fluctuaret, quæ in navi erant, ea omnia projecit, atque in portum vix se recepit. Denno
cum

cum oves pasceret, ac rursus mare jam tranquillum videret, socio suo ipsam maris tranquillitatem commendanti ridiculè ait, Mare iterum dactylos cupit.

Fabula significat, quod usus & peritia nos reddunt in periculis cautiores.

De Punicâ & Malo arboribus.

Punica & malus arbores de pulchritudine contendebant. Cum diu inter se variis & acerbis contentionibus certassent, rubus ex proxima sæpe hujusmodi contentiones accipiens, accessit ad eas, atque inquit, Satis jam, satis certatum inter vos est: quiescite admodum, & contentionibus finem imponite.

Fabula significat, quod minores majorum lites sæpenumero componunt.

De Talpâ & Matre.

Talpa cæcum animal naturâ est. Hæc aliquando matri ait, Ingentem sentio odorem. Parum post rursus ait, ait, Excelsam adspicio fornacem. Tertio item ait, Maleorum sonitus audio fabrilium. Ei mater comiter ait, Heus filia, tu, uti percipio, non solum oculis, sed naso & auribus orba existis.

Fabula indicat, quod homines jactabundi, cum magna profitentur, tunc vel maxime in minimis redarguuntur.

De Vespiis, Perdices & Agricola.

Vespæ semel & perdices firi conceitæ, cum simul convenissent, ad rusticum quandam tendunt, porum ab eo petentes, atque pollicentes, quod ei pro aqua largas referrent gratias. Quippe perdices vineam fodere promittunt, ut vites plenos producant racemos. Vespæ verò, se vineam circumeundo custodire, ac fures inde amovere, large offerunt. Quibus agricola inquit, Duos habeo boves, qui, cum nihil promittant, eandem hanc operam nihilominus præstant. Itaque satius est mihi illis, quàm vobis, aquam exhibere.

Fabula significat, non esse illis subveniendum, qui vani & inutiles sunt.

De

De Jove.

Cum Jupiter nuptias celebraret, cuncta animalia ei munera obtulerunt, quæq; pro viribus suis. Verum enim serpens rosam legit, illamq; ore tenens, Jovi obtulit. At Jupiter, ut eum adspexit palam inquit, Ab omnibus dona libenter equidem accipio: verum à serpente id haudquaquam facio.

Fabula significat, quod improborum munera non esse sine dolis, quivis prudens sibi persuadere debet.

De Simia.

Simia duos catulos parere fertur, quorum ad unum sicut taxat afficitur, & ex affectu illum diligentissime nutrit: alterum vero odit negligitque. Contigit autem, quod, qui in deliciis habebatur, à simia in somnis fuit suffocatus: quamobrem qui neglectus erat, ad perfectam usque ætatem: ceu matris deliciae, fuit educatus.

Fabula significat, quod hominum prudentiam fortuna proculdubio superat.

De Pulice.

Pulex cum quendam morsu aliquando stimulasset, caprusq; rogaretur, quisnam esset qui membra sibi depalceret, ait, se ex eo animalium genere esse, quibus à natura datum erat, ut eo pacto vitam vivant, nec eum occidere veller, cum multum mali facere ipse ei nequeat. At homo ille subridens, inquit ei, Eo magis meis necaberis manibus, quoniam nec multum nec parum abs re quempiam lædere licet.

Fabula significat, quod malorum, licet parum vel multum delinquant, misereri haud oportet.

De Pulice et Homine.

Pulex suo solito more saltans super hominis pedem regressit, illumq; morsu acriter pupugit. Qua pun-
ctione

atione homo ille graviter concitus pulicem cepit & unguibus obtundere voluit, Sed pulex manibus exsiliens, mortem vitavit: Tum homo exclamans, ait, O Hercules malorum extirpator, ecquid mihi in hunc opprimendum præsens non fuisti?

Fabula declarat, quod non in minimis, sed in magnis arduisque rebus à diis auxilium quis implorare debet.

De Formicis & Cicada.

HYemis erat medium cum formicæ sparsim triticum apicabant. Quod cicada aspiciens, cum inedia conficeretur, accessit ad eas, ac triticum pro alimonia ut sibi concederent oravit. At cum formicæ eam rogarent, quidnam æstate fecerit, num signis aut otiosa eo tempore steterit: illis cicada ait, neque signis aut otiosa steterit, sed cantu cecini, quo laborem viæ viantibus levabam. Qua re audita formicæ subridentes inquirunt, Si æstate cecinisti, ut viantes delectares; nunc salta, ne frigore conficiaris.

Fabula declarat, quod qui, quæ facienda sunt, suo tempore non facit, is in angustias, quando non putat, incidit.

De Viro & Uxoribus.

TEMPUS erat veris, quo quidam in deliciis educatus cum nec juvenis nec senex esset (semicanus enim erat capillis) duas simul duxit uxores; unam quidem natu grandem, alteram vero juniorem. Cum omnes eandem habitarent domum, uxor anus ut virum in amorem sui torum pelliceret, quotidie viri caput pertractans, nigros ei avellebat capillos. Pari studio junior, ut ab anus consuetudine illum amoveret albos avellebat capillos. Postremo ita illum depilarunt, ut calvum ac ridiculum, non absq; summo opprobrio virum reddiderint.

Fabula significat, quod nulla melior senibus salus existit, quam fœminis carere, & maxime junioribus, nisi penitus obrui se velint.



ALIAE ITEM ALIQUOT ÆSOP
FABULÆ è Græco in Latinum versæ,
incerto interprete.

Impossibilia promittens.

IR pauper ægrorū & malè affectus, cum
à medicis desperatus esset, deos rogabat,
pollicens si sanitatem sibi rursus restitue-
rent, centum boves ipsis oblaturum esse in
sacrificium. Uxore autem ejus audiente,
& ubi tibi hæc, si convalueris? Ille ait,
putas enim surrecturum me hinc, ut dii hæc à me rep-
tant.

*Fabula significat, multos facile polliceri, quæ re comprobare
non sperant.*

Ranæ.

RAnæ duæ in palude pascebantur: æstate autem sic-
catâ palude illâ derelictâ, quærebant aliam, cæte-
rum profundum invenerunt puteum. Quo viso, al-
tera alteri inquit, Descendamus, heus tu, in hunc pute-
um. Illa respondens, ait, Si igitur & hîc aqua aruerit, quo-
modo ascendemus.

Fabula declarat, non oportere inconsiderate res aggredi.

Canis & Gallus.

CAnis & Gallus in itâ societate, iter faciebant. Ve-
spere autem superveniente, gallus conscensâ arbore
dormiebat; at canis ad radicem arboris excavatæ.
Cum gallus, ut assolet, noctu cantasset: vulpes, ut audivit,
accurrit, & stans inferius, ut ad se descenderet roga-
bat; quòd cuperet commendabili adeò cantu animal cõ-
plecti. Cum autem is dixisset, ut janitorẽ prius excitaret
ad radicem dormientem, ut cum ille apperuiisset descen-
deret

deret illâ quærente ut ipsum vocaret, canis statim profiliens eam dilaceravit,

Fabula indicat, prudentes homines inimicos insultantes ad fortiores astu mittere.

Leo & Ursus.

LEO & ursus simul magnum nacti hinnulum, de eo pugnabant. Graviter igitur à seipsis affecti, ut ex multâ pugnâ etiam vertigine corripenterentur, defatigati jacebant? Vulpes autem circum circa cundo, ubi prostratos eos vidit, & hinnulum in medio jacentem, hunc, per utrosque percurrando, rapuit, fugiensque abiit. At illi videbant quidem ipsam; sed quia non poterant surgere. Nos miseros dicebant, quia vulpi laboravimus!

Fabula indicat, aliis laborantibus, aliis lucrari.

Vespertilio, & Rubus, & Mergus.

VESPERTILIO, rubus, & mergus, inita societate, mercatoriam decreverunt vitam agere. Itaque vespertilio argentum mutuatus, projecit in medium: rubus vestem secum accepit: mergus tertius æs: & navigaverunt. Tempestate autem vehementi obortâ & navi aversa omnibus perditis ipsi in terrâ evaserunt. Ex illo igitur mergus littoribus semper assidet, num quopiam æsejiciat mare. Vespertilio vero, creditores timens, interdium non apparet; noctu ad pabulum exit. Rubus prætereuntium vesti inhæret, sicubi suam cognoscat quærendo.

Fabula indicat, in ea quibus incumbimus, in posterum incidere.

Pavo & Monedula.

AVIBUS creaturis regem, pavo orabat, ut se ob pulchritudinem eligerent. Eligentibus autem eum omnibus, monedula suscepto sermone ait, Sed si, te regnante, aquila nos persequi aggressa fuerit, quomodo nobis opem feres?

Fabula declarat principes non modo propter pulchritudinem, sed ob fortitudinem & prudentiam eligi oportere.

Dē

Singularis agrestis & Vulpes.

Singularis agrestis super quadam sedens arbore, dentes sacuebat. Vulpe rogante causam, quare, nullâ proposita necessitate, dentes acueret, ait, Non abs re hoc facio: nam si me periculum invaserit, nequaquam me tunc acuendis dentibus occupatum esse oportebit, sed potius paratis uti.

Fabula declarat, adversus periculum paratum esse oportere.

Cassita.

Cassita laqueo capta, plorans dicebat, Hei mihi miseræ & infelici volucris! non aurum surripui cuiusquam non argentum, non aliud quicquam pretiosum; granum autem tritici parvum mortis mihi causa est.

Fabula ad eos tendit, qui ob inutile lucrum magnum subeunt periculum.

Hinnulus.

Hinnulus aliquando cervo ait, Pater, tu & major & celerior canibus, & cornua præterea ingentia gestas ad vindictam: curnam igitur sic eos times? Ei ille ridens ait, Vera quidem hæc sunt, fili: unum vero scio, quod cum canis latratum audivero, statim ad fugam, nescio quomodo, efferor.

Fabula declarat, natura timidos nulla admonitione fortificari.

Avarus.

Avarus quidam cum omnia sua bona vendidisset, & auream glebam fecisset, in loco quodam infodit, unâ defosso illic & animo suo & mente; atque quotidie eundo, ipsam videbat: Id autem ex operariis quidam observando cognovit, & refossam glebam abstulit. Post hæc & ille profectus, & vacuum locum videns, lugere cœpit & capillos evellere. Hunc cum quidam vidisset sic plorantem & causam audivisset, Ne sic, inquit, o tu, tristare:

neque enim habens aurum habebas. Lapidem igitur pro auro acceptum reconde, & puta tibi aurum esse: eundem enim tibi usum præstabit; nam, ut video neq; cum aurum erat, utebare.

Fabula significat, nihil esse possessionem, nisi usus adfuerit.

Anseres & Grues.

Anseres & Grues in eodem prato pascebantur. Venatoribus autem visis, grues, quod essent leves statim evolaverunt: anseres autem, ob onus corporum cum mansissent, capti fuerunt.

Fabula significat, & in expugnatione urbis inopes facile fugere, divites autem servire captos.

Testudo & Aquila.

Testudo orabat aquilam, ut se volare doceret. Eâ autem admonente procul hoc à natura ipsius esse, illa magis precibus instabat. Accepit igitur ipsam ignibus, & in altum sustulit; inde demisit. Hæc autem petras cecidit, & contrita est.

Fabula significat, multos, qui in contentionibus prudentiores non audiverunt, seipsos læsisse.

Cerva.

Cerva altero occæcata oculo, in litore pascebatur, sanum oculum ad terram propter venatores habens, alterum vero ad mare, unde nihil suspicabatur. Præternavigantes autem quidam, & hoc conjectantes ipsam sagittarunt: hæc autem seipsam lugebat, quod unde timuerat, nihil passa foret; quod non putabat malum allaturum, ab eo proditam.

Fabula significat, sæpe quæ nobis noxia videntur, utilia fieri: quæ vero utilia noxia.

Cerva & Leo.

Cerva venatores fugiens, in speluncam ingressa est, in leonem autem ibi cum incidisset, ab eo comprehensa

sa est : moriens autem dicebat , Hei mihi ! homines fugiens, in ferarum immitissimam incidi.

Fabula significat multos homines dum parva fugiunt pericula, in magna incurrere.

Cerva & Vitis.

Cerva venatores fugiens, sub vite delinuit. Cum præterissent autem parumper illi, cerva prorsus jam latere arbitrata, vitis foliis pasci incepit. Illis vero agitatis, venatores converfi, & quod erat verum, arbitrati animal aliquod sub foliis occultari, sagittis confecerunt cervam, Hæc autem moriens talia dicebat, iusta passa sum: non enim offendere oportebat, quæ me servârat.

Fabula significat, qui injuria benefactores afficiunt, à Deo puniri.

Asinus & Leo.

Cum asino gallus aliquando pascebatur. Leone autem aggresso asinum, gallus exclamavit: & leo (aiunt enim hunc galli vocem timere) fugit. Asinus ratus propter se fugere, aggressus est statim leonem. Ut vero procul hunc prosecutus est, quo non amplius galli perveniebat vox, conversus leo devoravit. Hic vero moriens clamabat, Me miserum, & de mentem! ex pugnacibus enim non natus parentibus, cujus gratia in aciem irruui.

Fabula significat, plerosque homines, inimicos, qui se de industria humiliarunt, aggredi, atque ita ab illis occidi.

Olitor & Canis.

Olitoris canis in puteum decedit : olitor autem ipsum illinc extracturus, descendit & ipse in puteum. Ratus autem canis eum accessisse, ut se inferius magis obrueret, conversus olitorem momordit. Hic autem cum dolore reversus, Iusta, inquit, patior : nam cur unquam sui interfectorem servare studui?

Fabula in injustos & ingratos.

Æ S O P I

Sus & Canis.

Sus & canis mutuo convitiabantur. Et sus jurabat per Venerem, proculdubio dentibus discissuram canem.

Canis autem ad hæc dissimulanter dixit, Bene per Venerem nobis juras; significat enim ab ipsa vehementer te amari, quæ impuras tuas carnes degustantem nullo pacto in sacellum admittit. Ei sus, Propter hoc igitur magis præ se fert dea amare me: nam occidentem, aut alio quovis modo lædentem me omnino adversatur: tu tamen male oles & viva & mortua.

Fabula indicat, prudentes oratores, quæ ab inimicis objiciuntur, artificiosè in laudem convertere.

Sus & Canis.

Sus & canis de fœcunditate certabant. Dixit autem canis, se fœcundam esse maxime pedestrium omnium, Et sus occurrens, ad hæc inquit, Sed cum hæc dicis scito cæcos te carulos parere.

Fabula indicat, non in celeritate res, sed in perfectione judicari.

Serpens & Cancer.

Serpens una cum cancro vivebat, in ita cum eo societate. Itaque cancer simplex moribus, ut & ille astutiam mutaret, admonebat: hic autem minime obediebat. Cum observasset igitur cancer ipsum dormientem, & pro viribus compressisset, occidit. At serpenti post mortem extenso ille ait, Sic oportebat ante hac rectum & simplicem esse: neque enim hanc pœnam dedisses.

Fabula indicat, qui cum dolo amicos adeunt ipsos offendi potius.

Pastor & Lupus.

Pastor nuper natum lupi carulum reperit ac sustulit, unaque cum canibus nutrit. At cum adolevisset, si quando lupus ovem rapuisset, cum canibus & ipse persequetur. Cum canes autem aliquando non possent assequi

assequi lupum, atque ideo reverterentur; ille sequebatur, ut, cum ipsum assecutus esset, particeps foret venationis, ut lupus: inde redibat. Sin autem lupus extrâ non rapuisset ovem, ipse clam occidens, una cum canibus comede-
bat: donec pastor, cum coniectasset, & intellexisset rem, de arbore ipsum suspendit & occidit.

Fabula significat, naturam per se bonos mores non nutrire.

Leo & Lupus.

LEO cum consenuisset, ægrotabat, jacens in antro. Accesserunt autem visitatura regem, præter vulpem, cætera animalia. Lupus igitur capta occasione accusabat apud leonem vulpem, quasi nihil facientem suum omnium domini, & propterea neque ad visitationem profectam. Interim affuit vulpes, & ultîma audivit lupi verba. Leo igitur contra eam infremuit. Sed defensionis tempore petito, Et quis, inquit, eorum qui convenerunt tantum profuit, quantum ego, quæ in omnem partem circuivi, & medicamentum pro te à medico quæsi & didici? Cum autem leo statim ut medicamentum diceret, imperasset; illa inquit, Si, lupo vivente excoriato, ipsius calidam pellem indueris. Et lupo jacente vulpes ridens, ait, Sic non oportet dominum ad malevolentiam movere, sed benevolentiam.

Fabula indicat, eum, qui quotidie machinatur, in seipsum laqueum vertere,

Mulier.

MULIER quædam virum ebrium habebat: ipsum autem à morbo liberatura, tale quid commenta est: Aggravatum enim ipsum ab ebritate cum observasset, & mortui instar insensatum, in humeros elevatum, in sepulchretum allatum deposuit, & abiit. Cum autem ipsum jam sobrium esse coniectata est, profecta januam pulsavit sepulchreti. Ille autem cum diceret, Quis est qui

pulsat januam? Uxor respondit, Mortuis cibaria ferens ego adsum. Et ille, Non mihi comesse, sed bibere, o optima, affer: tristem enim me reddis, cum cibi, non potus meministi. Hæc autem pectus plangendo, Hei mihi miseræ! inquit: Nam neque astu profui. Tu enim, vir, non solum non emendatus es, sed peior quoque teipso evasisti: in habitum tibi deductus est morbus.

Fabula significat, non oportere in malis actibus immorari: nam & nolentem quandoque hominem consuetudo invadit.

Cygnus.

Vir dives anserem simul & cygnum nutriebat, non ad eadem tamen; sed alterum cantus, alterum mensæ gratiâ. Cum autem deberet anserem pati ea, quorum causâ nutriebatur, nox erat, & discernere tempus non permisit utrumque; cygnus autem pro anserem abductus, cantat cantum quendam mortis exordium; & cantu significat naturam, mortem verò effugit suavitate canendi.

Fabula significat, sæpe musicen differre mortem.

Æthiops.

Æthiopem quidam emit, talem ei colorem inesse ratus negligentia eius qui prius habuit: ac assumpto in domum omnes ei adhibuit abstersiones, omnibus lavacris tentavit mundare: at colorem quidem transmutare non potuit, sed morbum dolor paravit.

Fabula significat, manere naturas ut à principio proveniunt.

Hirundo & Cornix.

Hirundo & cornix de pulchritudine contendebant. Respondens autem Cornix, ei dixit: Sed tua pulchritudo verno tempore floret, meum vero corpus etiam hyeme durat.

Fabula significat, durationem corporis decore meliorem esse.

Butalis.

Butalis à fenestrâ quadam pendeat. Vespertilio autem profectus rogavit causam, quare die fileret, nocte caneret

caneret. Cum autem ea non incassum hoc facere dixisset, (nam die canendo olim capra fuit, & propterea ex illo prudens evasit) vespertilio ait. Sed non nunc te cavere oportet, cum nulla utilitas: sed antequam capereris.

Fabula significat, in infortuniis inutilem esse pœnitentiam.

Cochlea.

Rustici filius affabat cochleas. Cum autem audiret eas stridentes, ait, O pessimæ animantes! domibus vestris incensis vos canitis?

Fabula significat, omne intempestive factum vituperabile.

Mulier & Ancilla

Mulier vidua operosa ancillas habens, has solebat noctu excitare ad opera, ad gallorum cantus. His vero assiduo defatigatis labore, visum est oportere domesticum occidere gallum, tanquam illum qui noctu excitaret heram. Evēnit autem ipsis hoc facto, ut in graviora inciderent mala: nam hera ignorans gallorum horam temporius eas excitabat.

Fabula significat, plerisque hominibus consilia esse malorum causas.

Mulier venefica.

Mulier venefica divinarum irarum propulsiones promittens, multa facete perseverabat, & lucrum inde faciebat. Quidam igitur accusaverunt eam impietatis; & convicerunt, & damnatam duxerunt ad mortem. Videns autem quidam eam duci, ait, Tu quæ deorum iras avertere promittebas, quomodo neque hominum consilium mutare potuisti?

Fabula innuit, multos magna promittentes, ne parva quidem facere posse.

Agricola.

Agricola quidam fodiendo aurum reperit: quotidie igitur terram, ut ab ea beneficio affectus, coronabat.

bat. Huic autem Fortuna adstans inquit, Heus tu, cur terræ mea munera attribuis, quæ ego tibi dedi ditatura te? Nam si tempus immutetur, & in alias manus hoc tuum aurum eat, scio te nunc me Fortunam accusaturum.

Fabula indicat, oportere benefactorem cognoscere, atque huius gratiam referre.

Viatores.

Duo quidam unâ iter faciebant: & cum alter securim reperisset, alter qui non invenit, admonebat ipsum nē diceret, *Inveni*, sed *Invenimus*. Paulo post autem, cum aggredierentur ipsos qui securim perdiderant: qui eam habebat, persequentibus illis, ei qui unâ iter faciebat, dixit *Periimus*. Hic autem ait, *Perii* dic, non *Periimus*: etenim & tunc cum securim invenisti, *Inveni* dixisti, non *Invenimus*.

Fabula declarat, qui non fuere participes felicitatum, neque in calamitatibus firmos esse amicos.

Ranae duæ.

Duæ ranæ vicinæ sibi erant: pascebantur autem, altera in profundo stagno, & procul à viâ; altera in viâ, parum aquæ habens. Verùm cum quæ in stagno alteram admoneret, ut ad se migraret, ut tutiore cibo frueretur; illa non paruit, dicens, firmissimè se teneri huiusce loci consuetudine; quousq; obtigit, currum prætereuntem ipsam confringere.

Fabula significat, homines quoque prava aggredientes citius mori, quàm mutantur in melius.

Apiarius.

In mellarium ingressus quidam absente domino, favum abstulit. Hic autem reversus ut alveolas vidit inanes, stans, quod in his erat perscrutabatur. Apes autem à pastu redeuntes, ut deprehenderunt ipsum, aculeis percutiebant, pessimèque tractabant. Hic autem ad eas, O pessimæ animantes!

Animantes ! furatum vestros favos illæsum dimisistis; me verò satagentem vestri percutitis.

Fabula declarat, sic homines quosdam ob ignorantiam ab inimicis non cavere, amicos autem ut infidiatores repellere.

Alcedo.

Alcedo avis est solitaria, semper in mari vitam degens : hanc dicitur hominum venationes caventem in scopulis maritimis nidificare. Cæterum aliquando paritura, nidum fecit. Egressâ autem eâ ad pabulum, accidit, mare, à vehementi concitatum vento, elevari supra nidum, atque hoc submerso, pullos perdi. Hæc autem reversa, recognitâ, ait, Me miseram, quæ terram ut infidiatricem cavens, ad hoc confugi, quod mihi longe est infidius !

Fabula declarat, homines etiam quosdam ab inimicis cavendo, ignaros in multo graviores inimicos incidere.

Piscator.

Piscator in fluvio quodam piscabatur. Extensis autem retibus, & fluxu comprehenso, utrinque funi alligato lapide aquam verberabat, ut pisces fugientes incautè in retia inciderent. Cùm quidam autem ex iis qui circa locum habitabant, id facere videret, increpabat quòd fluvium turbaret, & claram aquam non sineret bibere. Et is respondit, Sed nisi sic fluvius perturbetur, me oportebit esurientem mori.

Fabula declarat, civitatum etiam rectores tunc maxime operari, cum patrias in seditionem induxerint.

Simia & Delphis.

Moris cùm esset navigantibus, Melitenses catulos & simios adducere in solamen navigationis, quidam habebat secum simium. Cùm autem pervenissent ad Sunium Atticæ promontorium, tempestatem vehementem fieri contigit. Navi autem aversâ & omnibus navigantibus

rantibus, natabat & fimius. Delphis quispiam ipsum conspicatus, & hominem esse ratus, digressus levabat, ad terram perferens. Ut vero in Piræo fuit Atheniensium navali, rogavit fimium, an genere esset Atheniensis. Cum autem hic diceret, & claris ibi esse parentibus: rogavit, an & Piræum sciret. Ratus autem fimius de homine eum dicere, ait, Et valde amicum esse ei, & familiarem. At Delphis tanto mendacio indignatus, submergens ipsum occidit.

Fabula in viros, qui veritatem ignorantes existimant se decipere.

Musca.

IN cellâ quadam melle effuso, muscæ advolantes comedeant: implicitis autem earum pedibus, evolare non poterant. Cum autem suffocarentur, dicebant, Miseræ nos, quia ob modicum cibum perimus!

Fabula significat, multis gulam multorum malorum esse causam.

Mercurius & Statuarius.

Mercurius scire volens, quanti apud homines esset, ivit in statuarii domum, transformatus in hominem: & visa statuâ Iovis, rogabat, quanti quis ipsam emere posset. Hic autem cum dixisset, Drachma; risit. Et quanti Junonis ait. Cum dixisset, Pluris; visâ & suâ ipsius statuâ, ac opinatus (cum nuncius sit deorum, & lucrosus) maximam de se apud homines haberi rationem, rogavit de se. Statuarius verò ait, Si hasce emeris, & hanc additamentum dabo.

Fabula in virum gloriosum, qui nullius apud alios est pretii.

Mercurius & Tiresias.

Mercurius, volens Tiresiæ vaticinium an verum esset cognoscere, furatus ipsius boves, ex rure, venit ad ipsum in urbem, similis factus homini, & ad ipsum divertit. Bœum autem amissione renunciata Tiresiæ, ille assum-

pto Mercurio exivit, augurium aliquod de fure confide-
ratus. Et hic jubet dicere sibi quamnam avem viderit.
Mercurius autem, primo vidisse aquilam à sinistris ad
dextram volantem, dixit: Hic non ad se id esse cum
dixisset; secundò cornicem super arbore quadam seden-
tem vidit, & modo superius aspicientem, modo ad terram
declinatam, vati refert. Et is, re cognitâ ait, Sed hæc
cornix jurat per cœlum & terram, si tu velis, meos me
recepturum boves.

Hoc sermone uti quispiam poterit adversus virum furacem.

Canes.

HAbens quidam duos canes, alterum venari docuit,
alterum domū servare. Cætersiū quando venaticus
caperet aliquid, qui domum custodiebat, particeps
una cum eo erat cœnæ. Ægre ferente autem venatico, &
illi objiciente, quod ipse quotidie laboraret, ille nihil
faciens suis nutriretur laboribus; respondens ipse, ait,
Non me, sed herum reprehende, qui non laborare me
docuit, sed labores alienos comesse.

*Fabula indicat, adolescentes, qui nihil sciunt, haud esse
reprehendendos, cum eos parentes sic educaverunt.*

Maritus & Uxor.

HAbens quidam uxorem, quæ domesticis omnibus
inimica erat, voluit scire an etiam erga paternos
domesticos ita afficeretur. Quapropter cum ratio-
nabili prætextu ad suum patrem ipsam misit. Paucis vero
post diebus ea reversa, rogavit quomodo adversus illos
habuisset. Hæc vero cum dixisset, Bubulci & pastores me
suspectabant; ad eam ait, Sed ô uxor, Si eos odisti qui
mane greges agunt, serò autem redeunt; quid sperare o-
portet eos, quibuscum toto conversaris die?

*Fabula significat, sic sæpe ex parvis magna, et ex manifestis
incerta cognosci.*

Hædus & Lupus.

Hædus derelictus à grege, persequente lupo, conversus ad eum dixit, O lupo, quoniam credo me tuum cibum futurum, nè injucunde moriar, cane tibia primum ut saltem. Lupo autem canente tibia, atque hædo saltante, canes cum audivissent, lupum persecuti sunt. Hic conversus, hædo inquit. Merito hæc mihi fiunt: oportebat enim me, coquus cum sim, tibicinem non agere.

Fabula significat, qui ea, quibus natura apti sunt, negligunt, quæ vero aliorum sunt, exercere conantur, in infortuna incidere.

Cancer & Vulpes.

Cancer e mari cum ascendisset, in loco quodam pascebatur. Vulpes esuriens ut vidit, accessit ac eum rapuit. Ille devorandus ait, Sed ego condigna patior, qui, marinus cum sim, terrestris esse volui.

Fabula significat, homines etiam, qui propriis derelictis exercitiis, & quæ nihil conveniunt aggrediuntur, merito infortunatos esse.

Citharædus.

Citharædus rudis in domo calce incrustatâ familiari-ter, ut solebat, canens, & contrâ resonante in se voce existimabatur valde canorus esse: verum elatus super hoc, cogitavit & theatro sese committere oportere. Profectus verò ad se ostendendum, cum male admodum caneret, lapidus ipsum explosum abegerunt.

Fabula significat, ex rhetoribus quosdam, qui in scholis videntur esse aliqui, cum ad res publicas se conferunt, nullius pretii esse.

Fures.

Fures in domum quandam ingressi, nihil invenerunt nisi gallum; atque hoc capto abierunt. Hic ab eis occidendus, rogabat, ut se dimitterent, dicens utilem esse hominibus, noctu eos ad opera excitando. Hi autem dixerunt

runt, Sed propter hoc tanto magis occideris : illos enim excitando, furari nos non finis.

Fabula significat, ea maxime pravis esse adversa, quæ bonis sunt beneficio.

Cornix & Corvus.

Cornix corvo invidens quod is per auguria hominibus vaticinaretur, ob idque crederetur uti futura prædicens, conspicata viatores quosdam prætereuntes, ivit super arborem quandam, stansque valde crocitavit. Illis autem ad vocem conversis & admiratis, re cognita, quidā inquit, Abeamus heus vos : cornix enim est quæ crocitavit, & augurium non habet.

Fabula indicat, eodem modo, & homines præstantioribus certantes præterquam quod non ad æqua perveniunt, risu quoque dignos esse.

Cornix & Canis.

Cornix Minervæ sacrificans, canem invitavit ad epulas. Ille autem ad eam dixit, Quid frustra sacrificia absumis ? Dea enim adeo te odit, ut ex peculiaribus quoque tibi auguriis fidem sustulerit. Cui cornix, Ob id magis ei sacrifico, ut reconcilietur mihi.

Fabula significat, plerosque ob lucrum non vereri inimicos beneficiis prosequi.

Corvus & Serpens.

Corvus ubi indigens, ut serpentem in aprico quodam loco dormientem vidit, hunc devolando rapuit. Hic cum se vertisset, atque momordisset ipsum. corvus moriturus dixit, Me miserum, qui tale reperi lucrum, quo etiam pereō !

Fabula in virum, qui ob thesaurorum inventionem de salute periclitatur.

Monedula ac Columba.

Monedula, in columbario quodam columbis visis bene nutritis, dealbavit sese, ivitque ut & ipsa eodem

Eodem cibo impertiretur, Hæ vero, donec tacebat, rata eam esse columbam, admiserunt: sed cum aliquando oblita, vocem emisisset, tunc ejus cognita natura, expulerunt percutiendo: eaque privata eo cibo, rediit ad monedulas rursum: & illæ, ob colorem cum ipsam non noscerent, à suo cibo abegerunt, ut duorum apperens neutro potiretur.

Fabula indicat, oportere & nos nostris contentos esse, considerantes avaritiam, præterquam quod nihil juvet, auferre sæpe & quæ adsunt bona.

Monedula.

Monedulam cum quis cepisset, & pedem alligasset filo, suo tradidit filio. Hæc non ferendo victum inter homines, ubi parumper libertatem nacta est, fugit, in suumque nidum se contrulit. Circumvoluto vero ramis vinculo evolare haud valens, cum moritura esset, secum loquebatur, Me miseram, quæ apud homines non ferendo servitutem incaute meâ me vitâ privavi!

Fabula indicat, nonnunquam quosdam, cum se à mediocribus student periculis liberare, in majora incidere.

Mercurius.

Jupiter Mercurio iussit, ut artificibus omnibus mendacii medicamentum misceret: hic, eo trito & ad mensuram facto, ex æquo singulis miscet. Cum vero, solo relicto furore, multum superesset medicamenti, eorum acceptum mortarium ei miscuit: atque hinc contigit artifices omnes mentiri, maxime vero omnium sutores.

Fabula in mendaces artifices.

Jupiter.

Jupiter, formatis hominibus, omnes illis affectus indidit; solum indere pudorem oblitus est. Quapropter non habens undenam ipsum introduceret, per turbam ingredi eum iussit. Hic vero primum indigne ferens, contradicebat: vehementius vero eo instante, ait, Sed ego sanè his ingre-

ingredior pactis, si amor non ingrediatur: sin ingrediatur, ipse exhibo quamprimum. Ex hoc sane evenit, omnia scorta invereconda esse.

Fabula significat, captos amore inverecondos esse,

Jupiter.

Iupiter nuptias celebrans, omnia animalia accipiebat: solâ vero testudine tardè profectâ, admirans causam tarditatis, rogavit eam quamobrem ipsa ad cœnam non accesserat. Cum hæc dixisset, Domus chara, domus optima; iratus ipsi, damnavit ut domum bajulans circumferret.

Fabula significat, plerosque homines eligere, parcè potius apud se vivere, quam apud alios lautè.

Lupus & Ovis.

Lupus à canibus morsus, & male affectus, abjectus jacebat. Cibi vero indigens, visa ove rogabatur potum ex præterfluente flumine sibi adferret: Si enim tu mihi, inquit, dederis potum, ego cibum mihi ipsi inveniam. Illa, recognitâ, ait, Sed si ego potum tibi do, tu & cibo me uteris.

Fabula quadrat in virum maleficum, per simulationem insidiantem,

Lepores.

Lepores olim belligerantes cum aquilis, invocarunt in auxilium vulpes. Hæ autem dixerunt, Vobis auxiliaremur, nisi sciremus qui vos fitis, & cum quibus præliemini.

Fabula significat, eos qui cum præstantioribus certant, suam salutem contemnere.

Formica.

Quæ nunc formica, homo olim fuit; hic agriculturæ assidue incumbens, non erat propriis laboribus contentus, sed & vicinorum fructus surripiebat. Jupiter autem indignatus hujus avaritiâ transmutavit eum in hoc

hoc animal, quæ formica appellatur. Verum cum mutâsse formam, non & affectum mutavit: nam usque nunc arva circumeundo, aliorum labores surripit, & sibi recondit.

Fabula indicat, natura prava, etsi maxime speciem transmutaverint, mores non mutare.

Vespertilio & Mustela.

Vespertilio in terram cum cecidisset, à mustela captus est; & cum occidendus esset, pro salute rogabat. Hac vero dicente, non posse ipsam dimittere, quod natura volucris omnibus inimica foret; ait, non avem, sed murem esse; & sic dimissus est. Deinde autem cum iterum cecidisset, & ab alia mustela captus esset, ne voraretur orabat. Hæc autem dicente, cunctis se inimicam esse muribus hic, Non mus, sed vespertilio sum, dicebat; & rursum dimissus est: atque ita evenit, bis mutato nomine, salutem consecutum fuisse.

Fabula indicat, neque nos in eisdem semper esse oportere; considerantes eos qui ad tempus mutantur, plerumque pericula effugere.

Viatores.

Viatores secundum littus quoddam iter facientes, ivērunt in speculam quandam, & ibi conspicati sarmenta procul natantia, navem esse magnam existimārunt: quamobrem exspectaverunt, tanquam appulsura ea esset. Cum vero à vento lata sarmenta propius forent, non navem amplius, sed scapham videre videbantur. Advectis autem illis, cum sarmenta esse vidissent, inter se dixerunt, Ut nos igitur frustra quod nihil est exspectabamus.

Fabula indicat, nonnullos homines, qui ex improviso terribiles esse videntur, cum periculum feceris, nullius esse pretii.

Asinus sylvestris.

Asinus Sylvestris, asino viso domestico in loco quodam aprico; profectus ad ipsum, beatum decebat, & corporis

poris habitudine & cibi perceptione. Deinde autem cum vidisset eum ferentem onera, & agasonem retro sequentem & baculis ipsum percutientem, ait Ast ego non amplius beatum te existimabo: video enim non sine magnis malis habere te felicitatem.

Fabula indicat, non esse æmulanda lucra, in quibus insunt pericula & miseria.

Asini.

A Sini olim, propterea quod assidue onera ferrent, & fatigarentur, legatos miserunt ad Jovem, solutionem laborum petentes. Hic autem ostendere ipsis volens id non posse fieri, ait, Tunc eos liberatum iri laboribus, cum mingendo fluvium fecerint, At illi cum verum dicere existimantes, ex illo & nunc usque ubi aliorum urinam viderint asinorum, illic & circumstando mingunt.

Fabula indicat, unicuique quod fatale est insurabile esse.

Asinus & Vulpes.

A Sinus indutus pelle leonis vagabatur, reliqua brura perterrendo. Cæterum visa vulpe, tentavit & hanc perterrefacere. Hæc autem (casu enim ipsius vocem audiverat) ad ipsum ait, Compertum habeto, quod & ego timuisssem, nisi rudentem audivisssem.

Fabula significat, nonnullos indoctos, qui iis qui extra sunt aliqui esse videntur, ex sua linguacitate redargui.

Asinus & Rana.

A Sinus ligna ferens, pertransibat paludem quandam. Lapsus autem ut decidit, nec surgere posset lamentabatur ac suspirabat. Ranae autem quæ erant in palude, auditis suspiriis, Heus tu, dixerunt; quid faceres, si tanto hîc tempore, quanto nos, fuisses, cum, quia paululum cecidisti, sic lamereris?

Hoc sermone uti quisquam poterit in virum segnem, qui ob minimos quosque labores tristatur, cum ipse majoribus facile resistat.

Asinus & Corvus.

Asinus ulcerato dorso in prato quodam pascabatur. Corvo autem insidente sibi, & ulcus percutiente, asinus rudebat ac saltabat. Sed agasone procul stante, ac ridente, lupus præteriens ipsam vidit, & dixit, Miser! nos, quos si tantum viderit, persequitur; huic autem & arridit.

Fabula declarat, maleficos homines si tantum appareant, dignosci.

Asinus & Vulpes.

Asinus & vulpes, inita inter se societate, exiverunt ad venationem. Leo vero cum occurisset ipsis, vulpes imminens periculum videns, præfecta ad leonem tradituram ei asinum pollicita est, si sibi impunitatem promiserit. Qui cum dimissuram eam dixisset, illa, adducto asino, in casses quosdam ut incideret fecit. Sed leo videns illum fugere minime posse, primum vulpem comprehendit, deinde sic ad asinum versus est.

Fabula indicat, eos qui sociis insidiantur, & seipsos neque perdere.

Gallina & Hirundo.

Gallina serpentis ovis inventis, diligenter calefacta excludit. Hirundo autem cum eam vidisset, ait, O demens, quid hæc nutris, quæ cum excreverint à te primo injuriam auspicabuntur?

Fabula significat, implacabilem esse pravitatem, licet afficiatur maximis beneficiis.

Camelus.

Cum primum visus est camelus, homines perterriti, magnitudinem admirati, fugiebant. Ubi vero procedente tempore cognoverunt ipsius mansuetudinem, confisi sunt eo usque ut ad eum accederent. At intellecto paulo post, belluæ non inesse bilem, eo contemptius ivere ut fræna ei imponderent, & pueris agendum traderent.

Fabula indicat, terribiles res consuetudine contemptibiles fieri.

Serpens

Serpens.

Serpens à multis hominibus pessundatus, Jovem postulavit, Jupiter autem ad eum dixit, Si qui prior conculcavit pupugisses, nequaquam id facere secundus aggressus fuisset.

Fabula significat, eos qui prius invadentibus resistunt, aliis formidolosos fieri.

Columba.

Columba firi correpta, ut vidit quodam in loco poculum aquæ depictum, verum rata, atq; multo elata impetu, inscia in tabulam offendit, usque adeo ut pennis ipsius perfractis in terram decideret, atque à quodam occurrentium caperetur.

Fabula indicat, nonnullos homines ob vehementes alacritates inconsulto res aggredientes injicere sese in perniciem.

Columba & Cornix.

Columba in columbario quodam nutrita foecunditate superbiebat. Cornix vero ea audita, ait, Heus tu, define hæc re gloriari: nam quo plures paris, eo plus mœroris accumulas.

Fabula significat, ex famulis quoque eos esse infeliciſsimos qui in servitute multos filios procreant.

Dives.

Dives duas habens filias, altera mortua præficas conduxit. Cum vero altera filia dixisset, Ut nos miseræ! ipsæ, ad quas pertinet luctus, lamentari nescimus: hæ vero quibus non est necessarium, vehementer plangunt: Mater ait, Ne mirari filia, si hæ ita lamententur: nam nummorum gratia id agunt.

Fabula indicat, nonnullos homines ob avaritiam non vereri alienis calamitatibus questum facere.

Pastor.

Pastor, actis in quercetum quoddam ovibus strata sub quercu veste ascendit, & fructum decutiebat. Oves vero inter edendum glandes, nesciæ, & vestes una devorant. At cum pastor descendisset, & quod erat actum vidit; O pessima, ait, animalia! vos cæteris vel-

lera ac vestes præbetis; à me vero, qui vos nutrio, & vestem surripitis.

Fabula indicat, plerosque homines ob dementiam, eos qui nihil ad se attinent, beneficio afficere, in domesticos mala operari.

Bubulcus.

Bubuleus armentum taurorum pascens, amisit vitulum; lustrando omnem solitudinem, indagando moram traxit. Ubi invenire nihil potuit, precatus est Jovem, si furem qui vitulum cepit, ostenderet, hædum in sacrificium oblaturum. Cæterum proficiscens in quercetum quoddam invenit à leone devorari vitulum. Trepidus igitur & perterrefactus, elevatis manibus suis in coelum, ait, O domine Jupiter, promiseram tibi hædum me daturum esse, si furem invenirem; nunc taurum tibi recipio sacrificaturum, si hujus manus effugero.

Fabula in homines infortunatos, qui dum quippiam amiserint, precantur ut inveniant: cum invenerint, querunt effugere.

Aquila.

Super petra aquila sedebat leporem raptura: hanc autem quidam percussit sagitta, quæ intra ipsam ingressa est, sed crena cum pennis ante oculos stabat: quam cum vidisset, Et hoc, mihi, ait, altera mœstitia, quod propriis pennis inteream.

Fabula significat, durum esse, cum quis à suis pericula patitur.

Vermis & Vulpes.

Qui sub cœno celabatur vermis, super terram egressus, dicebat omnibus animalibus, Medicus sum medicaminum doctus, qualis est Pæon deorū medicus, Et quomodo, ait vulpes, alios curans, te ipsum claudū non curas.

Fabula indicat, nisi præsto experientia fuerit, omne verbum inane esse.

Gallina auripera.

Gallinam quis habens ova aurea parientem, ratus intra ipsam auri massam inesse occisam, aliis gallinis similem

similem reperit. Hic multum sperans se inventurum divitiarum, etiam exiguis illis privatus est.

Fabula indicat, oportere contentum esse presentibus, & fugere inexplebilitatem.

Lupus & Vetula.

Lupus esuriens circumibat quærendo cibum. Profectus autem ad locum quendam, audivit lugentem puerulum, eique dicentem anum, Desine plorare: sin minus, hâc horâ tradam te lupo. Ratus igitur lupus seriò loqui aniculam, exspectabat ad multam horam; sed cum advenisset vespera, audit rursus anum blandientem puerulo, ac dicentem, Si venerit lupus huc, interficiemus eum, fili. His auditis, lupus eundo dicebat, In hoc tugurio aliud dicunt, aliud faciunt.

Fabula quadrat in homines, quorum facta verbis non respondent.

De Culice & Leone.

Culex ad leonem accedens, ait, Neque timeo te, neque fortior me es. Minus mihi adesse virium ideo existimas, quod laceres unguibus, & dentibus mordeas? Hoc & foemina cum viro pugnans facit. Ego vero longe sum te fortior. Si vero vis, veniamus ad pugnam. Et cum tuba cecinisset, culex inhæsit mordens circa nares ipsius læves genas. Leo autem propriis unguibus dilaniavit seipsum, donec indignatus est; culex autem, victo leone, cum sonuisset tuba & epinicia cecinisset, evolavit. Araneæ vero vinculo implicitus, cum devoraretur, lamentabatur, quod cum maximis pugnans, à vili animali araneâ occideretur.

Fabula quadrat in eos, qui prosternunt magnos, & à parvis prosternuntur.

F I N I S.





Sales, five Facetiæ multum jucundæ, selectæ ex libello *Pogii* Florentini, Oratoris eloquentissimi.

De Pigrizia Adolescentis.



Onatius adolescens facetus è familia Galiscorum, dum essemus Constantiæ, admodum tardè surgebat è lecto. Cum socii eam tarditatem culparent, quidve tam diu in lecto ageret, percontarentur: subridens respondit, Litigantes disceptantesque ausculto. Adsum enim manè mihi è vestigio, cum expergiscor, duæ habitu muliebri; Sollicitudo videlicet & Pigrizia. Quarum altera surgere hortatur, & aliquid operis facere, neque diem in lecto terere: altera, priorem increpans, quiescendum inquit: & propter frigoris vim in calore lecti permanendum, indulgendumque corporis quieti neque semper laboribus vacandum. Prior insuper rationes suas ruetur: ità ut cum diutius disputent atque altercentur, ego tamen æquus iudex, in nullam partem declinans, audio disputantes, expectans quoad sint sententiâ concordēs. Hoc fit ut surgam tardiùs, expectans litigii finem.

De Gallo & Vulpe.

ESuriens quondam vulpes, ad decipiendas gallinas quæ gallo duce arborem excelsiorem, quò sibi aditus non erat, ascenderant, ad gallum blande accessit: quem comiter cum salutasset, Quid in excelsis agis? inquit. Nunquid non audisti nova hæc recentia tam salutaria nobis? Nequaquam cum gallus respondisset; Atqui prænuntia huc accessi, ait, ad communicandum tecum alacritatem. Animalium omnium concilium celebratum est, in quo pacem perpetuam omnium inter se firmarunt, est

ita ut omni sublato timore, nulli ab altero insidiæ aut injuriæ fieri amplius queant, sed pace & concordia omnes fruantur: licet abire unicuique, vel soli, quo velit secure. Descendito igitur, & hunc festum agamus diem. Agnita vulpis fallaciâ gallus, Bonum, inquit, adfers nuncium, & mihi gratum: & collum altius protendens, prospecturoq; longius & admiranti similis, in pedes se erexit. Tum, Quidnam aspicias? vulpes cum dixisset; Duos, inquit, magno cursu, ore patulo, adventantes canes. Tum tremehunda vulpes, Valeto, inquit, mihi fuga expedit, antequam illi adveniant; & simul cœpit abire. Huic gallus, Quoniam fugis, aut quid times? ait. Siquidem pace constituta nihil timendum: Dubito, inquit vulpes, an canes isti audierint decrerum pacis.

Hoc pacto dolo elusus est dolus.

De muliere obstinatâ, quæ Virum pediculosum vocavit.

Mulier quædam è nostris admodum viro contraria, semper verbis ejus oburgando refragabatur, perstans in eo quod cœperat, ita ut superior esse veller. Habita semel cum viro gravi altercatione, maritum pediculosum vocavit. Ille, ut verbum illud retractaret, uxorem verberibus contundebar, pugnis cædens ac calcibus. Quo magis cædebarur, eo plus illa pediculosum appellabat. Vir tandem verberando lassus, ut uxoris pertinaciam superaret, per funem in aquæ puteum demisit, suffocaturum se dicens, nisi verbis ejusmodi abstineret. Instantius perseverabat etiam in aqua ad mentum usque constituta, verbum illud continuans. Tum vir, ne amplius loqui posset, in puteum demersit, tentans si eam mortis periculo à verborum pertinacia posset avertere. At illa, loquendi facultate ademptâ, etiam dum suffocaretur, quod loqui nequibat, digitis exprimebat: nam manibus super caput erectis, atque unguibus utriusq; pollicis conjunctis, saltem quo potuit gestu, virum pediculosos objiciebat. Unguibus enim eorum digitorum pediculi à foeminis occidi consueverant.

De eo qui uxorem in flumine peremptam quærebat.

Alter uxorem quæ in flumine perierat quærens, adversus aquam proficiscitur. Tum quidam admiratus, cum deorsum secundum aquæ cursum illam quærendam admoneret; Nequaquam hoc modo reperitur, inquit: Ita enim dum vixit, difficilis ac morosa fuit, reliquorumq; moribus contraria, ut nunquam nisi contrario & adverso flumine, etiam post mortem, ambulet.

De Sacerdote qui Caniculum sepelivit.

ERat sacerdos rusticanus in Tuscia admodum opulentus. Hic caniculum sibi charum, cum mortuus esset, sepelivit in cœmetrio. Sensit hoc episcopus, & in ejus pecuniam animum intendens, sacerdotem, velut maximi criminis reum, ad se puniendum vocat. Sacerdos, qui animum episcopi satis noverat, quinquaginta aureos secum deferens, ad episcopum devenit. Qui sepulturam canis graviter accusans, iussit ad carcerem sacerdotem duci. Hic vir sagax, O Pater, inquit, si nosceres prudentiam caniculi, non mirareris si sepulturam inter homines mernit: fuit enim plusquam ingenio humano tum in vitâ, tum præcipue in morte. Quidnam hoc est, ait episcopus. Testamentum, inquit sacerdos, in fine vitæ condens, sciensque egestatem tuam, tibi quinquaginta aureos ex testamento reliquit, quos mecum detuli. Tum episcopus testamentum & sepulturam comprobans, acceptâ pecuniâ, sacerdotem absolvit.

De Milite qui Uxorem habuit litigiosam.

HAbebat Florentinus, Eques admodum nobilis, uxorem litigiosam ac perversam, quæ quotidie ad religiosum confessorem, vel (ut aiunt) devotum suum querelas viri & vitia deferabat. Hic equitem reprehendebat objurgabatque. Aliquando verbis admonitus uxoris, & ut pacem inter eos poneret, rogavit virum ad confessionem peccatorum: qua facta, non dubitabat conventuram inter eos concordiam. Paruit eques. Et cum religiosus eum sua peccata explorare jussisset, Nequaquam est opus, inquit; micquid enim unquam commisi, & multo plura etiam, ab uxore sæpius tibi recitata exstiterunt.

Face-

*Facetissimum de Sene quodam, qui asinum
portavit super se.*

Dicebatur inter secretarios Pontificis, eos qui ad vulgi
opinionem viverent, miserrimâ premi servitute; cum
nequaquam possibile esset, cum diversa sentirent, placere
omnibus. diversis diversa probantibus. Tum quidam ad
eam sententiam fabulam retulit, quam nuper in Alemaniâ
scriptam factâque vidisset. Senem ait fuisse, qui cum a-
dolescentulo filio, præcedente absque onere asello, quem
venditurus erat, ad mercatum proficiscebatur. Prætereun-
tibus viam, quidam in agro opus facientes senem culpâ-
runt, quòd asellum nihil ferentem neque pater, neque fi-
lius ascendisset, sed vacuum onere sinerent; cum alter
præ senectate, alter præ ætate tenerâ, vehiculo egeret.
Tum senex, adolescentem asino imposuit, ipse pedibus iter
faciens. Hoc alii conspicientes, culpârunt stultitiam senis,
quod adolescente, qui validior erat, super asinum posito,
ipse ætate confectus pedibus asellum sequeretur. Is muta-
to consilio, atque adolescente deposito, ipse asinum a-
scendit. Paululum verò progressus, audivit alios se cul-
pantes, quod parvulum filium, nullâ ratione ætatis habitâ,
tanquam servum post se traheret, ipse asello (qui pater e-
rat) insidens. His verbis permotus, filium secum asello
superimposuit, hoc pacto iter sequens. Interrogatus autem
ab aliis, an suus esset asellus; cum annuisset, castigatus est
verbis, quod ejus, tanquam alius, nullam curam haberet,
minime apti ad tantum onus, cum satis unus ad ferendum
esse debuisset. Hic homo perturbatus tot sententiis, cum
neque vacuo asello, neque ambobus, neque altero super-
imposito, absq; calumniâ progredi possit, tandem asellum
pedibus junctis ligavit, atque baculo suspensum, suo filiiq;
collo super impositum, ad mercatum deferre cœpit. Om-
nibus propter novitatem spectaculi ad risum effusis, ac
stultitiam amborum maximè verò patris, increpantibus;
indignatus ille, supra ripam fluminis consistens, ligatum
asinum in flumen deiecit, atque ita amisso asino domum
rediit. Ità bonus vir, dum omnibus placere cupit, nemini
satisfaciens, asinum perdidit.

De Homine qui in somniis Aurum reperiēbat.

Amicus quidam noster aurum à se repertum noctu per somnium referebat in cœtu. Tum quidam, Vide nē tibi accidat, ait, quod meo vicino, cui aurum in stercus cecidit. Cū somnium narrari posceremus, Vicinus, inquit, noster somniavit, ductum se à dæmone in agrum ad aurum effodiendum: cum multum reperisset, Non licet, inquit dæmon, nunc auferre, sed signa locum, ut cognosci a te solo queat. Cum alter, quo signaculo uteretur, peteret; Caca hic, inquit dæmon, nam hoc maxime modo nullus hic aurum esse suspicabitur, & tibi soli res nota erit. Annuir vir; & statim expergefactus, sensit in lecto ventrem admodum laxasse. Inter fœtorem & stercus cum surrexisset, domo exiturus capiti capitium ultimò imposuit, in quo catus eā nocte stercus fecerat; iniquo fœtore permotus, inquinatū caput & cæsariem lavit. Ita aureum somnium in merdā rediit.

De derisione hominis Porcum occidere volentis.

Mos erat in oppido quodam Piceni, ut qui hyeme porcum occidisset, viciniam ad cœnam invitaret. Quidam, quo pacto eam impensam vitaret, compatrem consulit. Dic (inquit ille) cras, porcum tibi hac nocte furto ablatum. Et simul, nihil tale illo verente, quidam clam porcum nocte furto surripuit. Mane conspiciens sibi porcum ablatum, ad compatrem profectus, altā voce querebatur, porcum sibi furto surreptum. Tum alter, Recte, compater mi sapias, inquit; ita enim te docui loquuturum. Cum ille sæpius & per omnes deos juraret id verum esse, Bene agis respondebat, & secundum consilium meum. Cum ille juramento iteraret: Hoc modo te loqui debere antea monui respondebat, & sanum consilium dedi tibi. Tandem elusus abiit.

De Vulpe à Rustico in palea absconditā.

Vulpes olim fugiens in venatione canes, divertit ad rusticū, qui in areā triticum terebat, rogans ut à canibus se tueretur: & simul pollicita est nunquā se ejus pullos gallinaceos laturā. Annuir rusticus conditioni,

& sumptis paleis furculâ vulpem textit. Advenit unus & item alter ex venatoribus vulpem quærens; rogabant autem rusticum, nunquid vulpem fugientem vidisset, & iter ejus. Ille verbis vulpem per certam viam defugisse, vultu verò & oculis latère sub paleis innuebat. Illi potius ad verba quàm ad nutum respicientes, abierunt. Tum rusticus detectâ vulpe, Serva, inquit, modò promissa: nam verbis meis evasisti, cum dicerem abiisse. At illa, quæ sibi timens per rimam inter paleas rusticum contemplabatur diligenter, Verba tua, inquit, bona fuere, sed actus satis mali.

Dictum in eos, qui aliud verbis, aliud re agunt.

De Florentino qui Equum emeret.

Notus mihi Florentinus, Romæ emprurus necessariò equum, pactus est cum venditore qui 25 aureos, pretium carius equo, postulabat; se 15. daturum in præsentia, reliquorum verò se debitorem ejus esse velle annuit. Venditor postridie cum residuum posceret, solutionem recusans, Servabo conventa, emptor inquit: Pepigimus quidem ut debitor tuus sim futurus; si autem tibi satisfecero, non sum debitor tuus amplius futurus.

De Ægyptio hortato ad fidem.

Hortatus est Christianus quendam infidelem Ægyptium, quo cum sibi diutina vitæ consuetudo fuerat, cum is in Italiam venisset, ut semel interesset in Ecclesia dum missa solennis celebraretur. Assentitur ille, & missæ interfuit cum Christianis. Rogatus deinde in cœtu, quid sibi de ceremoniis & solennitate officii videretur; respondit, omnia rectè ex ordine, præter unum sibi videri: nullam enim charitatem in ea missa esse servatam; cum unus solum, reliquis esurientibus, comedisset ac bibisset, nulla portione cibi ac potus reliquis impensa.

Facetum hominis dictum, Asinum erudire promittentis.

Tyrannus, ad exhauriendum bona subditi qui se multa facturum jactitabat, sub gravi poenâ præcepit, ut asinum literas doceret. Ille impossibile ait fore, nisi multum temporis sibi in erudiendo asino concederetur. Petere quantum vellet jussus, decennium impetravit. Deridebatur ab omnibus, quoniam rem impossibilem suscepisset. Ille amicos consolatus, Nihil timeo, ait: nam interim aut ego moriar, aut asinus, aut dominus. Quibus verbis ostendit salutare esse, rem difficilem in longum protrahi atque differri.

*De Sacerdote, Epiphania an vir esset vel
fœmina, ignorante.*

Socius quidam de festo Epiphaniæ narravit mihi stultitiam sacerdotis contribulis sui. Sacerdos fuit, inquit, qui populo nuntians Epiphaniæ celebritatem futuram, Cras, ait, summâ devotione veneremini Epiphaniam: maximum est enim & præcipuum festum. Nescio an vir fuerit vel fœmina: sed quisquis exstiterit, à nobis est summo timore hic dies custodiendus.

De Cantilenâ Tabernario placitâ.

Viator quidam esuriens, cū divertisset ad cauponulam, ventrem cibo porûq; implevit. Petenti pecuniam ait, nullos sibi esse nummos, sed cantilenis se satis esse facturum. Tabernarius, non cantu, sed pretio sibi opus esse, respondit. Cui alter, Si eam cantionem dicam quæ placeat tibi, num eâ pro pecuniâ contentus eris? Annuente caupone, cœpit viator canere; & an ea placeret, interrogavit. Cū abnuisset caupo, unam & deinde alteram cecinit. Nullo cantu sibi satisfieri ille testatus est. Hic viator, Dicam ergò nunc, inquit, eam quæ tibi sit placitura: & accepto marsupio, dissolventi similis, cœpit cantionem quâ viatores uti consueverunt, *Metti mano alla borsa, & paga l'hoste*: Hoc est, Mitte manum ad bursam, & satisfac hospiti, Hoc dicto, nunquid illa sibi placeret, rogat. Placet hæc, inquit hospes. Tum viator, Satisfactum est tibi ex pacto, ait, postquam hæc cantio placuit tibi. Itaq; absq; solutione discessit.

De

De Sancti Antonii Fratře, & Laico, & Lupo.

Religiosus ex his quæstuariis qui pro sancto Antonio eleemosynam petunt, agricolæ ad dandum sibi nescio quid frumenti persuasit ea pollicitatione, ut assereret omnes res suas, & oves præsertim, per eum annum salvas & incolumes fore. Hujusmodi rusticus promissis fidens, cum oves licentius vagari permisisset, lupo plures ex eis comedit. Qua ex re indignatus villicus, cum altero anno quæstuaris pro frumento rediret, negavit se quidquã daturum, & simul questus est, inanes ejus fuisse pollicitationes. Sciscitanti causam fratri respondit villicus, à lupo oves suas raptas. A lupo? inquit alter. Ohe, mala est bestia, & absq; fide, Cave tibi ab eo: non enim sanctum Antonium tantum, sed ipsum Christum, si posset, falleret.

Stultum est his fidere, quorum exercitium in fraudando consumitur.

Ridenda, de paucitate amicorum Dei, responsio.

AD ægrum quendam, civem nostrum perfacetum, qui gravi morbo diutius torquebatur, accessit Religiosus, hortandi gratia. Cui quidem, inter cætera consolatio- nis verba, dixit. Solere Deum, quos diligit, hoc pacto castigare, & incommodis afficere. Non mirum est, inquit ægrotus, si tam paucos amicos habet: habiturus, si ita tractaret eos, etiam pauciores.

De Medico qui insanos curabat.

Plures colloquebantur de supervacua cura (ne dicam stultitiam) eorum, qui canes & accipitres ad aucupium alunt. Tum Paulus Florentinus, Recte hos, inquit, risit stultus Mediolanensis. Cum narrari fabulam posceremus, Fuit, inquit, olim civis Mediolani, dementium & insano- rum medicus, qui ad se delatos infra certum tempus sanandos suscipiebat. Erat autem curatio hujusmodi: Ha- bebat domi aream, & in ea lacunam aquæ sœtidæ atq; ob- scœnæ, in qua nudos ad palum ligavit eos qui insani ad- ducebantur; alios usq; ad genna, alios inguinibus tenus, nonnullos profundius, pro insanix modo: ac eos tam diu aqua atq; inedia macerabat, quoad viderentur sani. Al- latus est inter cæteros quidam, quem usq; ad fen. pr in a-
quam

quam posuit : qui post quindecim dies cœpit resipiscere, ac curatorem rogare, ut ex aqua reduceretur. Ille hominem exemit à cruciatu ; ea tamen conditione, ne aream egrederetur. Cum diebus aliquot paruisset, ut universam domum perambularer, at exteriorem januam non egrederetur, permisit : reliquis sociis, qui plures erant, in aqua relictis, paruit diligenter medici mandatis. Strans vero aliquando super ostium (neque enim egredi audebat, timore lacunæ) advenientem equestrem juvenem cum accipitre & duobus canibus, ex his qui sagaces dicuntur, ad se vocavit, morus rei novitate : neque enim quæ ante insaniam viderat, tenebat memoriâ ; cum accessit juvenis, Heus tu, inquit ille, ausculta ; oro, mihi paucis, si libet, responde. Hoc quo veheris quid est ? Et quamobrem illud tenes ? Equus, inquit ; & aucupii gratia. Tum deinceps, Verum hoc quod manu gestas quid vocatur ? Et in qua re illo uteris ? Accipiter respondit ; & aucupio aptus querquedularum & perdicum. Tum alter, Hi qui te comitantur qui sunt ? age, & quid profunt tibi ? Canes ait, & qui aucupio accommodati ad investigandas aves. Hæ autem aves, quarum capiendarum causa tot res paras, cujus pretii sunt, si in unum conferas totius anni capturam ? Parum quid nescio, cum respondisset, & quod sex aureos non excederent ; subdit homo, Quznam est equi, canumque, & accipitris impensa ? Quinquaginta aureorum affirmavit. Tum admiratus stultitiam equestris juvenis ; Ho, ho inquit, abi hinc ocyûs, oro atque adeo avola, antequam medicus domum redeat : nam si te hic compererit, veluti insanissimum omnium qui vivunt, in lacunam suam conjiciet curandum cum cæteris mente captis, atque ultra omnes, usque ad mentum in aquam summam collocabit.

Ostendit aucupii porro studium summam esse dementiam, nisi aliquando, & ab opulentis exercitii gratiâ fiat.

Facetissimum consilium Minacii ad rusticum.

Rusticus cum castaneam arborem ad excutiendos fructus ascendisset, decidens ex eâ costam effregit pectoris. Hunc ad consulendum accessit Minacius quidam, homo perfacetus: qui inter loquendum daturum se illi normam dixit, qua servata nunquam ex arbore caderet. Vellem hoc antea inquit æger, consuluisse attamen in futurum poterit prodesse. Tum Minacius Fac semper, inquit, ne sis celerior in discensu quam in ascensu; sed ea qua ascendis tarditate, descendas: hoc pacto nunquam præcipitem te agas.

Ejusdem Minacii lusoris responsio.

Idem Minacius cum aliquando nummulos & vestes insuper ad taxillos lusisset (egens enim erat) flens ad ostiolum tabernæ cujusdam sedebat. Videns mœrentem flentemq; amicus, Quidnā est tibi? Inquit. Nihil Minacius ait, Curnam ergo, si nihil habes, ploras? Hoc solum quod nihil habeo, inquit. Admiratus ille, Quare ergo, si nihil habes, ploras? Ait, Ob hanc ipsam causam, respondit quoniam nihil est mihi. Alter nihil causæ cur ploraret intelligebat: alter nihil sibi reliquum superesse à ludo plorabat.

De Paupere Monoculo, qui frumentum empturus erat.

Tempore quo Florentiæ summa aliquando erat annonæ caritas, accessit pauper luscus ad forum, quosdam sextarios frumenti (ut dicebat) empturus. Rogavit hunc in foro percontantem pretium quidam alter superveniens, quanti sextarius frumenti venderetur: Hominis oculo, inquit constat: designans his verbis annonæ caritatem. Hoc audiens sciolus, qui aderat, puer, Cur tu ergo ait, tam grandem saccum portasti, cum non amplius quam unum sextarium possis emere?

MAncinus vir rusticus oppidanus, meus frumento ad Figignum castrum asellis vehendo exercebatur, quos ille complures ad vecturam sumebat. Cum ille semel à mercatu rediens, fessus è via, ascendisset asinum quendam præstantiorem, computatis in via asinis præibat, domo appropinquans; eoque quo vehabatur minime annumerato, visum est ei unum deesse. Turbat igitur, ac reliquis asinis uxori quos restitueret commendatis, confestim eo asino quo ferebatur ad mercatum septem millibus passuum retrocedit; quærensque à singulis obviis an asinum quempiam amissum reperissent; cum omnes negarent, domum noctu mœrens, & dolens jacturam asini, rediit. Tandem etiam ab uxore admonitus, cum descendisset, illum, quem tanto studio & dolore quæsierat, asinum esse cognovit.

De illo qui aratrum super humerum portavit.

ALter, Pierus nomine, admodum incultus, cum usque ad meridiem arasset, fessis bobus & ipse labore fatigatus, rediturus in oppidum, aratrum super asellum, alligat: deinde asellum, præmissis bobus, ascendit. Qui cum nimio onere gravatus sub pondere deficeret, sensit tandem Pierus asellum ire non posse. Tum descendens, atque aratrum super humerum ponens, rursus asellum ascendit, inquit, Nunc recte ambulare potes; non enim tu sed ego aratrum fero.

F I N I S

1

ento
ceba-
Cum
afi-
finis
mi-
tur,
atib,
rem
vils
nes
afi-
de-
at,

ue
a-
it:
io
e-
m
s,
r